




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2244/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2244/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2244/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2244/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2244/A




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2244/A

L 2244 A
2456
2052

crey
gas

cc
87





2219

47208(9)

ALFONSI
FERRI

De Ligni Sancti multiplici medici-
na, & vini exhibitione,
libri quatuor.

*

HIERONYMI FRACASTORII
Syphilis, siue Morbus Gallicus.

CVM INDICE LOCY-
PLETISSIMO.



LVGDVNI,
Apud Ioannem Frellonium

1547.

ALFONSI FERRI

Artium & Medicinæ Doct. de ligni sancti
multiplici medicina, & vini exhibitione,
liber primus.

PRAEFATIO.

LIGNVM illud, quod vulgò Sanctum, aliàs
Indicum appellatur, ab insulis offertur in in-
teriori oceano etate nostra repertis, unde etiam Lignū san-
morbis ille, qui Gallicus dicitur, ad nos manavit, ctum siue
antea nostris terris incognitus. In illis autem re- Indicum.
gionibus is morbus natus est, ac præter conta-
gionem per se nascitur frequentissimè, cum apud
nos ex sola videatur fieri contagione. In eo morbo
gentes illæ præsentissimo remedio utuntur huius
ligni, omnesq; curantur hac unica medicina. Eam Morbus gal-
rem nostri, qui illic versantur, animadvertentes, licus unde
& ipsi eo remedio vsi sunt, quicunque in morbum manavit.
Gallicum inciderunt, et inde in patriam reuertentes,
afferre ad nos ceperunt lignum ipsum, eaque
medicina, oppressos Gallico morbo curare. Quod
ubi bene atque cum salute successit, breui ac faci-
le id remedium per omnes nostras regiones rece-
ptum est, habitumque pro optimo & præsentissi-
mo in morbi Gallici curatione. Quoniam verò in
insulis unde lignum offertur, non in hoc solo morbo
adhibent ipsius ligni medicinam, sed in alijs quàm Vfus ligni
plurimis morbis, ac ferè in vniuersis illarum gen- sancti mul-
tium exemplo nostri homines edocti, ad multos a- ti plex.

lios morbos curandos eiusdem ligni remedio uti ce-
 perunt. Itaque haec eadem medicina ligni sancti
 tam in morbo Gallico, quā in plerisque similibus
 morbis, atque etiam diuersis, probatissima iam
 apud nos est, & in frequentissimo usu. Nos verò
 pro communi hominū salute, ac pro nostro officio,
 ad hanc tam nobilem salutaremque medicinam ad-
 hibentes omne studium nostrum omnemque dili-
 gentiam, animaduertimus, et ex considerata rei
 ratione, & ex frequenti ac varia exercitatione
 & usu curationis atque successu, medicinā ipsam
 in varijs morbis preparari, & vulgo exhiberi si-
 ne ulla medendi ratione, nulla habita vel morbo-
 rum vel egrotantium consideratione, sed promi-
 scue ac sine ullo discrimine cuius morbo & cuius
 que egroto medicinam ipsam eodem modo confici
 & administrari. Quæ res in perniciem cedat se-
 pius necesse est miserorum egrotantium, dum id
 quod alicui saluti fuit, ceteris, qui vel diuerso mor-
 bo vel diuersa dispositiōe affecti sunt, causa fit non
 auferendi morbi sed augendi. Itaque nos curau-
 mus ut ab hoc prauo usu medicina tam utilis &
 necessaria ad medendi artem & rectam curatio-
 nem reuocaretur. De hoc enim ligno sancto tracta-
 uimus, & cognoscendo, & eligendo, & preparan-
 do, & exhibendo, & quemadmodum, quibusque
 morbis administretur, quibusque complexionibus,
 ætatibus, temporibus, regionibus, inueteratis aut
 recētib; morbis, ac de multiplici variaque conse-
 quētia

Elione & administratione huius medicine. Atq;
 ut res tota esset præptior & manifestior, materiã
 omnem digessimus in partes distinctas, easq; par=
 titulis adnotauimus. singulis, atque per capita
 exposuimus.

De præparatione & administratione ligni sancti,
 quod non eadem semper, sed diuersa debet fieri
 diuersis morbis & diuersis dispositionibus.

CAP. I.



QVOD nos maximè monit
 ad huius operis cōfectionem,
 id fuit, quòd vidimus hãc me=
 dicinam ab omnibus eodem
 modo præparari, & admini=
 strari, tam diuersis morbis, quàm diuersis
 dispositionibus: quod valde mirati sumus
 obseruari medicis vniuersis: Cùm ea res to=
 ta sit maximè contraria rationi, vt ligni san=
 cti medicina eodem modo confecta & exhi=
 bita, quæ est eadem causa & idem agens, pu=
 tetur posse curare diuersos morbos, & con=
 trarios qualitatibus, itē diuersas & contra=
 rias complexionēs, vel dispositiones corpo=
 rum ab intrinseco & extrinseco: vt atatis,
 noui vel veteris morbi, regionum & tempo=
 rum anni, & similiū. quæ curationes corpo=
 rum

rum in diuersis & contrariis qualitatibus & dispositionibus, sunt diuersi & cōtrarii effectus ab ipsa medicina ligni sancti. Et quomodo hæc fieri ab omnibus credita sunt, quæ fieri non possunt vlla ratione. Nam, vt Aristoteles præcipit lib. 2. de generatione & corrupt. idem, & similiter habens se, semper idem innatum est facere. Et ibi Auerroes: Idem non facit contraria. Authore etiam Aristotele, qui ait: Contrariorum contrariæ sunt causæ. Intentiones enim & operationes eiusdem agentis necesse est vt sint conformes potentiis & virtutibus ipsius agentis, nec possunt esse propterea diuersæ intentiones in medicina ligni sancti, si illi non accedent diuersæ virtutes per diuersas illius præparationes & administrationes. Quod ex Auerroe accepimus, qui ait tertio de anima: Quum duæ intentiones sunt diuersæ, necesse est vt virtutes sint diuersæ. Quamobrem non potest medicina ipsa eodem modo disposita producere diuersos curationis effectus. Nam, vt Auerroes testatur secūdo Meteororū, diuersi effectus fiunt propter diuersitatem subiecti in dispositione. Ac propterea omnino necesse est ad diuersos curandi effectus producendos diuersam fieri dispositionem ipsius ligni sancti per præparationes diuersas. Ex Aristotelis etiam doctrina

Strina secundo Physicorum, qui ait: Eadem causa per se est duorum contrariorum, sed duabus dispositionibus diuersis. Et octauo Physicorum, nullum agens, inquit, in eadem dispositione producere potest effectus contrarios. Et ibi Auerroes insuper dicit, quòd cum proportio illius, quod habet potentiam agendi duo contraria, fuerit eadem ad contraria, neutrum efficiet illorum. Falso igitur ligni sancti medicina eodem modo preparata valere credita est, ad sanandos diuersos morbos, vel eundem etiam morbum in corporibus diuerso modo affectis & dispositis. Et ne à medicis discedere videar, non solum logici, inquit Galenus, sed etiam methodici *De sanitate* euidenter intelligunt, vnā omnibus natu- *tuenda.* ris medicinam necessario non conuenire. Et quia non curamus hominem in communi & indifferenter, sed vt varia ac diuersa dispositione affectus est homo, vel intrinseca, vt diximus, vel extrinseca. Quapropter vt hæc maximè salutaris medicina, quæ in potentia est ad curandas diuersas dispositiones & morbos diuersos, ad actum verè deducatur: & vt diuersi effectus curationis & diuersæ operationes ex eadē medicina producantur, vt necesse est à causis diuersis: oportet vt eidem ipsi medicinæ tribuamus diuersas differentias, per diuersas illius prepara-

Libro 2.
Cap. I.

tionem. Quare vnum pharmacum omnibus nequaquam conuenire potest, sed oportet medium esse, inquit Galenus de Compositione medicamentorum, ceu ad mediam temperaturam aptatum, ducere verò ad vtranque eius medii extremitatem, dum quotidiano vsu & experientia probatur. Si vt res postulat confectum sit, in eo manere consilium est: si paulū deficiet, augere ipsius vires, quemadmodum etiam adimere, cū præter modum efficax sit.

Quod sit lignum sanctum.

CAP. II.

In ratione
simplicis
quot requi-
rantur.

Observatum est ab excellentibus medicis, vt in ratione simplicis cuiusque quinque requirantur: Quid sit, quale sit eligendum, cuius naturæ sit, quæ illius proprietates & operationes, quæ permutatio in medicina. Hunc nos morè sequemur in explicanda ligni sancti ratione. Ac primū ostendemus, quid illud sit, id est, quod lignū sit hoc, quod dicimus sanctum. Et nonnulli quidem putant non fuisse ignotum antiquis medicis hoc lignum. Ipsum enim alii dicunt esse, id quod ab Auic. Karon appellatur, alii verò idem quod Hestedeem: plerique opinantur non aliud esse, quàm Ebenum. Hi autem, qui Ebenum credunt, argumento vtuntur probabiliiori multò quàm ceteri, ac insuper Aristotelis

Aristotelis autoritate qui tradit quarto Metheor. omne lignum natare in aqua, nec *Ebenus non* fidere, præter Ebenum. Hoc autem lignum *supernatat.* sanctum non aliter quàm Ebenus fident, ac minimè natat, quapropter creditum est idem esse quod Ebenus, aut certè Ebeni species hæcenus incognita, præsertim cùm eandem opem videatur afferre lignum sanctum, quàm Ebenus in membris excrementorum. Nam & calculos frangit, & ventris inflationem dissolvit. Qui lignum sanctum esse Karon putant, illud afferunt, quòd hoc lignum medetur morbis iuncturarum, quod ait Aui-cenna Karon efficere. Eodemque ferè argumento vtutur de ligno Hestedeem. Sed aliud omnino est hoc lignum sanctum, quàm vel Karon vel Hestedeem. Nam Karon, vt Aui-cenna præcipit, confert morbis iuncturarum factis à causa primitiua, vt fracturis, distortionibus, ac luxationibus, quibus conferre par est extra appositum. At lignum *Lignū san-* sanctum constat medicinam esse antidota- *ctum anti-* riam contagiosis morbis, intus exhibitam *dotus est* necnon quàm plurimis variisque morbis *morbis con-* multiplici remedio subuenire, ac propterea *tagiosis.* longe aliud est lignum sanctum, quàm Karon. Sed ab his lignis, & à cæteris omnibus, quæ in aqua non fidunt, palam est lignum sanctum natura maximè differre, cùm illa

Lignū san- natent, hoc fidat. Ab Ebēno verò lignū san-
ctū non esse ctum longè etiā differre affirmamus, quan-
Ebenum. uis illi grauitate simile sit. Nam Ebenus, qui

non fluitat, niger est, vt manifestum est sen-
 su. Sed ligni sancti color nequaquam est ni-
 ger. Duritie quoque differt ab Ebēno lignū
 sanctum: non enim ita maceratur lignum
 sanctum in aqua cæteris paribus, quemad-
 modum Ebenus. Cū tradat Auic. ex Ebe-

Ebenus i- no collyrium fieri. Præter hæc Ebenus si iu-
gnē statim xta ponatur, ignem statim corripit: quod mi-
contrahit. nimè contingit in ligno sancto. Demum nec

tantum odorem nec talem omnino reddit li-
 gnum sanctum, si comburatur, quantus &
 qualis redditur ab Ebēno. Quamobrē pror-
 sus aliud est, quàm niger Ebenus lignum san-
 ctum. Aut fortasse species quædam est Ebe-
 ni non antè cognita nostris regionibus. At-
 que ab omnibus lignis longè differt, quæ ha-
 ctenus medici cognouerunt: nam à nouo or-
 be noua hæc ad nos venit eximia medicina.
 Nec est mentitus Aristote. qui solum Ebe-
 num è lignis tradiderit, in aqua non natare.
 id enim de lignis verissimum est, quæ nosse
 potuit Aristoteles: hoc autem lignum vsque
 ad nostram ætatem fuit incognitum.

Quale

Quale sit eligendum lignum sanctum.

CAP. III.

EX nouis insulis plures ferre cognouimus lignum sanctum, atque propterea videndum est ubi optimum producat. Nam & ex insula affertur, cui nomen inditum est sancti Ioannis, & ex insula sancti Dominici, & ex insula sanctæ Crucis. Hæ autem insulæ ad meridiem omnes positæ sunt, alia tamen alia australior est, distantque non parum inter se singularum paralleli: ut à geographiæ peritis illuc nauigantibus cognitum ac traditum est. Itaque insula san *Martino* *cti* Ioannis habet Borealis poli altitudinem, *Densio aut* distatque illius parallelus à circulo æquino- *thore*. Etiali gradibus viginti cum dimidio. Insula sanctæ Crucis gradibus ferè decem & octo. Insula sancti Dominici gradibus tredecim. Ab hac insula sancti Dominici primum allatum ad nos lignum sanctum est, eoque aliquandiu medici vsi sunt. Postea ab insula sanctæ Crucis & sancti Ioannis afferri cœpit. Animaduersumque est, optimum esse, quod insula mittit sancti Ioannis, idque multo utilius esse, quàm id, quod nascitur in insula sancti Dominici. hoc enim aridius est, magisque sumetium corpora exiccat: illud vero sancti Ioannis humectat corpora in calidis morbis, humidumque radicale conseruat

seruat. quod experimento patet in asthma-
ticis, in phthisicis, & hecticis. Id verò à ratio-
ne alienum non est, vt temperatius sit lignū
ex insula sancti Ioannis, siccus verò & ari-
dius est in insula sancti Dominici. Nam quę
orbis regiones subiacent æquinoctiali, aut
nō longè distant, nimio Solis calore inflam-
mantur. Quoniam cū præcipua caloris
causa sit in terra reflexus radiorum Solis ca-
lesfaciens infimam aëris regionem, vbi Solis
radii ex meridiano circulo vel recti vel pa-
rum obliqui terram feriunt, necesse est vehe-
mentem fieri reflexum, aëremque infimum
maximè feruere. At in æquinoctiali circulo
recti à meridiano terram feriūt radii Solis.
Quamobrē insula diui Dominici vehemen-
tiore Solis ardore peruritur, quàm insula di-
ui Ioannis, quæ octo fere gradibus plus mi-
nus quàm illa distat ab æquinoctiali. Itaque
in insula sancti Dominici excoquitur, enapo-
ratque in ligno sancto ex nimio æstu succus
ille salutaris, fitque lignum aridum nimis &
torridum: cōtrā in insula sancti Ioannis cum
minori afficitur vi caloris, tum verò refrige-
ratur scatentibus vndique aquis: nam fontes
habet quàm plurimos, fluminibusque riga-
tur vberrimis: quo fit vt sit regio illa tempe-
ratissima, stirpesque ferat, & ex moderato
aëris calore, & ex terræ humiditate omnis
generis

generis præstantissimas in propria natura. Quare manifestum est, lignum sanctum optimum & saluberrimum ex insula sancti Iohannis comportari. Dicendum est deinceps: *Ligni sancti electio.* quale sit per se lignum sanctum eligendum. Ac primum ex arboris ætate media vim habet firmiorem. Tenera enim ætas cuiusque vegetabilis tenuem suscipit leuemque vegetationem: senectus verò prope corruptionem est, ut Auerroes ait secundo de generatione, & secundo Meteororum: virtusque propterea in senectute minuitur. Quapropter media ætate arboris optimum est lignum sanctum. Et ex arboris autem partibus nec tenues furculi eligendi sunt, nec rursus rami admodum crassi & robusti, aut etiam truncus, sed rami optimi sunt media crassitudine. Quanuis putent aliqui meliores esse radices, alii truncos, qui sint radicibus proximiores. Sed nos id verum esse putamus, præsertim de radice, in regionibus ubi lignum nascitur, quòd ibi recens exciso succus maior est radici quàm ramis. Vbi verò iam aruit, citius radices quàm rami excantur. Quanuis verò lignum hoc sit materia quàm densissima, ac diu absit à corruptione, tamen eò melius omnino est, quòd est recentius, maioremque habet succum atque vigorem. Nam semper amittit necessario lignum

gnū ipsum aliquid ex suo humore, qui cū
exiguus illi sit propter siccam ipsius com-
plexionem, breui arefcit, demptōque succo,
in quo est virtus ipsius naturalis, amittit pro-
priam naturam, atque euanescit, remanēt-
que pars terrea tanquam exanima, quamob-
rem recentissimum est optimum, præser-
tim in calidis morbis & siccis, nondum ex-
halato humore ac succo illo vnde operatur.
Eligatur igitur lignum sanctum ex insula
sancti Ioannis, ex arbore mediæ ætatis, ra-
mo mediocritum sit quā recentissimum,
ac si fieri potest, annum non excedat, graui
pondere, cortice hærenti, colore fuscum &
flauum.

*Cuius nature & complexionis sit
lignum sanctum.*

CAP. IIII.

TEMPERATISSIMUM quidem esse na-
tura lignum sanctum, apparet ex ma-
xima ipsius virtute atque operationibus,
dum ea medicina ingentes & quā plurimi
morbi curantur sine læsione vexatione ve
languētium: quin magnum sumentibus præ-
stat alimētum præter cetera simplicia, quo-
rum vsus est medendis corporibus huma-
nis. Quamobrem licet tantos & tam varios
effectus producat magis ex virtute intrinse-
ca & ex forma substantiali, quā ex quali-
tatibus

tatibus, tamen ex primis etiam qualitatibus
 ipsum operari necesse est. Quibus constat,
 vt diximus, esse maximè temperatum, atque
 ex omnibus quatuor qualitatibus operari:
 quoniam & agrotos sanat, & morbos curat
 calidos, frigidos, humidos & siccos. Nec ob-
 stat, quod Aristoteles præcipit 2. de genera-
 tione, contrariorum contrarias esse causas.
 Et Auerroes primo de generatione, contra-
 rium non accipere suum contrarium. Ne-
 que enim simpliciter & absolutè diuersos &
 contrarios qualitatibus morbos & agrotos
 curat lignum, vt imperitè hætenus credi-
 tum est. Sed variè ac diuersè præparatum &
 alteratum: intensum, maiori portione ligni
 infusi: remissum, maiori aquæ infusiõe. Quo
 pacto contraria possunt contingere in eo-
 dem subiecto, alterum videlicet in intenso,
 alterum in remisso, auctore Auerroce 4. Me *Cap. 3.*
 theor. Temperatissimè autem naturæ hoc li *Ligni san-*
 gnum esse, licet cognoscere ex Auerrois do- *cti mira te*
 ctrina quinto Colliget, aliorumque authorū *peries.*
 simplicium qualitates indagantium per pri-
 mas operationes, secundas & tertias. Primæ
 verò operationes sunt calefacere, frigeface-
 re, siccare, humectare. Secundæ sunt, quæ ex
 primis proueniunt: vt à calido & humido mol-
 le reddi, à frigido & sicco durum fieri. Ter-
 tias virtutes dicimus, quæ fiunt in proprio
 ac

ac determinato subiecto, vt prouocare vrinam, educere choleram. Ex primis autem operationibus liquet, temperatam esse naturam ligni sancti, quoniam sumpta hæc medicina, nequaquam plus iusto aut calefacit aut refrigerat, aut exiccat, aut humectat, nec vnquam temperiem excedit: non enim conuertitur in calidiorẽ chilum, sed in temperatum. Temperata verò medicina est, vt ait Auerrois, quæ cùm sumitur exigua portione, comparata materiæ, per illam è corporeeducta, non inducit affectionem extraneam in corpore. quod potissimum in hoc ligno reperitur. Nunquã enim egrotis etiam diu ipsum sumentibus, extraneam inducit affectionem. Ex secundis item operationibus & tertiis temperatum apparet lignũ ipsum: nam & stringit, & laxat, & illa omnia moderate operatur. Et si vel pulmonem purgat, vel hepar, vel si vrinam prouocat, vel sudorem educit, vel ad quodcunque remedium adhibetur, omnia efficit temperatè sine læsione corporum vel molestia. Quapropter manifestum est ex operationibus temperatissimum esse natura lignum sanctum. Licet difficile credat esse Auerrois, medicinã inueniri in cunctis operationibus temperatã. Sed id nos ita se habere, et experimẽtis intelleximus, atque ita nos iure affirmamus atque

que

que præcipimus. Aristote. enim tradit 2. Posteriorum, ex sensu memoriam fieri, ex memoria experientiam, ex experientia artem constare. Quanquam verò temperata natura est, & complexio ligni sancti, tamen esse prædominium ei necesse est, quemadmodum simplicibus cunctis vnius qualitatis & complexionis. Itaque constat apud omnes *Qualis sit* calidum & siccum esse hoc lignum: sed non *complexio* admodum liquet cunctis, quo gradu caliditatis: nam putant plerique ob maximas illius operationes ad tertium caliditatis gradum pertingere. Nos verò affirmamus ad secundum tantum gradum ascendere caliditatis, nec hanc metam caloris excedere illius naturam: idque probamus ex medicinæ ratione in hunc modum: Quicquid manifestè operatur, neque inde nocumentum aliquod contingit in corpore, est in secundo gradu propriæ complexionis: lignum sanctum manifestè operatur, nec tamen inde nocumentum aliquod corpori contingit: ergo lignum sanctum est in secundo gradu propriæ complexionis. Maior assumptio confirmatur Gal. autoritate quinto de simplici medicina, qui ait: Quæ sunt in secundo gradu complexionis, hæc fieri potest vt calefaciant vel refrigerent, aut humectent, aut exiccent sine corporis læsione aut molestia. quod

B

Cap. 15.

idem testatur Auicenna, fen 2. 1. canonis doctrina 2. Gradus, inquit, secundus est, ut sit inde operatio fortior, quam primi, non tamen ut operationes corporis impediat, aut mutet earum cursum naturalem, nisi id fiat per accidens, ut si sapius agat, aut multum sit quod agit. Notandum autem est id, quod dicit multum, quoniam in ligni sancti medicina, si magna sit portio ligni, & aqua parua, necesse est vigorem intendi propriæ caliditatis: contra autem, remitti. Minor verò assumptio frequenti ac manifesta confirmatur experientia, dum tantas videmus ac tam varias illius operationes in corporibus mendendis sine vlllo nocumento aut vlla perturbatione. Nam si tertium caliditatis gradum hoc lignum attingeret, ægrotis tandiu ipsum sumētibus febres omnino induceret, aut inflammationes, aliasque affectiones noxias ex vi caloris. Quin apud eas gentes, vnde hoc lignum affertur, infantes (ut vulgò accepimus) corpore nascuntur plurimis pustulis corrupto, paucosque post dies ab ortu, corpus omne inficitur à vertice ad pedes: quàm primum verò decoctione sumpta radicum ligni sancti, mundari corpuscula, atque absolute sanari paucis diebus. Et radices tamen vehementiores sunt reliqua arbore. Infantium verò tenera corpora sunt, et lēioni magis

gis obnoxia. In terris quoque nostris, vt diximus, & operationes magis videmus manifestissimas ligni sancti, & nulla nocumenta. Ex quibus omnibus planè constat, lignum sanctum calidum & siccum esse in secundo gradu, non vltra, & esse in vniuersum complexionis, & naturæ temperatissimæ.

De proprietate ligni sancti, & operationibus.

CAP. V.

PROPRIAM esse naturam ligni sancti, atque complexionem diximus calidam & siccam: verum præclaræ huius medicinæ *Ligni sancti* ingens est, ac multiplex virtus & operatio, *cui variis* nec vnius tantum complexionis agrotis ac *& multis* morbis medetur, sed in omni operatur *complexus in* plexione, modò rite præparetur, morbos-*medicinis.* que atque agrotos curat diuersos qualitibus & dispositionibus. Nam præter vim intrinsecam suæ naturæ, ac formæ substantialis, ex qualitatibus etiam operatur, non tantum calida et sicca, sed humida quoque, atque vbi opus est, etiam frigida. Itaque & calcfacit, & exiccat, & humectat, & refrigerat. Neque id est à ratione alienum, vt idem operetur diuersa & contraria, si modò diuersè dispositum operetur, ex Aristotelis, Auerroisque doctrina, vt superius demonstraui-
mus. Galenusque ostendit primo de simplici medicina, virtutes esse diuersas in aliquo

B 2

simplici cōiunctas. Atque in vna eademque medicina vim inueniri, quæ calefaciat, vim quæ exiccet, vim quæ humectet, & vim quæ refrigeret. Quod idem contingit in ligno sancto. Ipsum enim omnia hæc aptum natū est operari, si rectè præparetur, & exhibeatur pro ea qualitate, secundum quam est operaturum, ex portione videlicet ligni, & aquæ infusionis, ex quantitate medicinæ, & ex numero potionum. Itaque ligni sancti operationes magnæ sunt, atque salutaris, variæ item atque multiplices, & ex intrinseca virtute substantiali, & ex omnibus quatuor primis qualitatibus: quàm plurimosque atque diuersos curat morbos, ægrotosque dispositionibus diuersis, si ritè præparetur & exhibeatur, vt ordine inferius explicabitur.

Quæ permutatio sit medicinae ligni sancti.

CAP. VI.

PERMUTATIO medicinae ligni sancti fit præcipuè in morbo Gallico, vt curetur vnguento argenti viui. Quod tamen fieri debet in veteri morbo, atque in corpore male affecto & disposito. Neque tamen ad vntiones veniendum est prius, quàm ex medicina ligni sancti bis terve sumpta cognitum fuerit ægrotum non conualescere. Nam hæc ligni medicina propria est ad morbum Gallicum

licum curandum, ac præter cæteras maximè salutaris, nullæque remanent ex ea corporum offensiones. Quod minimè fit ex argenti viui aut cinapri medicina, ex qua offensiones corpori remanēt, læsiones que perpetuæ, vt nos ex longa experientia cognouimus, & propria disputatione demonstrabimus, de cinapro & argento viuo. Minimè verò quispiam proficeret, si his non intellectis diu noctuque in horum correctione ac præparatione laboraret. Nam argentum viuum *Argenti vi* omnino inficit ac lædit principalia membra, *ui nocumen* atque etiam cætera, ossa que & nervos cor-
ta. rumpit, nodosque inducit ossibus & iuncturis. Et nos quidem diu laborauimus in argenti viui correctione vsque ad ingeniosam illius distillationem, & tamen nullam illius inuenimus correctionē: vnde corrigi omnino non posse censemus. Quamobrem ligni sancti medicina in morbo Gallico non aliter cum argenti viui vnguento permutanda est, quàm vbi ea bis tēve sumpta, non conualuit æger & ex morbo vetusto. At tunc demum venit ad vñctionis medicinam. De qua enim nihil attinet nos hoc opere tractare, quod de ligno sancto institutum est, præsertim cum abundè alii scripserint de ipsa vñctione. Atque hætenus de medicina ligni sancti communia quædam, vt plerique vete

rum consuetudine, tradidimus. Post hæc de v^{ar}
ria, diuersaque ipsius præparatione & exhi-
bitione in variis diuersisque & dispositioni-
bus & morbis propria præcepta sumus pol-
liciti, trademus sigillatim. Ac prius com-
munia quædam & vniuersalia præpone-
mus in curatione obseruanda. Nam ex Ari-
stotelis præcepto primo Physic. ab vniuersa-
libus ad particularia procedere oportet, vt
eodem loco testatur Auerr. & secundo de
anima. Quoniam commune atque vniuer-
sale magis notum est, quàm particulare ac
proprium, atque propterea considerata
cuiusvis rei ratione, propriis debent commu-
nia præponi, vt eodem loco Auerroes præci-
pit. Nam quæ magis nota sunt nobis, ea sunt
communia: quæ minus nota, sunt propria,
vt in eodem loco tradit Aristoteles, atque in
aliis plurimis. Ordo verò intelligendi est, à
magis notis ad minus nota intellectui.
Quod Auerroes ostendit secundo de genera-
tione, primo Physicorum, ac multoties aliis
locis. Iure igitur nos in ratione multiplicis
medicinæ ligni sancti communia prius ex-
ponemus, deinceps propria seorsum singula
demonstrabimus.

Cm

*Cur medicina ligni sancti tanta vis est in mor-
bis curandis.*

CAP. VII.

Quo magis medicina quælibet similis
fit calori corporis nostri, & succo vita-
li, atque in eum conuertitur succum, cum su- *Que opti-*
mitur, eò vehementius operatur, & tutius ac *ma medi-*
manifestius. Eaque medicina perfectissima *na.*
est, quæ medicum nutrimentum dici possit,
cùm in substantiam corporis conuertatur,
vt tradit Auic. fen 2. 1. Canonis. Cibus autè *Cap. 15.*
potusque salubris ille est, qui ita afficit cor- *Quis cibus*
pus nostrum, vt in similitudinem ipsius cor- *potusue op-*
poris, hoc est in substantiam conuertatur, *ptimus.*
quod eodem loco præcipit Auic. Hæc verò
medicina ligni sancti maximè omnium si-
milis fit succo vitali corporis nostri, atque
in eius naturam conuertitur, insignè, quæ præ-
bet corpori nutrimentum supra omnes ci-
bos & potus: hanc enim ex ligno potionem
cum exiguo alio cibo tandiu sumentes agro-
ti, ita nutriuntur, ac si ex quauis alia mate-
ria, cibo vescerentur multò maiore. Nec mi-
nus nutrit potio hæc, quàm ius pulli con-
sumpti. Quamobrem nil mirū est, si tātum
valeat medicina hæc ad sanandos hominum
morbos, quādo tanta illi similitudo est cum
substantia corporis humani, ac præterea vim
habet salutarem. Omnium enim natura est

operatrix; vt tertio Tech. tradit Gal. Itaque tam mira operatur hæc potio, quoniam dum sumitur, vt diximus, continuò ac maxime inducit virtutem succi vitalis in corpore, illumque mirificè auget ac roborat, tum ex propria vi suæ naturæ, similitudineque suæ substantiæ corporis humani, arcet expellitque ab ipso corpore omne aduersum & officiens atque extraneum. Atque ita & ratione sui ipsius iuuantis, & nocentis extranei semoti, vehementer operatur in morbis tollendis. Purgat enim sanguineum, & officientes materias resoluit, atque ita totius corporis mēbra conualescunt: imbuta enim membra stypticis pharmacis, vim salubrem transmittunt per omne corpus. 3. Tech. Galeno præcipiente.

Quòd alij morbi, quemadmodum Gallicus, curentur ligno sancto.

CAP. VIII.

Quoscuret *li-* **N**on solum Gallicus morbus curatur ligni sancti medicina, vt initio apud nos fuit illius vsus, sed hecticæ salutaris est, podagraræ, & epilepsiæ, atque aliis morbis quàm plurimis. Nam licet effectus diuersi differant, vel propter agens, vel propter suscipiens, vt ait Auerrois 2. Metheororum, ac propterea videatur non posse eadem medicina curare morbos diuersos: aliter tamen se res habet, quoniam

quoniam eadē medicina variis modis atque diuerse preparata & confecta diuersas accipit dispositiones, ac diuerse afficit: nec idem sit agens, sed multiplex & variū, vt superius est latius demonstratum. Quapropter varios parit diuersosque effectus in morbis curandis. Sed & Gallico morbo saepe contingit iunctos esse, quos diximus morbos, aliosque complures, atque dum adhibita est ea medicina propter morbum Gallicum, reddita salus absoluta est egrotis, sublato tā Gallico morbo, quam quouis alio adiuncto. Quod si tanta vis est huius medicinæ, vt quemlibet morbum, non minus quā Gallicum auferat, multò facilius curare potest singulos ipsos morbos per se solos sine Gallico morbo. Ex dialectica illa ratione, si de quo magis, etiam de quo minus, vt Aristot. tradit 2. Top. Cū enim aliis morbis est morbus Gallicus admixtus, vehementius malum est, curatuque difficilius, quod additur illis noxius humor contagionis. Valde autem difficilis cura est omnis morbi, qui ex contagione contingit, raroque tollitur ope medicinæ, vt tertio Colliget, tradit Auer. Quod verò de hectica diximus curanda, non est de omni specie ipsius morbi intelligendum, vt proprio capite inferius exponeamus. Omnino autem id in omni morbo cu-

rando seruandum est, vt quum aliis medicinis minimè sanantur morbi, confugiatur ad ligni sancti medicinam. Sed iam ea exponere aggrediar, quæ seruanda sunt in curatione, quæ per hanc medicinam perficitur.

De loco eligendo, in quo curandus est ager.

CAP. IX.

Frigus humores densat.

QVONIAM expellendus à corpore est noxius humor, materiæque morbi resoluenda, laxentur opus est, apertioresque fiant meatus corporis, qui pori appellantur, vt inde effluat morbus. Quamobrem calido loco ager continendus est dum curatur, ne frigus humores denset, operationemque impediat naturæ ac medicinæ. Stringit enim frigus, porique corporis fiunt angustiores. Itaque vel natura calidus sit locus curationis, vel arte cubiculum calefiat, in quo ager curatur. Modus tamen seruandus est in loci caliditate, pro cuiusque morbi ratione. Nam in frigidis morbis, & in multo humore noxio, calidiore opus est habitatione: in calido verò morbo, & in exiguo humore, minus calidus locus est necessarius. Itaque pro ratione & morbi & aegroti sedes aut magis aut minus calida adhibeatur.

De

De tempore anni eligendo.

CAP. X.

APTISSIMUM tempus est ver ad ministrandæ huic medicinæ ligni sancti: deinde autumnus, ob mediam temperiem inter calorem et frigus. Aestas minus utilis est, atque in calidis morbis & complexionibus etiam perniciofa, ob nimiam resolutionem, quæ tunc facile potest contingere. Hyems quoque vitanda est in morbis & complexionibus frigidis: magis enim afficiuntur corpora atque læduntur à simili qualitate, quàm à contraria. Si autem vis morbi atque necessitas urgeat, fauiente etiam hyeme, ita calefieri locus potest, vt temperies in eo sentiantur medii veris.

De cibatione, & quare cibus exiguus præbendus est in hac curatione.

CAP. XI.

QVVM decoctio cibi sit perfectio humoris generati propter actionem caloris naturalis in idoneam materiã, vt Auer. tradit 4. Metheor. cùmque decoctio ligni sancti non facile concoquatur, si cum illa plenior cibus sumeretur, non posset naturalis calor vtrunque superare, atque hoc pacto concoctio impediretur. Quapropter modicus est sumendus cibus, vt optimè concoquatur.

Cnr

*Cur pane vescendum est bis cocto potius,
quàm alterius modi.* CAP. XII.

Cap. I.

BIS cocto potius, quàm alio pane vescen-
dum est, cum decoctione ligni sancti,
quòd is panis est maximè siccus, ut sua sicc-
tate diu retineat ligni decoctionem in stoma-
cho. Sicci enim proprium est retinere. Ita-
que ne ligni decoctio sumpta citò effluat à
stomacho, crudaque atque inanis venas per-
meet, siccitate retinenda est panis bis cocti.
Nam cùm potio illa ligni humidum quid
sit, citò ad hepar deflueret, atque illi admi-
sceretur. Humidum enim, ait Arist. quarto
Meth. facile terminari, difficileque siccum.
Mistio autem & coniunctio, ut eodem libro
trahit Auer. fit necessariò propter humidum,
diuisio & separatio propter siccum. Ut igitur
diu permaneat potio ligni in stoma-
cho, concoquaturque iuxta omnes conco-
ctiones, atque ita subueniat corpori, & mor-
bo medeatur, dum absolute cōcocta fuerit,
ac iam concreta, cohibenda est & glutinan-
da cibo vnà sumpto quàm siccissimo, hoc
est, pane bis cocto. Nam, ut trahit Auer. 4.
Metheor. siccitas facit humidum accipere
concretionem & difficultatem separationis.
Præterea is panis leuissimus est, ut præcipit
Celsus 1. libro de Medicina, capite sexto.
Quapropter eo cibo stomachus minus gra-
uatur

uatur. Nec etiam ita opilat bis coctus panis, vt communis. Parum verò refert, si tardius penetrat panis bis coctus. nam ea re non multum superatur à reliquo pane. Sit tamen in suo genere is panis perfectus quinque illis qualitatibus, quas tradit Auic. 2. canone, capite proprio: hoc est, vt sit mundus, salitus, confectus, fermentatus, bene coctus. Fiat autè ex simila, potius, quàm ex farina communi, quoniam is utilior est, & magis nutrit, vt eodem loco præcipit Auic. Neque tamen adeò refert, si pro bis cocto præbeatur panis communis, qui bene coctus sit, perfectusque qualitatibus aliis, quas diximus, præsertim in consumptis ægrotis & in morbo calido, & complexione eadem. Non enim propter communem panem, si optimus sit, prohibebitur, quin absoluta fiat coctio potionis ex ligno sancto, etiam in maximè languidis & infirmis.

De medica cibatione, quam dietam dicunt, & qualis debeat esse in hac cura, dieta regularis, qualis resumptiua.

CAP. XIII.

DIETAM regularem constituimus in curatione ligni sancti ab initio ad finem curationis, tam in prandio, quàm in cœna, panis bis cocti vncias tres, vix passæ vncias duas, amygdalarum tostarum vnciam vnā

ynam. Si autem paulò egentior cibi ægro-
tus sit, addi potest vncia panis, vt quatuor
vnciæ sint, & in prandio & in cœna. Diætã
verò resumptiuã ab initio curationis vsque
ad finem constituimus, carnem pullastræ,
gallinæ, caponis, phasianæ, auicularum, hoc
dorum lactentium. Modus autem erit vt
tres vnciæ carnis sumantur, & totidem pa-
nis, tam in prandio, quàm in cœna: aut si vel
ægroti vel morbi ratio exigit, & panis &
carnis vncia quatuor. Tutius verò à carne
incipietur pulli non cocuntis, vsque ad sta-
tum curationis, deinceps ceteræ, quas dixi-
mus, carnes pro arbitrio præberi possunt.
Si autem necessitas interuenerit, præben-
dum est, vel contusum gallinæ seu caponis,
vel ius pulli consumpti ab initio ad finem
curationis.

*Quòd varianda diætã est ratione vel
morbi, vel ægroti.*

CAP. XIII.

NON eadem semper diætã seruanda est
in curatione ligni sancti, sed varianda
nonnunquam est, & pro varietate dispositio-
num, & præcipuè ac maximè pro varietate
complexionum & ætatum. Pro varia enim
ægroti dispositione, vt infirmitatis ratio po-
stularit, alia erit diætã initio curationis, alia
in incremento, alia in statu, alia in declina-
tione.

tionē. Aliquando etiā diætā seruetur regularis, aliquādo resumptiua, vt qualitati morbi conueniet, & agroti. Variæ enim complexionēs & ætates, varia etiā diætā curandæ sunt. Sanguinei verò & cholericī quauis ex parte conueniant, facilius tamen tolerant inediā sanguinei quàm cholericī, cæteris paribus: tum quia sanguineus minus inflammatur, propter caloris tēperiem, tum quia humor in eo tardius resoluitur propter humidā complexionem. Phlegmaticis quoque quauis ex parte conueniat cū melancholicis, facilius tamen propter maximam humiditatē fert inediā phlegmaticus, quàm melancholicus, qui siccus est: propter frigiditatē verò phlegmaticus hac re superat sanguineum. Itaque cholericus minimè omnium est patiens inediæ, ob feruorē et siccitatem. Quare varia esse diætā debet variarum complexionum. Idēque obseruandum est in variis ætatibus. Firma enim ætas minus cruciatur inedia, quàm iuuentus, cæteris paribus, iuuenes minus quàm pueri. Omnino autem in diē purgationis, carne cibandus est ager, propter lassitudinem, quam efficit inanitio: illud tamē curetur, ne cruditas contingat. Si verò stomachus imbecillior fuerit, confuso gallinæ subleuetur, tam in prandio, quàm in cœna. Caro autem vel elixa sit, vel
assa

assa super prunas, nulloque inficiatur falsamento, aut quouis condimento. Salis verò aut nihil, aut perparum adhibeatur, ne hebetetur, aut corrumpatur vis, atque operatio decoctionis ligni sancti. Neque enim fastidium stomacho timendum est, aut nausea. Ipsa enim decoctio sua virtute stomachum roborat, adiuuatque ad concoquendum.

Quod æger purgandus est in curatione ligni sancti, & quoties.

C A P. . X V.

Qui cura-
tur ligno
sancto, pur
gandus est
omni octa-
uo die, vel
salte in duo
decimo.

IN vnoquoque morbo, qui curatur ligno sancto, æger purgandus est octauo quoque die vel sexto, si multitudo apparet humoris noxii. Si autem noxius humor exiguus est, sat erit duodecimo fieri purgationem. Itaque peritus medicus in hac re considerabit qualitatem morbi & ægroti, & maximè humoris noxii quantitatem. Hec enim

ligni decoctio digerit corporis humores, trahitque illos ab extremis partibus ad medium, variis modis iuxta varias materias multò perfectius, quàm reliquæ medicinae. Tenuēs autem humores per sudorem eiicit: crassos ad decoctionem facit aptiores. Itaque sæpius æger purgandus est. Sed omnino initio curationis. Intra curationem verò, quo die purgatio fit, nonumat ægrotus syrupum ex ligno sancto, nec mane nec vespere.

speri. In ipsa verò purgatione, & operatione medicinae, si fuerit acer dolor, & pungens in stomacho vel intestinis: Item si remissius medicina operabitur, aderitque hebetatio: tunc præbendum est ius pulli seu gallinae sine sale, atque cum saccharo, aliaque adhibenda sunt adiumenta, quibus utitur medicina. Id enim nihil officit curationi ligni sancti.

A quibus abstinendus est agrotus, in curatione, & quæ seruanda.

CAP. XVI.

A Coitu omnino abstineat agrotus tempore curationis. Si quis verò in Venere rem pronior fuerit, vngantur illius renes cerato aliquo frigefaciente, ut libido prohibeatur, & pollutiones. Sed & peracta curatione abstineat prorsus à Venere, saltem per triginta dies: curas etiam omnes ab se fuget qui curatur, atque animi molestias, & perturbationes. Hæc enim, ut Gale. ait 3. Tech. malè afficiunt corpora, mutantque ab ea, quæ secundum naturam est, consistentia. Is igitur, cui facultas est, detineatur, exhilarenturque amicorum iucundis sermonibus, factis dictisque ridiculis, musica dulcedine, rebusque aliis, quæ illum voluptate afficiant, atque ab omni molestia quàm longissimè absit. Si autem aufugerit somnus ab egroto, nimiumque illum vigilia vexarit, periculo-

C

sum est malum, atque illi maturè succurrendum. Nam quemadmodum somnus est vinculum quoddam virtutum corporis & confirmatio: sic vigilia, quæ somni priuatio est, eneruat vires ipsas, atque dissoluit, vt Auer. de somno & vigilia, & 11. Colliget, ostendit.

*Somnus pro
arcandus
est.* Itaque somnus prouocandus est, vel syrupo papaueris, vel alio adiumento. Vt autem tutius æger curetur, vsque ad incrementum curationis semper decumbat. In statu verò & declinatione, post matutinum sudorem surgere poterit, reliquumque diei ducere pro illius arbitrio: ita tamē vt nec frigus sentiat, nec lassitudinem. Ob hanc igitur causam, aliàsque plures, partiendus est morbus, & curatio per quatuor tempora, quanuis curatio breuissima procuretur, quæ est viginti dierum. Nam communis curatio, & visita- tio est dierum quadraginta. In curatione verò, particularia localia non debent apponi loco ægrotanti, nisi post initium vel incrementum curationis. Aliter enim augeretur

*In curatio-
ne nunquā
lauet ma-
nus aqua
frigida.* causa morbi coniuncta. Per totā autem curationem nunquam aqua frigida æger lauet manus, nec eam tangat, ne frigiditas aquæ actiua repellendo humores ab exterioribus ad interiora nocumentum aliquod inferat membris nobilioribus: quare abluantur manus vel vino albo calido, vel aqua calida.

De

De sudore, & quæ in illo seruanda sunt.

CAP. XVII.

POtio ligni sancti, vt superius diximus, suapte natura educit sudorem, qui initio ferè curationis, & incremento solet fieri copiosior, remissior verò in statu & declinatione: vbi per totam curationem, ab initio ad finem largior fuerit sudor, argumentum est multæ morbi materiæ, ac noxi humoris. Interdum tamen sudor plurimus contingit ex ægroti caliditate, aut ex laxitate pororum, aut ex utroque. Si cui verò non per se sudor fluit, arte prouocandus est, atque educendus, puta latere calefacto albôque vino superin-
Sudor est prouocandus, si quis per se non sudat.
 dus, si quis per se non adminiculo facile sudor educitur. Prouocandus autem sudor est non semper eodem modo, sed aliquando largus, aliquando mediocris, aliquando perexiguus, prout conducere videbitur & in morbo & ægroti. Vt verò humiditas, præsertim capitis, non officiat, tondeatur ad cutem qui curatur, ac post sudorem ab summo vsque capite ad plantas inias diligenter abstergatur atque siccetur. In reliquis quoque membris nulla sudoris pars relinquatur, ne humor ille maius afferat nocumentum, atque augeat morbum. Ergo optimè totum corpus siccetur, sed maxime caput.

Qua forma conficiatur ligni sancti medicina.

CAP. XVIII.

Non sunt audiendi, qui putant fieri posse medicinam ligni sancti per catapota seu pilulas, aut etiam per pastillos, seu electuaria, nec etiam idonea est confectio florum ipsius ligni sancti, aut teneri arboris furculi saccharo conditi, aut syrupus ex succo ipsorum furculorum. Hæc enim particularem faciunt medicinam, nec per illam munda-
dari possunt restituique membra vniuersa longo atque assiduo morbo affecta. Itaque non tolleretur morbus à particulari sumptione. Neque salubrior esset eo pacto medicina ligni sancti cæteris vsitatis, quæ parum profunt. Quamobrem optimus modus ac salubrior forma medicine ligni sancti, est decoctio ipsius ligni. Ea enim est medicina vniuersalis, tum maximè nutrit sumentes, ut verè sit medicum nutrimentum, quod superius demonstraui-
mus. Decoquendus verò ex arbore est, truncus mediæ crassitudinis, mediocris ætatis, non mediocris ponderis, & recens, cortice maximè contiguo & hærenti, colore inter fuscum & flauum, ex insula sancti Ioannis vel sanctæ Crucis, ut superius disseruimus: vbi etiã ostendimus, apud nos radicem arboris non esse idoneam, quantis in suis terris aptissima sit ad medicinalem

lem decoctionem.

Quòd longa mora fieri debeat decoctio ligni sancti.

CAP. XIX.

Lignum sanctum demonstrauius habere materiam siccam, densam & duram. Facilitas verò miscibilium contingit ex humido, contrà difficultas ex sicco: vt Auer. ait i. de generatione. Aristotelésque tradit eodem loco, quodque corpus miscibile fieri, redactum ad humidam substantiam. Quamobrem lignum oportet diu ac longa mora decoquatur, vt redigatur ad humiditatem, atque etiam vt commisceatur aquæ decoctionis, vnâque forma liquoris fiat ex aqua & ligno, ab vtroque diuersa. Nam quæ miscentur, corrumpunt inuicē intentiones, & proprias qualitates, vt ait Aristoteles secundo de generatione. Itaque per longâ decoctionem lignum sanctum, sublata siccitate ac densitate, humidum fiet, ac liquidum & rarum. Quibus qualitatibus, vt testatur Auerroes primo de generatiõe, facile quoduis corpus in substantiam aliti conuertitur.

Quomodo præparetur lignum sanctum ad decoctionem.

CAP. XX.

VT facilius in infusione macerari possit lignum sanctum, cultro radendum est, redigendûmque in tenuissîma ramenta.

C 3

Hæc ligni ramenta in aquam infusionis mergantur in mundo vase. Debet autem vas ad vnum modum decoctionis vitreum esse: ad alterum modum fictile seu testaceum, ut ostendemus. Mora infusionis in frigidis morbis duodecim horarum sit ante decoctionem, ut melius misceatur, opereturque validius. In morbis calidis, aut brevis, aut nulla sit mora infusionis, ne nimis intense opereatur, ut sigillatim suis locis exponemus.

Quomodo decoquatur lignum sanctum, & quot sint illius decoctiones.

CAP. XXI.

DEcoquitur lignum sanctum vno modo, posita infusionis aqua cum ramentis ligni, ut diximus, in vitreo vase. Hoc autem vas vitreum cum infusione ponitur intra maius alterum vas æneum plenum aqua communi, mediis paleis intra utrunque vas, ne vas vitreum frangatur. Feruente verò aqua communi in æneo vase calefacto à subito igne, feruet etiam atque decoquitur infusio in vase vitreo calefacto à feruenti aqua communi.

Hoc est 8. Consueuimus, inquit Galenus octauo de *Methodo*, de ingenio, calefacere olea duplici instrumento: quia si aliter calefiant, corrumpitur eorum *unguentis* virtus. sic & de ligno sancto dicendum est. *in duplici* Alter decoctionis modus est simplex, hoc *vase calefa* est, ut decoctio fiat in vase fictili ab igne ca- *ciendus.* lefacto.

lesacto. Prior autem decoctio in gemino vase, est virtutis alteratiua, ac refrigeratiua, aptior calidis morbis, & calidis complexionibus, hoc est, cholericis & sanguineis. Altera decoctio simplex in vase testaceo est calefactiua magis virtutis, frigidis morbis idonea, & frigidis complexionibus, phlegmaticis, & melancholicis. Quoniam verò superius diximus longa mora decoqui oportere lignum sanctum, id animaduertendum præcipimus, non omnibus morbis, & agrotis eiusdem moræ decoctionem conuenire, sed aliis maioris moræ, aliis minoris. Quamobrem gradus constituendi sunt in ipsa decoctione: vt, verbi causa, primus gradus decoctionis sit, quo decoctio remanet vnius libræ, secundus nouē vnciarum, tertius vnciarum sex aut septem, & ita deinceps. Decoctio autem non simplex, aut vnica fit, sed duæ ac tres fiunt. Eadēque ramenta ligni, facta prima decoctione, atque compressa & percolata, iterum ponuntur in aquam infusionis: & fit secunda decoctio, atque iterū comprimuntur, & colantur: tum tertio, si opus erit, ponuntur in aquam infusionis, & fiat tertia decoctio. Prima verò decoctio dicitur syrupus, seu prima aqua ligni. Secunda, secunda aqua: tertia autem, tertia aqua. Syrupus autē, seu prima aqua ligni, magis est ca-

lesactiua, ad morbos apta & complexionibus frigidis. Secunda aqua est alteratiua magis, & refrigeratiua, calidis complexionibus & morbis adhibenda. Initio autem autumnus, & ultimo vere, tertio quoque die, aut etiam altero, decoctio est conficienda, quoniam calore anni celeriter corrumpitur. Hyeme verò sat est, ut quarto quoque die vel quinto, aut sexto conficiatur. Ob frigus enim non ita facile putrescit. Quare hyeme libra integra fiat decoctionis, calidiore anni tempore semilibra. Atque hoc modo fit decoctio ligni sancti.

An in decoctione ligni sancti, alia decoquenda sint una cum ipso ligno.

CAP. XXII.

IN fine curationis, in complexionibus calidis, decoqui possunt cum ligno sancto frigida herba: ut cichorea, endiua, buglossa hortensis, quam borraginē dicunt, aliaque id genus. Id verò fit ad refrigerandam iecoris caliditatem, totiusque sanguineae habitudinis. Quod autem de fine curationis diximus, idem fieri potest, non tantum in actu praeseruativo, sed etiam in curativo, praesertim in aliqua discrasia iecoris, atque in aliis, maxime quorum tibi pustulis ulcerantur, quibus sola subuenit ligni sancti medicina. In hac autem decoctione, in qua herbae admixtae sunt,

sunt, idem ritus seruandus est, & regula, de
dieta, portione, & ceteris, quę ad curationem
absolutam pertinent ligni sancti.

*Quod vario gradu & intensione decoctio fa-
cienda est ligni sancti.*

CAP. XXIII.

MOra decoquendi, atque gradus, quos
diximus, decoctionis, diuersi esse de-
bent, frigido anni tempore, & calido, ceteris
paribus. Nam hyeme intensior debet fieri de-
coctio, & maiore gradu: vere atque autūno,
minore gradu, atque remissior. In tempori-
bus item curationis, hoc est, initio, incremen-
tōque, statu, & declinatione, non idem serue-
tur modus decoctionis in paribus morbis et
egrotis. In variis quoque morbis, variis ara-
tibus, variis complexionibus, varius debet
omnino esse gradus decoctionis, vt sigilla-
tim inferius exponemus. Nihil verò refert,
quod aiunt, gentes illas, apud quas nascitur
lignum sanctum, eodē semper modo ac sine
vllō discrimine conficere ac sumere hanc po-
tionem. Nam imperiti illi sunt artis medici-
næ, ac rationis, vel fortē quoniam recens li-
gnum decoquunt, salutaris est ea medicina,
quocunque alio modo conficiatur, vel quia
in illis regionibus antidotaria medicina est
lignum sanctum, vel, quod credibilis est, de-
coctionem conficiunt admodum tempera-

tam, vt in omni tēpore anni subueniat egrotis omni etati, omni morbo, omni que complexioni.

Quibus horis syrupus ligni sancti sumendus sit.

CAP. XXIII.

Syrupus ligni sancti sumendus est egrotantibus & mane, & vespere. Ante pradium verò & ante cœnam sumatur, tanto temporis spatio, quanto opus est, vt concoqui possit, pro stomacho vel firmo vel imbecillo. Atque magnopere errarunt, qui præbendū syrupum arbitrati sunt post cibum secunda hora. Ea enim res aduersatur rationi totius medicinæ. Quare tempus concoctionis syrupi sit circiter quatuor horarum ante pradium et cœnā, plus minus, prout vires concoquendi, & syrupi quantitas exegerit. Si autē morbus in cerebro sit, tunc syrupus post cibum præbeatur, vt suis locis declarabimus.

Quòd non eadem semper quantitas & qualitas syrupi sumenda est. CAP. XXV.

Non eadem quantitate syrupus præberi debet omnibus temporibus curationis. Sed à paucitate incipiendum est, paulatimque quantitas augenda. Natura enim nō fert repētinās mutationes: vt I. I. Tech. præcipit Galenus. Quare imbecillis egrotis præbeantur vnciæ tres syrupi mane, tantūdemque vespere in incremento, quatuor in statu,

&

& declinatione sex. Aliquando verò præbeatur syrupus aut tantum mane, aut tantum vespere, si aut valde nausæas fuerit ægrotus, aut stomacho nimis imbecillo, vt fieri non possint omnes decoctiones necessariae. Itaque animaduertendus hic modus est ab iis, qui curam gerunt ægrotantis. Sed & ætatis ratio habenda est in quantitate potionis, & complexionis, & in vniuersum totius dispositionis cuiusque ægroti, vt modus quantitatis seruetur in vnoquoque. Hæc verò nos suis locis singula exponemus. Quod autem de quantitate diximus potionis, idem omnino seruandum est de qualitate, hoc est, de gradu & intensiōe decoctionis.

Quid agendum sit, stomacho nausæante.

CAP. XXVI.

SI cui assidua nausea contigerit, non est propterea dimittenda incepta curatio. Nam paulatim atque in dies nausea minuetur, semperque stomachus robustior fiet. Si autem eueniat nausea ex innata stomachi caliditate, tunc syrupum, & aquam, aut eorum alterum, vt morbus & ægroti dispositio exegerit, ad frigiditatem oportet reuocare, vt minore gradu fiat, & remissior decoctio. Vt verò amaror ille frangatur syrupi vel aquæ secundæ, admisceri possunt, aut coriandri preparati, aut saccharum rosaceum,

aut

aut aliud tale, quod & amarorem minuatur,
& conueniat morbo, & ægroto.

*Quòd intermittenda est aliquando potio ligni
sancti, aliquando etiam dimittenda.*

CAP. XXVII.

Initio cura **I** Nitio curationis, in quibus morbis dolo-
tionis dolo- res sunt, augeri potius, quàm minui solent
res solent dolores ipsi, ob agitationē factam in humo-
potius auge ribus, ex ligni operatione. Neque propterea
ri quàm mi est curatio intermittenda. Nam salus omni-
ni. no futura est, procedente semper atque ope-
rante virtute medicinæ. Nam, vt ait Auer.

xiii. Metheor. effectus augetur ex operatio-
ne inquieta, ac sæpe conualefcit ægrotus non
paruo tempore post curationem. Si autē ali-
quod accidens intra curationem accesserit,
puta, febris, vel destillatio seu catarrhus, præ-
beri potest pro syrupo aqua secunda alterati-
ua in hora cibi, aut intermittenda est ad tem-
pus potio ligni sancti, &, sublato accidenti,
resumenda. At si perseuerauerit accidens il-
lud, atq; periculū timetur, dimittatur omni-
no curatio ligni sancti. Cū verò inerit ali-
quod nocumentū internum in spiritualibus
vel nutritiuis, & aliæ tamen aderunt intentio-
nes medēdi, per syropos, & electuaria, & a-
lia similia, tunc non est relinquenda potio li-
gni sancti, sed præbenda cū aliis illis medica-
mentis, vt subueniatur maximè interiori no-
cumento:

cumento: ita tamē vt quotidie, sed semel tantū, sumatur syrupus ligni, aut aqua secūda sola in potu, loco vini, quæ aqua vel intensæ decoctionis sit, vel remissæ, ad calefaciendū, vel alterandum, vt conueniet morbo & egroto. Atque hunc nos modum curationis experti sæpe sumus felici rerum euentu.

*Quo pacto administretur medicina ligni sancti
in morbo Gallico.* CAP. XXVIII.

SI morbus Gallicus recens fuerit, nec tres menses excesserit, sola humectatione opus est, et mundatione atq; recreatione mēbrorum. Quod fit per potionem ligni sancti alteratiuam, & refrigeratiuam. Nam si in recenti morbo intensiorem decoctionem præberemus, & calefactiuam, (quod fieri debet in veteri morbo) proculdubio recēs ipse morbus deterior fieret, & augeretur. Calefactiua enim decoctio ligni, quæ, vt diximus, veteri conuenit morbo, sua virtute aperitiua, in morbo recenti auget dolores iuncturarum, vomicas excitat ossuosas, mēbra principalia inflāmat, infectaque dimouet à naturali temperamento, ac totum corpus vexat grauissimis accidentibus. Quæ omnia contingūt ex intemperata decoctione, ob nimiam illius intensiōem & caliditatē. Itaque diuersa est ratio præbendæ potionis ligni sancti, in veteri morbo Gallico, & recēti, vt suis locis sigillatim

tim exponemus. Quum verò in hoc morbo vlcera sunt oris, aliorumve membrorum, dum curatio fit per lignum sanctum, mederi vlceribus possumus interea vnctione cum mercurio & ligno sancto. Et in oris quidem vlceribus ea vnctione septem dies collum vngendum est. In aliis verò membris circum ipsa tantum vlcera vngatur mane & vesperi. Si autem vnguenti caliditas offenderet vlceribus, alia poterit vnctio adhiberi frigidior alterans & exiccans, mundatis prius vlceribus. De his verò latius inferius, ac sigillatim precipiemus.

Quæ post curationem ligni sancti seruanda sunt. CAP. XXIX.

PERACTA in quouis morbo curatione ligni sancti, ad eum modum, qui est hactenus descriptus, primum illud seruandum est, ne aut habitet aut versetur curatus in frigido loco, nec unquam omnino sentiat frigus. Nam ob raritatem pororum corporis facile nouus aliquis morbus contingeret, qui esset curatum perquam difficilis, præsertim si frigidus esset morbus, aut in frigido anni tempore. Modus deinde seruetur in cibo & potu, saltem ad duos menses, ut carnes edantur facili concoctionis, ac cætera, quæ nihil omnino officiant. Quantitas verò cibi ea sit, ut illa minime grauetur stomachus imbecillis ex inedia, quæ præcessit, atque ut bene concoctus
cibus

cibus facillè in substantiam aliti cōuertatur. Si autem peracta curatione, inflammatio cognoscetur in iecore & in habitudine sanguinea, quòd erratum in curatione fuerit, confecta decoctione nimis intensa, necesse est alterari iecur atque refrigerari syrupo aut aqua endiuix, aut re alia, quæ refrigerat, aut venā incidi, vt conueniet. Ad tuendam verò valetudinem ex quouis morbo, præsertim ex morbis chronicis, et qui vix euelli possunt, vt est podagra, poterit curatus procedente tempore quarto aut sexto quoque die sumere aquam secundam decoctionis ligni, vel syrupum, quod est multò vtilius. Quòd si per legitimā ligni curationem quadraginta dierū, non receperit quis integram salutem, debet post aliquot menses, aut etiam annos repetere ipsam curationem, atque, si opus fuerit, tertio aut quarto, de integro curari eadē ligni medicina eodēque ritu. Neque quicquam inde timendum est incolumitati: nam adeò est præclara hæc medicina & salutaris, vt, si ritè administretur, non modò non efficiat sæpius sumpta, sed membra quoque omnia foueat, recreet, ac roboret, corpusque per illam deducatur ad perfectam habitudinem, ac ferè iuuenescat.

Atque hæc nobis pertinere visa sunt ad cōmunem generalēque rationem huius medicinæ

dicinæ ligni sancti. Post hæc de vniuersis morbis, de ætatibus, de complexionibus sigillatim atque ordine præcipientur. De ratione autem ipsorum morborum, nihil attinet hoc opere disputare, de quibus plurimi atque præclari authores tractauere: sed in singulis morbis demonstrabimus diligenter quo pacto curandi sunt hac medicina. Iamque modum ponemus primo huius operis libro, si prius quasi corollarium illi addemus, rationem diuersæ operationis ligni sancti.

Quare diuersæ contingunt operationes ex medicina ligni sancti.

CAP. XXX.

Lignum sanctum diximus esse naturæ atque complexionis calidæ in secundo gradu, ac siccæ. Quamobrem non mirum est, si curentur illo morbi & ægroti humidæ naturæ ac frigidæ. Sed difficile illud videtur, quod nihil minus subueniat siccis calidisque morbis & ægrotis. Quare autem id fiat, nos ratione cognouimus, & vsu atque experimentis. Causa verò diuersæ operationis, ut supra tetigimus, est varia confectio ipsius medicinæ. Remissior enim decoctio ligni sancti facit ut propriæ ipsius qualitates remissæ transfundantur in aquam decoctionis, qualitates verò aquæ minus transmutentur vigore ipsius ligni. Quo fit,

fit, vt ex vtroque composita decoctio ad hunc morbum remissa, multò minus habeat ex qualitatibus ligni, multò plus ex aquæ qualitatibus. Ac propterea talis decoctio, ratione commistionis non iam calida & sicca est, sed humidæ potius & frigidæ qualitatibus: quia composita qualitate coniuncta cum propria virtute atque potentia naturali ipsius ligni, iure ac merito ea medicina morbos curat & agrotos calidæ ac siccae naturæ, humectatiuamque vim habet, & refrigeratiuam. Sed & ratione portionis ligni & aquæ decoctionis, humidam induit decoctio, & frigidam qualitatem, dum pars modica ligni cum aquæ maxima parte coniungitur, vt exigua ligni quantitas intensiua superetur à quantitate aquæ nimium extensiua, atque ita decoctio accedat magis ad aquæ qualitates. Itaque siccum quidem & calidum est id, quod decoquitur, sed decoctio trahi arte potest propter aquam, in contrarias qualitates. Præcipua tamen causa, quòd tam mira operatur hæc medicina, nō tam qualitates sunt, quàm propria natura, vt diximus, & vis ipsius ligni veri, sancti & salutaris.

D

LIBER SECVNDVS

DE LIGNO SANCTO.

PRAEFATIO.

Hoc secundo volumine de singulis morbis, ut dictum est, sumus tractaturi, curandis per ligni sancti medicinam. Constituimus verò propriam curationem in vnoquoque morbo, non solum quæ ad morbum ipsum pertineat, sed quæ cuique conueniat habitudini seu complexionem ex diuersis quatuor corporum humoribus, sanguine, bili, seu cholera, pituita, seu phlegmate, atra bili, seu melancholia: quæ nem conueniat cuique etati, quæ firmo corpori, quæ imbecillo. Incipiemus autem ab eo capitis morbo, qui & molestissimus est, & curatu multò difficilior.

linus.

De cephalea seu hemicrania.

CAP. I.



EPH A L E A , morbus, vt ait Celsus, acutus ac pestilēs, hemicrania etiam dicitur, quod frequētius certam partem capitis infestet, licet variis locis, semper tamen qua caput capillo tegitur. Hic morbus varius est, ac multiplex malū. Nos autem de dolore illo tractabimus, qui maximē vehemēs est, & perniciosus, & qui vix curatur aliqua medicina. Eius mali & si multæ causæ sunt, potissima tamen est causa interna, vt dolor ex ipso corpore nascatur: siue ex solo capite oriatur malum, seu ex capite & ex alio membro, vt est lien, seu splen, iecur, seu hepar, stomachus, vulua, quæ & matrix dicitur, & similia. E stomacho verò præcipuē oritur is morbus, vt præcipit Auicē. prima tertii, cuius signum est, quod plerunque fit dolor in priore parte syncipitii. Nam qui in margine ipsius syncipitii fit, hunc vulua maximē producit. In dextra autem parte capitis ex iecore transfunditur, ex liene in sinistra, vt docet Auicē. eodem loco. Quoniam vero ex causis morbi materialibus, quæ chronicum facit morbum, seu diuturnum, est

Cap. 7.

phlegma, aut melancholia, de hoc morbo cephalæ primū dicam, quū à phlegmate concitatur: siue is humor per se talis sit in corpore, ac (vt aiunt) radicaliter, siue talis sit in ratione alterius humoris, per vltiorem combustionem vel resolutionem, seu etiam talis sit humor ab ineunte ætate, seu succedente tempore mutatus ob qualitatem regionis, vel propter sex res non naturales.

Curatio cephalæ, phlegmate existente in causa, in iuvene cholerico vel sanguineo.

CAP. II.

Immuta primū causa morbi antecedente, humore videlicet phlegmatico, iuuenis eius complexionis, si imbecillus sit, hoc modo curetur: Cibetur tota curatione diata resumptiua, ab initio & per totum incrementū curationis, tam in prandio, quā in cœna, sumens tres vncias panis bis cocti, & tantundem carnis elixæ. In statu tres vncias panis, duas tantū carnis: pōst redeat ad tres carnis vncias in declinatione, ac demum quatuor etiā vncias esse poterit æger circa finem curationis, vt non subito, vel nimis minuatur cibus, vel nimis augeatur. Neque enim ex multa fame, vt Celsus ait, nimia satietas, neque ex nimia satietate famēs idonea est. Sumatur autem in potu mane &

ne & vesperi aqua ligni sancti alteratiua, vt dicemus. Syrupus verò talis fiat: Ponatur in fictili seu testaceo vase, semilibra ex ramentis ligni, maneátq; in infusione horas duodecim in aqua fontana quindecim librarũ, deinde ferueat infusio ad ignẽ carbonũ, donec redeat decoctio ad libras octo, post coletur, ac reponatur in vitreo vase bene operto. Ex eo syrupo sumat ægrotus tã mane, quã vesperi vncias quatuor ab initio curationis vsque ad statũ. In statu autem & deinceps vncias sex. Sumatur verò syrupus calefactus. In potu talis fiat aqua secũda: Ramẽta ligni cõpressa post decoctionẽ syrupi ponãtur in vitreo vase in aquã viginti librarũ: hæc ferueat in gemino vase ad ignẽ lignorũ, donec redeat ad quindecim libras: post hæc coletur, ac reponatur in vitreo vase bene operto. Ex hac aqua bibat æger in prandio & in cœna quantũ placuerit. Ea enim refrigera- bit calidã iuuenis habitudinẽ. Si autẽ horreat bibens aquæ amarorẽ, tẽperetur amaror ipse admistis aquæ coriãdris, vt superius demõstrauimus. In robustiore verò iuvene idem seruetur modus curationis, præterquã quòd audacius minui poterit quantitas cibi, augeri verò syrupi per totam curationem. In hoc enim fortior est calor vitalis, faciũsque ac melius fit concoctio.

D ;

In iuvene phlegmatico, vel melancholico.

CAP. III.

Cibetur is iuuenis, si imbecillus sit, diætā resumptiua, vt suprà dictum est. Caro autem sit assa, non elixa, amoto crusto superiore. Si verò fuerit robustior, diætā vtatur regulari. Syrupus autem & aqua secunda vim habeant calefactiuam, fiântque in hunc modum: Ponatur semilibra ex ramentis ligni in vase fictili, in aquæ fontanæ libras quindecim, maneâtque in infusione horas duodecim, tum ferueat infusio, donec decoctio redigatur ad sex libras: post hæc coletur, serueturque, vt docuimus, atque hic syrupus sumatur ab initio curationis, & per totum incrementum. In incremento verò vsque ad declinationem redigatur eadē decoctio ad quatuor libras. Secunda aqua in potu talis sit: Compressa ligni ramenta post syrupi decoctionem ponantur in aquæ fontanæ libras viginti, ferueâtque decoctio, donec ad decem redeat libras, eaque, vt suprà dictū est, vtatur in potu agrotus tota curatione in prandio & in cœna.

In senē cholērico vel sanguineo.

CAP. IIII.

Huiusmodi senex, si imbecillus sit, ac resolubilis, imminuta prius causa morbi antecedente, cibetur diætā resumptiua

ua tota curatione, etiam cum contuso gallinae aut caponis: panis verò præbeatur bis coctus, vel bene coctus, quātum in iuvene constituimus eiusdem cōplexionis. Syrupus pro hoc sene talis fiat: Semilibra ex ramentis ligni in aquæ libras quatuordecim ponatur in vase testaceo, maneat in infusione, vt supra, ferueatque infusio ad ignem carbonū, donec ad septem libras redigatur decoctio. Ex hoc syrupo sumat ager tam mane quā vespere ab initio vsque ad mediam curationem vncias quatuor, in reliqua curatione semilibram. Intra curationem verò deiectiones seu euacuationes non negligantur, vt morbo conueniet & agroto. aqua secunda vtatur in potu, vt de phlegmatico iuvene dictum est, tota curatione in prandio & in cœna.

Curatio melancholia existente in causa in iuvene cholericō, vel sanguineo.

CAP. V.

Immuta primū causa morbi antecedente, cibetur talis iuuenis diætā resumptiua. Syrupus verò sic fiat: Ab initio ad mediā curationē sit semilibra ligni, aquæ infusionis libre quindecim: maneant ligni ramēta in infusione horas duodecim, ferueat infusio in balneo Marię, donec redigatur decoctio ad vndecim libras. Serueturque, vt supra, in vitreo

vase. Ex eo syrupo sumatur, tã mane, quã
 vesperi, semilibra. In secunda aqua, in potu
 sint aquæ libræ viginti, ferueatque infusio
 donec redigatur decoctio ad sexdecim li-
 bras, reponaturque ac sumatur, vt suprà. A
 statu curationis vsque ad finem, syrupus fiat
 ex semilibra ramentorum ligni, & aquæ in-
 fusionis libris duodecim. maneat infusio, fer-
 ueat, & reponatur, vt prior syrupus. Intésio
 tantùm decoctionis maior sit, vt duodecim
 libræ redigantur ad septem. In secūda aqua
 in potu eadem quoque seruētur, quæ in prio-
 re decoctione, nisi quòd quindecim sint li-
 bræ aquæ infusionis, atque decoctio redeat
 ad duodecim. Intra curationem verò non
 omittantur euacuationes necessariæ. Si au-
 tem paulò robustior iuuenis sit, eadem ser-
 uentur in curatione, nisi quòd minor aliquã
 do cibus sumendus est.

In iuvene phlegmatico vel melancholico.

CAP. VI.

Cibetur talis agrotus tota curatione di-
 cata regulari. Pro syrupo sit semilibra
 ligni, aquæ libræ decē, fiat infusio vt supra:
 tum ferueat in fictili vase ad ignem carbo-
 num, donec decoctio ad quinque redeat li-
 bras. Eo syrupo vtatur agrotus ab initio vs-
 que ad mediam curationem, semilibram su-
 mens mane ac vesperi. Pro aqua secunda in
 potu

potu sint libræ quindecim aquæ, redigaturque decoctio ad decem. Ab incremento autem usque ad finem intensior sit decoctio syrupi, vt decem libræ infusionis ad tres redigantur. Sumantur verò ex eo syrupo, tã mane, quàm vesperi vnciæ octo. Intensior item fiat secunda decoctio, vt decem aquæ libræ ad sex redeant. Si autem siticulosior sit ægrotus, secundaque aqua post syrupum non sufficiat in potu ex compressis ligni ramentis, fiat prima ligni decoctio in potu ad hunc modum: Vnciæ tres ex ligni ramentis ponantur in infusione in vase fictili in libras quindecim aquæ, ferueatque infusio, donec decoctio ad decem redigatur libras, coleturque ac reponatur, vt sæpius dictum est. Atque hæc prima aqua remissioris decoctionis suppleat in potu defectum aquæ secundæ.

In senē cholerico vel sanguineo.

CAP. VII.

SI is senex imbecillus sit, imminuto prius humore melancholico cibetur diætā resumptiua, vt senex phlegmaticus. Syrupus pro eo per totam curationem fiat calefactius, ad hunc modum: Ponatur ex ramentis ligni libra integra in vase fictili, in aquæ libras quatuordecim: fiat infusio, vt supra, ferueatque quousque redigatur ad libras septem. Ex eo syrupo, tã mane, quàm vesperi,

D 5

sumatur semilibra. Pro aqua secunda in potu, ramenta primæ decoctionis compressa ponantur in vitreo vase in aquæ libras viginti. Ferueat ipsa secunda infusio in balneo Mariæ, donec ad quindecim redeat libras. Si verò paulò sit æger validior, cibetur interdum diæta regulari, augeaturque potio syrupi duabus vnciis, & octonasumat vncias per incrementum & statum curationis.

In senē phlegmatico vel melancholico.

CAR. VIII.

Cibetur huiusmodi senex tota curatione, diæta regulari, pane bis cocto, & vva passa. Ad syrupum sit libra integra ligni, aquæ libræ sedecim. fiat infusio de more, ferueatque ad ignem carbonum, donec redeat decoctio ad septem libras. Coletur de more ac seruetur. Ex eo syrupoumat ægrotus mane ac vespere, ab initio curationis vsque ad incrementum, vncias quatuor: deinceps vsque ad finem, sumat semilibram. Pro secunda decoctione in potu, sint aquæ libræ viginti, redigaturque decoctio ad decem & octo. Si autem robustior senex fuerit, augeatur potio syrupi duabus ferè vnciis. Secundaque decoctio fiat paulò intensior, vt redeat ad sexdecim libras.

De

De vigilia immodica.

CAP. IX.

Longa & immodica vigilia ex aliqua
prouenit quatuor causarum, hoc est, vel
à nimia siccitate, vel ab intemperato calore,
vel à cholera rubea aut nigra, vel à phlegma
te falso. Præcipuè tamen in causa est siccitas
cerebri, dum vel à calido iecore, vel ex ali-
qua materia calida per se aut per accidens,
calidi vapores exhalantur, ac cerebrum per
se siccum magis exiccant. Primum igitur in
huius morbi curatione, causa frangatur an-
tecedens. Deinde singulæ complexionēs &
ætates curentur in hunc modum.

*Curatio vigiliæ, in iuuenē cho-
lerico vel sanguineo.*

CAP. X.

Cibetur talis agrotus carne pulli elixi
cum frigidis herbis. Sumat verò in po-
tu saltem duos menses, aquam decoctionis
ligni sancti, quæ talis fiat: Ex ramentis li-
gni sint vnciæ tres per mensem, deinde qua-
tuor vnciæ alio in mense, aquæ libræ vigin-
ti, fiat infusio, ac ferueat in balneo Mariæ,
donec redeat decoctio ad quindecim li-
bras. Hæc verò aqua in potu sumpta, alte-
rabit intemperiem, seu discrasiam membri
dolorem immittentis. Corrigit enim atque
instaurat lapsa mēbra ex quacunque causa.
Neque

Neque autem id cuiquam incredibile videatur, quod nos & aliâs experti sumus, & præcipuè in clarissimo viro Camillo Musettula, quem quum immensa vigilia ex iecoris caliditate penè consumpsisset, sola portione hac ligni sancti alterâte, refrigerato iecore, sublata vigilia est, ac perfectæ salutis restitutus, quod illi quoque fuit summo miraculo.

In iuvene phlegmatico vel melancholico.

CAP. XI.

Cibetur huiusmodi iuuenis, ut superior, sed parcius aliquantô. Pro eo autem fiat talis syrupus: Sint ligni vnciæ quatuor, aquæ duodecim: ferueat infusio in balneo Mariæ, donec redeat decoctio ad vncias septem. Ex hoc syrupo sumat æger per totam curationem vncias sex mane tantum. Aqua secunda in potu fiat, ut in iuvene superiore.

In senes cholerico vel sanguineo.

CAP. XII.

Senex si huius complexionis fuerit ab ineunte ætate, imminuto prius humore noxio, si sit in causa, cibetur diæta resumptiva, fiantque pro eo syrupus & aqua secunda, quæ alterent illius complexionem. Pro syrupo sit ligni semilibra, aquæ libræ viginti. ferueat infusio in balneo Mariæ, donec ad quindecim libras decoctio redigatur. Inde sumat ægrotus mane ac vespere semilibram
tota

tota curatione. Pro secunda decoctione ramenta ex priore decoctione pressa ponantur in aquæ libras vigintiquinque, hæc ferueat in eodem balneo, donec ad viginti redeat libras. Quod si aqua ipsa secunda non sufficiat ad potum ob sitim nimiam senis, fiat aqua prima in potu, qualis descripta est in iuvene cholerico.

In sene phlegmatico vel melancholico.

CAP. XIII.

EAdem in hoc sene seruentur, quæ in superiore. Nam licet cōplexio per se humida sit, humectandus tamen est ob morbum siccissimum.

De perturbatione intellectus, defectu & amissione memoriæ.

CAP. XIII.

Perturbatio intellectus, & defectus memoriæ non differunt, nisi per maiorem aut minorem vim causæ faciētis morbum, & per diuersas capitis partes, & proprias sedes. Conueniunt verò in materia & noxio humore, vnde oritur morbus. Atque de ea perturbatione intellectus hîc præcipimus, quæ sine febre est, quum ex phlegmate putrido fit, vel ex cholera. Speciesque illas notamus huius morbi, in quibus communitas est in causa morbi pluribus membris principalibus, in quibus præcipua sunt iecur & cerebrum.

rebrum. Ex iccoris quidem caliditate fit morbus, dum comburit humores, ac cinericios reddit, gignitque choleram nigram, ex qua morbus hic nascitur. Sed & cerebrum solum nonnunquam est in causa, ob sui intemperiem seu discrasiam. Nam eius frigiditate augetur phlegma. Sæpe etiam, ut diximus, utrunque membrum est in causa, & plerunque alia membra, ex nimia frigiditate aut humiditate, quæ solent morbum asferre, ut prima tertii tradit Auic. In quacunque autem specie huius morbi maximè conuenit curatio ligni sancti, quoniam tenui opus est materia in nutrimento, ob virtutem ligni nutritiuâ: & in hoc morbo valde noxia est repletio ex cibo & potu, maximèque aduersatur sensui animæ interiori, Auic. ibidem præcipiente. Sed & ob id utilissima est ligni sancti medicina, quod exiccatur, & tenuat sanguinem, & temperatè calefacit. Atque ita sensus interior purgatur, & instauratur, ut eodem loco præcipit Auicenna. Primum autem omnium in huius morbi curatione imminuatur causa antecedens noxius humor.

Cura

Curatio perturbationis intellectus & amissionis memoriae, phlegmate existente in causa, in iuvene cholericoco vel sanguineo.

CAP. XV.

Huiusmodi iuuenis cibetur tota curatione diata resumptiua, si imbecillus sit, Syrupus pro eo fiat ex ligni semilibra, aquæ libris octo. Ferueat infusio in vase fictili ad ignem carbonum, donec redigatur decoctio ad quatuor libras. Hoc vtatur egrotus ab initio vsque ad mediam curationem, quatuor sumens vncias mane ac vesperi. In secunda decoctione, in potu sint aquæ libræ duodecim, redeatque decoctio ad septem. Reliquo tempore curationis syrupus fiat ex eadem ligni & aquæ mensura, sed intensior fit decoctio, vt ad tres tantum redeat libras, sumatque inde egrotus mane ac vesperi semilibram. Secunda decoctio in potu fiat ex decem libris aquæ, atque ad septem redigatur. Si autem validior sit iuuenis, eadem seruentur, nisi quod minuenda cibi quantitas est, augenda syrupi.

In iuvene phlegmatico vel melancholico.

CAP. XVI.

Cibetur huiusmodi iuuenis, si imbecillus sit, diata resumptiua vsq; ad mediam curationem, deinceps vtatur diata regulari vsque

vsque ad finem, nisi deficientibus viribus ad resumptiuam sit aliquando redeundum. Pro eo in tota curatione fiat syrupus ex libra integra ligni, aquæ libris decē, ferueatque infusio in fictili vase ad ignem carbonum, donec ad quinque libras redeat decoctio. Inde sumat ægrotus mane ac vesperi initio curationis uncias tres, in incremento quatuor, reliquo tempore semilibram. Secundæ decoctio in potu fiat ex aquæ libris duodecim, quæ ad decem redeant feruendo.

In senē cholerico vel sanguineo.

CAP. XVII.

Cibetur senex hic tota curatiōe, si sit imbecillus, diata resumptiua: fiatque pro eo syrupus ex libra integra ligni, duodecim aquæ ferueat infusio in vase testaceo ad ignē carbonū, donec ad libras septem redigatur. Hoc senex vtatur vsque ad mediam curationem, sumens mane ac vesperi uncias quater nas. Secunda decoctio in potu ex duodecim aquæ libris feruendo redeat ad decē. A statū, & deinceps, syrupus fiat ex vna libra ligni, decē aquæ, redigaturque decoctio ad libras quinque. Sumatque inde ægrotus, tam mane quàm vesperi, semilibram. Secundæ decoctio in potu ex libris duodecim redigatur ad octo. Si autem robustior sit senex, cibus est pro illius viribus minuendus.

In

In senē phlegmatico vel melancholico.

CAP. XVIII.

Huiusmodi senex cibandus est, vt vires, aut imbecillitas exegerint, diata vel regulari vel resumptiua, vel alternis. Pro eo syrupus tota curatione fiat ex libra integra ligni, aquæ libris decem, redigaturque decoctio ad quatuor libras, feruendo ad ignem carbonum in fictili vase. Inde sumat æger mane ac vesp̄ri vsque ad mediam curationem vncias quatuor, deinceps vsque ad finem semilibram. Secunda decoctio in potu fiat ex aqua libris decem, ad septemque redigatur. Si autem senis vires maiores sint, vti poterit tota curatione diata regulari, & ampliori syrupi potione.

Melancholia existente in causa, in iuuenē cholērico vel sanguineo.

CAP. XIX.

Si imbecillus sit talis iuuenis, vtatur diata resumptiua per totam curationem, fiatque pro eo syrupus ex ligni semilibra, & aquæ libris octo. Ferueat infusio in vase fictili, donec redigatur decoctio ad sex libras. Inde sumat ægrotus ab initio vsque ad mediam curationem, vncias quatuor, tam mane, quàm vesp̄ri: reliquo tēpore, semilibra. Secunda decoctio in potu fiat ex libris aque sexdecim, ferueatque in balneo Mariæ quo-

E

usque ad duodecim redigatur. Validiori vero iuueni tenuior præbendus est cibus.

In iuvene phlegmatico vel melancholico.

CAP. XX.

Cibetur is iuuenis diata regulari tota curatione. Si autem sit imbecillior, in statu curationis & deinceps diata vti poterit re sumptiua. Syrupus pro eo usque ad mediam curationem fiat ex ligni semilibra, aquæ libris duodecim: ferueatque infusio in vase fictili, redigaturque ad sex libras. Inde sumat æger mane ac vesperi semilibram. Secunda decoctio sit ex libris quindecim aquæ: ferueat in balneo Mariæ, redeatque ad libras duodecim. In statu & deinceps pro syrupo sit libra integra ligni, decem aquæ, redigaturque decoctio ad quinque libras, feruens in vase testaceo: semilibramque sumat æger vtraque portione tam matutina quam vespertina. In secunda decoctione sint libræ sexdecim aquæ, redeantque feruendo in balneo Mariæ ad tredecim libras.

In senе cholerico vel sanguineo.

CAP. XXI.

Diata resumptiua cibetur hic senex tota curatione, fiatque pro eo syrupus ex ligni semilibra, libris aquæ decem, redigaturque ad libras quinque decoctio, feruens in fictili vase. Sumantur vtraque portione usque

vsque ac statum vnciae quatuor, in statu & deinceps vnciae sex. Ad secundam decoctionem in potu librae quindecim aquae feruentes in balneo Mariae, ad decem redigantur. Si autem sit robustior senex, intensior fiat utraque decoctio, ex vna scilicet libra.

In senes phlegmatico vel melancholico.

CAP. XXII.

IVxta, vel vires, vel imbecillitatem fiat ab hoc senes diata regularis aut resumptiua. Syrupus pro eo fiat per totam curationem ex vna libra ligni, decem aquae, feruens in vase fictili, decoctio redeat ad sex libras. Inde sumat senex utraque portione semilibram, si vis hepatis concoctiua id tolerat. Secunda decoctio fiat ex libris sexdecim aquae, redigaturque ad duodecim. Si autem secunda decoctio non sufficiat ad sitim senis & iuuenis, fiat prima decoctio in potu in balneo Mariae ex ligni vnciis tribus, aquae libris quindecim, quae ad decem redigantur.

De melancholia.

CAP. XXIII.

Melancholiae morbus multiplex est. Nos tamen de ea tractamus, qua estimatiua vis & cogitatiua perturbatur propter melancholicum humorem noxium: fitque adustione alicuius ex quatuor humoribus ob imbecillitatem splenis, aut propter iecoris adustionem vel alterius membri pre

cipui, vel propter communem adustionem. Eamque melancholiam curamus ligno sancto, quæ non penitus confirmata est & obsoleta, sed quæ vix curatur aliis medicinis. Hoc igitur pacto quisquis eo morbo affectus est, præparetur ad curationem ligni sancti, ut trahatur in habitudinem contrariam causæ morbum facientis. Cibetur æger diata & cibo apto ad eius morbi curationem, ut medici consueverunt. Detur autem in prandio & in cœna loco vini per duos menses aqua ligni sancti: quæ talis fiat: Ramentorum ligni vnciæ tres, aquæ libræ quindecim. Ferueat infusio in balneo Mariæ, donec ad decem libras redeat decoctio. Post hæc curetur morbus iuxta singulas complexionones & ætates, ad hunc modum.

Curatio melancholiæ in iuvene cholericæ vel sanguineæ.

CAP. XXIIII.

CIbetur is iuuenis tota curatione diata resumptiua, alterata ad humidum, oleosis frigidis, ut decet. Modus autem cibi sit iuxta vires, item pro complexione & adustione membrorum, quæ indigent alimento. Pro eo syrupus fiat de more ad hunc modum: Sit ligni semilibra, aquæ libræ decem. Ferueat infusio in balneo Mariæ, atque ad libras quinque decoctio redigatur. Inde su-
mat

umat ager ab initio curationis vsque ad statum vtraque portione, tam mane, quàm vesp̄i semilibram in statu, & deinceps vncias octo. Decoctio secunda in potu fiat ex aqua libris vigintiquatuor, quæ in eodem balneo feruentes redeant ad viginti.

In iuvene phlegmatico vel melancholico.

CAP. XXV.

EAdem seruetur curatio in hac complexionē iuuenis, quæ in superiore. Hic enim morbus omnino ex adustione gignitur, nec admodum diuersus est in diuersis complexionibus, nisi crassitudine aut tenuitate humoris noxii. Quamobrē quò terrestrior fuerit materia morbi, eò diuturnior erit hæc curatio seruanda, quòd minus apta sit humectationi & resolutioni & euacuationi.

In senē cholerico vel sanguineo.

CAP. XXVI.

CIbetur senex huiusmodi resumptiua diæta humectante, vt dictum est, sed tenuiore cibo, quàm iuuenis. facilius enim fert senex inediā, quàm iuuenis. Pro eo syrupus fiat per totam curationem ex ligni vnciis octo, aquæ libris quindecim, infusioque feruens in balneo Mariæ ad libras octo redigatur. Indeumat ager tam mane quàm vesp̄i semilibram: minus verò si adsit stomachi aut iecoris imbecillitas. Aqua secunda in

E 3

potu fiat ex libris aquæ viginti, quæ in eodem balneo feruentes redeant ad tredecim.

*In sene phlegmatico vel melancholico,
eadem seruanda de vertigine.*

CAP. XXVII.

MVLtæ quidem sunt causæ vertiginis primitiua, atque ex humoribus: sed nos eatenus de vertigine tractamus, quatenus fit ex vi corrupta meditationis seu imaginationis, ob aliquam causam fixam in membro quopiam nobili: veluti est caliditas hepatis dissoluens, aut imbecillitas stomachi euaporans, aut etiam totius cerebri euaporatio, aut alia quæpiam intemperies ac discrasia in membris ipsis nobilioribus. Et qui hunc morbum patitur, videntur ei locus, in quo ipse est, resque omnes in gyrum verti ac labi, atque alia quædam similia. Quæ sæpe contingunt studiosis, & vtentibus coitu immodico. Quicumque igitur hoc morbo curandus est, præparetur saltem per duos menses, antequam incipiat sumere syrupum ligni sancti. Vtaturque dicta resumptiua, ea quantitate, quæ conueniat complexionis & viribus corporis, abstineatque ab omni cibo, qui in malum chilum conuertitur. Vtatur verò in potu semper tam præparationis tempore, quàm curationis, aqua ligni sancti: nec vnquam bibat aquam aliam, aut vinum, præsertim

præsertim phlegmaticus vel melancholicus. Aqua in potu pro sanguineo iuvene vel cholericò fiat ex ligni vncijs quatuor, quæ maneant in infusione diem ac noctem in aqua libris quindecim, ferueatque infusio in balneo Mariæ donec redeat decoctio ad libras decem. Pro phlegmatico verò iuvene vel melancholico aqua in potu fiat ex ligni semilibra, aqua libris sedecim, ferueatque infusio in fictili vase ad ignem carbonum, donec ad libras duodecim redigatur. In sene eadem seruentur, nisi quòd & in cibo, & in quantitate ligni atque aquæ ad decoctionem, & in ipsius decoctionis gradu, est habenda ratio virium, complexionis, & ætatis. Si autem hoc pacto vertigo non tollitur, adhibeatur eadem curatio, quæ descripta est in melancholia.

De epilepsia.

CAP. XXVIII.

Epilepsia, qui morbus Latinè dicitur comitialis, si & non simplex est, nos tamen de ea morbi specie tractamus, quæ à nonnullis vera epilepsia dicitur, & quæ gignitur à phlegmate. Quanquam & melancholia est nonnunquam in causa. Ex vtriusque igitur humore producatu morbus, ac siue propter cerebri, seu propter alterius membri præcipui intemperiem, dummodo con-

tingat ex interna causa materiali ac permanente, sitque id malum diuturnius, nec tolli potuerit alia medicina, curatio fiat per lignum sanctum ad modum, quem describimus. Ac primùm locus, in quo ager curatur, hoc est, cubiculum, sit temperatè calidum, ab omni strepitu semotum, nec minus illustre. Sudor prouocetur, sed in capite copiosius, quàm in reliquo corpore. Seruetur verò modus diligenter, pro egroti dispositione, tam in cibo quàm in portione ligni, ne inter curandum aut febricula incidat, aut destillatio, aut aliud quoduis accidens aduersum. Nam si ritè fiat curatio per lignum sanctum, morbus facilè curatur ac tollitur. quod nobis curantibus sæpius contigit. Sed illud pro miraculo habendum est, & est tamen verissimum, quòd monialis quædam nobilis ex ordine diui Francisci, in viridi ætate annorum triginta, sanguinea complexionis, morbum hunc comitalem passa sex annos, quum à me curata esset hac medicina, & hoc ritu, diebus vigintiquinque, nec amplius, pristinae saluti prorsus reddita est, nec vnquam postea sensit epilepsiam. Sed & alios innumeros curaui desperatae salutis. Curatio autem fiat in hunc modum.

Curatio

*Curatio epilepsie in iuvene san-
guineo vel cholérico.*

CAP. XXIX.

VTatur hic ager, si non sit imbecillus,
dieta regulari ab initio vsque ad me-
diam curationem, deinceps vtatur dieta re-
sumptiua, & si opus fuerit, etiam regulari,
vsque ad finem. Syrupus pro eo vsque ad me-
diam curationem fiat ex ligni semilibra, a-
quæ libris duodecim, ferueatque infusio in
fictili vase ad ignem carbonum, donec ad
sex redeat libras, vsque ad augmentum, inde
vsque ad statum ad quatuor tantum libras
redigatur. A statu vsque ad finem syrupus
fiat alteratiuus hoc pacto: Ligni semilibra
in aquæ libris decem, maneat in infusione
duodecim horas, feruensque infusio in bal-
neo Mariæ redeat ad sex libras. Per totam
verò curationem sumatur vtraque portione
semilibra syrupi. Aqua secunda in potu tota
curatione fiat ex aquæ libris viginti, rediga-
turque ad quindecim feruens in balneo Ma-
riæ. Si autem non sufficiet in potu hæc secun-
da decoctio, prima fiat aqua in potu ex tri-
bus vnciis ligni, aquæ libris viginti, quæ in
eodem balneo ad sedecim redigantur. In se-
ne autem eiusdem complexionis, eadem
sunt seruanda, nisi quòd & syrupus, & a-
qua in vase fictili decocta poterunt auda-

E 5

cius præberi, propter phlegmatis excessum
in ea ætate.

*In iuvene phlegmatico vel me-
lancholico.*

CAP. XXX.

Cibetur iuuenis huiusmodi, si robustior
sit, diæta regulari tota curatione. Syru-
pus fiat vsque ad mediam curationem ex li-
bra integra ligni, libris aquæ decem & octo,
duodecim horas fiat infusio. Post hæc fer-
uendo redeat decoctio ad septem libras:
post mediam curationem, fiat syrupus ex
vna cum dimidia libra ligni, libris aquæ se-
decim. Infusio, vt superior, ferueat in fictili
vase ad ignem carbonum, donec ad libras
quinque redigatur. In vtraque potione su-
mat æger semilibram syrupi. Secunda deco-
ctio in potu fiat in fictili vase ex libris aquæ
viginti, ac feruendo redeat ad decem. Ea-
dem verò in sene seruanda sunt, nisi quòd
senex, licet faciliùs in ediam sustineat,
propter ætatis tamen imbecil-
litate subleuari pote-
rit diæta resum-
ptiua.

*

In

*In pueris à quarto ætatis anno vsque ad
quartumdecimum.*

CAP. XXXI.

EA ætate pueri cibentur tota curatione
diata resumptiua. maiore enim indi-
gent alimento. Caro tamen assa præbeatur,
non elixa. Quoniam verò difficilis est puero
rum curatio, ac vix induci possunt ad sumen-
das medicas potiones, si nullo pacto poterit
præberi puero egro syrupus, curandus est so-
la aqua decoctionis ligni sancti sumpta in
potu. Ea verò decoctio in potu puero chole-
rico vel sanguineo talis fiat: Sint ramento-
rum ligni vnciæ tres, aquæ libræ sedecim: fer-
ueat infusio in gemino vase, donec ad libras
redeat duodecim. In phlegmatico autem vel
melancholico puero sint ligni vnciæ qua-
tuor, aquæ libræ sedecim. Ferueat decoctio
in vase fictili ad ignē carbonum, donec ad li-
bras duodecim redigatur. Si autem puer fa-
cilis fuerit, vtumat potionem, pro choleri-
co quidem puero syrupus fiat ex ligni vn-
ciis quatuor, aquæ libris decem. Ferueat in-
fusio in gemino vase, seu balneo Mariæ, do-
nec ad sex libras redigatur. Sumatque inde
puer tam mane, quam vesperti initio curatio-
nis vncias duas, in incremento tres, deinceps
vsque ad finem vncias quatuor. Aqua secun-
da in potu fiat tota curatione ex aquæ libris
quindecim,

quindecim, quæ feruentes in eodem balneo redeant ad decem. Pro phlegmatico syrupus fiat vsque ad mediam curationē ex vnciis quatuor ligni, aquę libris duodecim, redeatque decoctio ad septem libras, feruens in fictili vase, sumanturque vtraque portione vnciæ tres. Aqua secunda in potu ex sedecim libris redeat ad duodecim. A media curatione vsque ad finem syrupi decoctio ex libris duodecim redeat ad quinque, sumanturque vtraque portione vnciæ quatuor. Aqua secunda in potu ex sedecim libris ad nonem redigatur. Si autem vtranque syrupi portionem puer abhorreat, alteram saltem sumat quotidie. At si amaror sit nimis molestus, leniatur amaror ipse, vt suprà docuimus, coriandris saccharo conditis, vel saccharo tabarzet.

In lactentibus infantibus.

CAP. XXXII.

FRequentior est in hac ætate comitialis morbus, multis de causis, ac maximè propter humiditatem. Curatio verò infantis tota est in ipsius nutrice constituenda: Vt cum affectum fuerit nutricis corpus portione ligni sancti, affecto etiam lacte atque alterato, quo vescitur infans, alteretur illius corpusculum lacte sic medicato, atque curetur. Cibetur itaque nutrix diæta resumptiua,

ua, ea tamen quantitate, qua tam ipsa, quàm infans possit sustentari, & quæ rectè concoquatur. Syrupumumat nutrix mane ac vespèri,umatque semper in potu aquam secundam. Qualitas verò & quantitas syrupi, item qualitas secundæ sint pro nutricis ætate atque complexione, vt dictum est.

De paralyfi.

CAP. XXXIII.

MOrbus, quem Greci paralyfin dicunt, Latine dici potest dissolutio, quum membra corporis, amisso naturali vigore dissoluuntur. Id verò quum in toto corpore contingit, Græci appellant apoplexiam: quum in parte, ac certo membro, hemiplexiam. Consuetudo tamen obtinuit, quod Celsus refert, vt quocunque modo ea dissolutio paralyfi appelletur. Nam non est in morbo ipso alia differentia, quàm ex paucis, aut multo humore noxio, vnde vel vnus cerebri ventriculus, vel omnes simul lædantur. Plurimum verò in causa est phlegma viscosum, nec nimis crassum, quo meatus nervorum oppilantur, spiritusque vitales præcluduntur, ne permeent membra. Quapropter lassescuntibus nervis membra hebetantur, cum priuatione sensus, & motus voluntarii. Stupor autem & tremor sunt præuię dispositiones

nes ad morbum ipsum, atque stuporem debilitas facit in membro, subtracta virtute spiritus vitalis, tremorem verò eadem virtus corrupta, & tanquam præfocata, atque ab ipsa cerebri origine præclusa. Huic malo, quantò citius fieri poterit, succurrendum est ligni sancti medicina. Atque si minus prima curatione tollitur morbus, curatio ipsa iterum est, ac etiam tertio & sæpius repetenda. Neque omittenda hæc medicina est, quando color in paralytico membro mutatus sit: quæ res maximè (ut nostri authores tradunt) ostendit difficultatem curationis. Fiat autem curatio in hunc modum: Disponatur æger per dies triginta ad curationem, prius quàm incipiat potionem sumere syrupi, ut aqua ligni sancti utatur in potu, loco vini, quæ ex semilibra fiat ligni, libris aquæ triginta, decoctioque ad viginti redigatur, feruens in fictili vase. Membrum læsum hoc pacto foveatur: Fiat tale balneum: sumantur cortices radicum althææ, acori, ulmi, bryoniæ, cucumeris asinini, singulorum manipulos sex. Capita liliorum alborum numero decem, feminis lini, fœni græci, utriusque vnâ libram, baccarum lauri semilibram, chamæmeli, meliloti, utriusque manipulos quatuor, intestinorum arietis pinguium & purgatorum libras decem: ferueant hæc omnia in aqua

aqua fontana, fiatque calidum balneum
quotidie peracta concoctione ante cœnam.
Ex quo balneo suffimentum fiat diligenter
paralytico membro, post suffimentum vn-
gatur membrum hac vnctione: Sumantur
althææ vnciæ quatuor, olei sesamini, amygda-
larum dulcium, liliorum alborum & cæru-
leorum, ex singulis semilibram, misceantur
hæc omnia, fiatque vnctio, qua actu calida
ungatur membrum læsum: deinde inuolua-
tur cannabina stupa, fasciæque de more vin-
ciatur. Post hæcumat æger aliquod ele-
ctuarium resumptiuum, vt est electuarium
ex gemmis cum aromatibus, aut talem ali-
quem cibum, cum quo bibat nonnihil ex li-
gni decoctione in potu. Postquam verò æ-
ger ad hunc modum per triginta dies pa-
ratus fuerit ad legitimam curationem li-
gni sancti, curatio ipsa hoc pacto insti-
tuatur.

In iuvene cholérico vel sanguineo.

CAP. XXXIIII.

Cibetur hic iuuenis tota curatione diæta
regulari. Syrupusque pro eo fiat vsque
ad mediam curationem, ex libra vna ramen-
torum ligni, aquæ sedecim libris, redeat-
que decoctio ad libras sex, feruens in ficti-
li vase. Sumâtque inde ægrotus vtraque po-
tione semilibram. Aqua secunda in potu
ex

ex viginti libris feruens in fictili vase redeat ad duodecim. In statu & deinceps fiat syrupus itidem ex vna libra ligni, & sedecim aquarum: fiatque infusio per horas duodecim: ferueatque in vase fictili, donec ad libras quatuor decoctio redigatur. Inde sumantur tam mane, quam vesperi, vnciae octo vsque ad declinationem, deinde semilibra. Secunda decoctio in potu fiat ex libris aquarum decem & octo, quae feruendo redeant ad nouem. Si autem circa finem curationis refrigerandus fuerit agrotus ob nimiam caliditatem decoctionis ligni sancti, fiat secunda decoctio ex viginti libris aquarum, quae ad sedecim redeant feruentes in gemino vase. Atque hoc pacto puella quaedam à me curata est ex morbo diuturno, à tertio videlicet ætatis anno vsque ad duodecimum, mutato colore corporis, membrisque dissolutis, ab inferiori furcula vsque ad imos pedes.

In iuvene phlegmatico vel melancholico.

C A P. XXXV.

Cibetur talis quoque iuuenis diata regulari tota curatione. Syrupus pro eo fiat vsque ad declinationem ex libra vna ligni, sedecim aquarum, fiat infusio per horas duodecim, ferueatque in vase fictili, donec ad libras quinque

quinque redigatur. Inde semilibra sumatur vtraque portione. Secunda decoctio in potu fiat ex aquæ libris viginti, quæ feruendo redeant ad decem. In declinatione vsque ad finem syrupus fiat ex vna libra ligni, aquæ quindecim, feruensque redeat decoctio ad septem libras: sumaturque itidem vtraque portione semilibra. Ad secundam decoctionem in potu libra viginti aquæ feruendo redigantur ad quatuordecim. Atque hic syrupus & aqua in declinatione curationis temperabunt caliditatem, qua corpus affectum fuerit priore syrupo calefactiuo, & aqua secunda, quibus domanda erat vis morbi.

In semibus eadem seruanda sunt.

CAP. XXXVI.

Post curationem verò aliquot diebus, ne curatus recidat in morbum, cibus quidem communis sumendus est, sed qui nihil noxius sit, & quantus facile concoqui possit: potus verò sit ex ligni decoctione, quæ talis fiat: Sit semilibra ramentorum ligni, libra aquæ viginti quinque, ferueant vna in fictili vase, donec ad viginti libras decoctio redigatur.

F

DE ea contractione tractamus, quæ ex noxio humore fit, siue in vno membro fiat, siue in pluribus, & quæ emprosthotonus dicatur, opisthotonus, vel tetanus: talémque morbum phlegma sæpius gignit crassius illo, ex quo fit paralytis. Itaque de spasmo nunc tractamus, non vt ex siccitate contingit, aut inanitate, propter vigilias, aut morbum diuturnum, sed vt ex noxia gignitur materia, & qui est difficilis curationis. In talis igitur morbi curatione prius quam sumi incipiat potio ligni sancti, purgandus est ager, tollendaque aut minuenda causa morbi antecedens, hoc est, noxius humor phlegmatis crassioris: cibo quoque atque aliis observationibus disponendum corpus ægroti ad legitimam ligni sancti curationem. In ipso autem curationis initio contracta membra idoneo cataplasmate fouenda sunt, quod bis quotidie actu calidum apponendum est. Ipsum autem cataplasma fiat in hunc modum: Libra vna ligni sancti in puluerem redigatur, incernaturque, tum ferueat in aqua communi in vase fictili duas horas, deinde addatur ex corticibus radicum althææ præparatis, acori, bryoniæ, emulæ campanæ, singulorum manipulos tres: rursumque ferueant vna hæc omnia

omnia cum ligno sancto. Post hæc tundantur in mortario lapideo, atque in formam deducantur cataplasmatibus. Hac autem curatione nos vti sumus optimo successu, præsertim in Ioanne Cordubensi milite, ab eaque clarissima vrbe, parentes nostri originem trahunt, qui diutino spasmo afflictus fuerat toto corpore, præsertim in oculo musculis ventris inferioris, ac sæpe à peritissimis medicis curatus, nihil profecerat: imò in paralyse incurrerat & epilepsiam. Is itaque per nos curatione ligni sancti præuia, quàm diximus, dispositione, & decima curationis die leuatus cruciatus est atque dolore, vigesima verò profusus est morbo liberatus, redditusque perfecta incolumitati. Hac autem legitima curationis est per ligni sancti potionem.

In iuvene cholérico vel sanguineo.

CAP. XXXVIII.

Hic æger, si imbecillus fuerit, resumptiva utatur diæta tota curatione. Pro eo usque ad mediam curationem syrupus fiat ex ligni semilibra, aquæ libris duodecim, quæ ad nouem redigantur, feruentes in fictili vase. Inde sumatur vtraque potione semilibra. Secunda decoctio in potu ex tredecim aquæ libris redeat ad nouem, feruens in balneo Mariæ. In statu & deinceps fiat syrupus ex libra vna ligni, aquæ sedecim, quæ in vase fictili

redeant ad septem. Semilibraque item sumatur vtraque portione. Aqua secunda in potu ferueat in gemino vase, atque ex viginti libris ad quindecim redigatur.

In iuvene phlegmatico vel melancholico.

CAP. XXXIX.

Cibetur is ager tota curatione diata regulari. Pro quo vsque ad mediam curationem fiat syrupus ex vna libra ligni, aquæ sedecim, fiatque infusio per horas duodecim, ferueatque in vase fictili ad ignem carbonum, donec ad sex libras redigatur. Sumatque semilibram ager tam matutina portione, quam vespertina. Secunda decoctio in potu fiat in gemino vase, redigaturque è viginti libris ad decem. In statu, & deinceps syrupus fiat ex libra vna ligni, sedecim aquæ: fiatque infusio, vt superior, ferueatque in vase fictili, donec ad quatuor tantum libras redeat decoctio. Inde sumat ager vtraque portione, si robustior fuerit, octo uncias: si minus robustus, sex: quatuor verò, si nimis imbecillus. Aqua secunda in potu ex viginti libris feruendo redeat ad octo. In senibus eadem seruanda, nisi quia propter excessum phlegmatis in ea ætate, audacius fieri poterit intensioris decoctionis syrupus & aqua secunda. Hæc autem spasmi curatio seruanda etiam est in tortura oris, cæterisque morbis,

bis, in quibus inest contractio.

De fluxu nimio lacrymarum.

CAP. XL.

DE lacrymarum fluxu tractamus contingenti, non nativo, de eo tamen, qui diuturnior est, nec facile curatur. Isque humor, vel è medio cranio, vt ait Auicēna, tertia tertiū, vel extra cranium scateat, ac per oculos fundatur. De cancro autem, aut duritie cuiusuis apostematis oculorum tunc tractabimus, quum de apostemate in vniuersum differemus. Fluxus igitur lacrymarum, hoc ritu curandus est per lignum sanctum.

In cholerico iuvene vel sanguineo.

CAP. XLI.

Cibetur hic æger tota curatione diata regulari. Syrupus pro eo fiat initio curationis ex ligni semilibra, aquæ libris decem, quæ in vase fictili feruendo ad sex redigantur. In incremento & statu fiat syrupus ex semilibra itidem ligni, duodecim libris aquæ, fiatque infusio per horas duodecim, tum ferueat in fictili vase, donec ad quatuor libras redeat decoctio. In declinatione fiat syrupus vt initio curationis. Sumatur verò per totam curationem semilibra vtraque potione. Secunda decoctio in potu ex libris quindecim in eodem vase fictili feruendo redeat ad decem.

F

EAdem seruetur diata in hoc ægroto: Syrupus verò fiat pro eo tota curatione ex libra vna ligni, aquæ sedecim, redeátque decoctio ad libras quatuor, feruens in fictili vase. Inde sumantur in vtraque portione vsque ad mediam curationem vnciæ quatuor, deinceps vsque ad finem semilibra. Aqua secunda in potu ex libris viginti, feruens in eodem vase redeat ad decem. Atque hoc pacto nos inter ceteros curauimus filium viri magnifici Raphaelis Vitalis, ex veteri morbo fluxus lacrymarum cum graui ophthalmia, nec postea recidit vnquam inuenis in morbum, sed permansit absolute incolumis. In senibus idem seruandus est ritus curationis, habita tamen ætatis ratione, vt sæpius admonuimus.

De aurium morbo, auditu videlicet obtuso.

Obrusus grauisque auditus & si multiplex est, de illius tamen generis morbo hîc tractamus, qui ex frigido humore contingit, siue neruo anteriore auditus affecto, seu ipsa tantum aure. Is igitur morbus, si iam inueterauit, nec aliæ illi subuenerint remedia, imminuto prius humore noxio, & causa ipsius morbi, hoc ritu curetur

tur per lignum sanctum. Cholericus iuuenis vel sanguineus cibetur initio curationis diata regulari. A statu autem vsque ad finem diata sit resumptiua. Ab initio vsque ad augmentum fiat pro eo syrupus ex ligni semilibra, aquæ libris decem. Ferueat infusio in fictili vase, donec ad libras quinque redeat decoctio. Aqua secunda in potu, ex duodecim libris ad nouē redigatur. Ab incremento ad finem curationis fiat syrupus ex semilibra ligni, decemque libris aquæ, sed ad tres tantum libras redeat decoctio. Aqua secunda ex libris duodecim ad sex redeat. Ex syrupo sumatur semilibra, tam mane, quam vesp̄eri, tota curatione. Phlegmaticus vel melancholicus iuuenis regulari diata vtatur tota curatione. Syrupus pro eo vsque ad declinationem fiat ex libra vna ligni, aquæ duodecim, redeatque decoctio ad libras quinque. Semilibraque inde sumatur vtraque portione. In declinatione, atque vsque ad finem curationis, in syrupo sit vna quoque libra ligni, ac nouem aquæ, redigaturque decoctio in fictili vase ad tres libras, atque vtraque portione sumatur vna libra. Aqua in potu fiat ex libris aquæ duodecim, quæ decoctæ redeant ad decem. In senē sunt eadem seruanda, nisi quod adhiberi potius debet diata resumptiua.

De nasi morbis, polypo videlicet alijsq; vlceribus.

CAP. XLIIII.

Polypus est vomica in naso, seu apostema, quod crassius est atque carnosum. Oritur sæpius ex hæmorrhoidibus, definitque in cancrum. Quapropter facilius hæmorrhoides curantur, quàm polypus, cancer polypo difficilius. In causa est polypo pituita & atra bilis ex morbi calore corrupta, resoluta tenui humore, crassoque concreto in materiam carnosam. Diminuto igitur ante legitimam curationem humore noxio, amoueatur à perito chirurgo, quantum fieri poterit, materia illa carnosa, vel ferro, vt à me complures curati sunt, vel cauterio, vel alio quouis instrumento artis aut remedio, ita vt causa coniuncta penitus deleatur, morbusque non recidat, membrumque suscipiens foueatur, curetur emittens. Post hæc ligni sancti curatio adhibeatur. Cholericus iuuenis vel sanguineus diata regulari cibetur tota curatione. Syrupus fiat ex octo vnciis ligni, aquæ libris decem, redeatque decoctio ad quatuor libras. Inde sumatur vtraque portione vsque ad mediam curationem semilibra, reliqua curatione sumantur vnciæ octo. Aqua in potu ex duodecim fiat aquæ libris, quæ ad octo redigantur decoctæ.

Et Si autem robustior fuerit xger, poterit in syrapi decoctione apponi libra integra ligni. Phlegmaticus vel melancholicus iuuenis regulari quoque diata vtatur tota curatione. Syrupus fiat ex aquæ libris quindecim, ligni verò vsque ad mediam curationem libra vna & semis, deinceps libra tantum: redigaturque decoctio in fictili vase ad libras quinque. Aqua in potu in eodem fictili vase decocta, ex viginti libris redeat ad quatuordecim. Senibus cibo vtendum est ampliore, propter ætatem imbecilem, remissione ligni decoctione. Notandum autem, quòd eodem syrupo licet polypum ipsum vel vlcerosum vel sine vlcere fomentare vel lauare, vel aliquo instrumento artis decoctionem quoquo modo iniicere atque apponere. Incredibilem enim præstat opem decoctio ipsa extrà apposita, digerendo, mūdando, solidando vlcera vomicaque.

De lingue spasmo & ranula.

CAP. XLV.

Lingue spasmus & ranula polypi eodem ritu curandi sunt. Ranulæ verò, si ad cancrum vergit, diligenti manus operatione subueniendum est, & ligni sancti portione.

F 5

*De gingivarum imbecillitate, de fluxu hu-
moris, de ulceribus, ac dentium
commotione.*

CAP. XLVI.

Gingivarum imbecillitas, & emollitio,
Ulceraque, fluxusque humoris, atque
commotio dentium, causam habere solent
à membris principalibus affectis: ut ex cali-
diore cerebro humores nimios attrahente,
refundenteque gingivis, quibus humoribus
noxii illæ corrumpuntur: Ex adusto etiam
lecore stomachoque affecto, humores cor-
rumpente, qui permeant ad ipsas gingi-
vas. Causa igitur cognita morbi, si alia re-
media non subuenerint, imminuta prius ac
fracta ipsa morbi causa, ligni sancti cura-
tio adhibeatur, ad hunc modum: Chole-
ricus iuuenis aut sanguineus, diæta cibetur
resumptiua, sed tenui, quantum complexio
patitur, tota curatione. Syrupus pro eo fiat
usque ad mediam curationem ex libra una
ligni, aquæ duodecim, redeatque decoctio
feruens in fictili vase ad sex libras: reliqua
curatione sint cum una libra ligni, quindecim
aquæ, ac redeat decoctio ad quatuor
libras. Atque in utraque portione sumatur
libra semis. Aqua in potu ex libris viginti
decocta redeat ad quindecim. Phlegmati-
cus vel melancholicus iuuenis cibetur diæ-

ta regulari vsque ad mediam curationem, deinceps resumptiua. Syrupus pro illo fiat tota curatione ex libra vna ligni, duodecim aquæ, fiatque infusio per horas duodecim: inde feruens in fictili vase ad quatuor libras decoctio redigatur. In secunda decoctione libræ aquæ vigintiquinque, ad quindecim redeant in eodem vase feruentes. In senibus idem seruandus est ritus, habita, vt toties diximus, ætatis ratione. Adhibeatur præterea gingiuvis frequens lotio, atque omnibus horis, vel ex decoctione ligni, vel alio quouis humore medicato ad morbum pertinente. Percoctus autem aut bis coctus panis, propter putres gingiuvas macerandus est vel iure pulli, vel aqua syrupi.

De pectoris morbo asthmate, hoc est difficili anhelitu.

CAP. XLVII.

Asthma, hoc est, difficilis respiratio atq; anhelitus, nō simplex est morbus, atq; in quatuor species distribuitur: omnibus tamen eadem potest causa cōtingere humoris noxii. Atque in senibus quidem non est fortasse morbi materia dissolubilis. Quū tamē ex viscoso humore factus est asthmatis morbus, licet peruetus sit, si non profuerunt aliæ medicinæ, tenuata prius morbi materia, & imminuta,

imminuta, ligni sancti curatio adhibeatur. In ligni autem decoctione admisceri licet palmarum fructus, quos dactylos dicunt, hyssopus, aliâque simplicia, vtilia morbo. Eadêmque facienda curatio est in veteri tussi, apostemate, cæterisque pectoris morbis asthmatis similibus. Ante legitimam verò ligni curationem, æger hoc pacto præparetur, ut duos circiter menses utatur quidem consueto cibo, sed tali, qui & facile concoquatur, nec excitet morbum. In potu autem, loco vini sumatur ligni decoctio, quæ talis fiat: Sint uncie tres ligni, aquæ libræ viginti, fiat infusio per diem & noctem, inde ferueat in vase fictili ad ignem carbonum horam unam, tum ponatur in decoctione hyssopi manipulus unus, dactylorum libra semis: post hæc rursus ferueat, donec ad quindecim libras redeat decoctio. Legitima verò curatio talis fiat: Cholericus iuuenis vel sanguineus cibandus est usque ad mediam curationem diæta regulari, deinceps resumptiua. In syrupo sit libra una ligni, aquæ duodecim, hyssopi & dactylorum quantum oportebit, fiat decoctio in fictili vase, redigaturque ad sex libras usque ad mediam curationem: deinceps ad libras redeat quinque. Sumanturque utraque portione uncie quatuor. Aqua
secunda

secunda ex libris viginti ad quindecim redigatur. Phlegmaticus iuuenis vel melancholicus vtatur tota curatione diata regulari. Syrupus fiat ex libra vna ligni, aquæ viginti, redeatque decoctio feruens in fictili vase ad libras decem. Post hæc apponatur in decoctione hyssopi & dactylorum, quantum sat fuerit, agarici verò drachmæ duæ: tum feruere pergat decoctio, donec ad septem libras redigatur. Ex eo syrupo sumatur tam mane, quam vesperi, semilibra vsque ad augmentum, deinceps vsque ad finem curationis vnciæ octo. Aqua secunda in potu ex vigintiquinque libris redeat ad decem & octo, appositis in decoctione dactylis, aut tale aliquid pectori vtile. Eadem verò in senibus seruanda sunt, habita ætatis ratione. Ac licet non possit in eæ ætate salus restitui ab eo morbo, non tamen deferendi sunt senes vel decrepiti. Continendus enim est curatione in senibus morbus, ne augeatur.

De phthisi hoc est, tabe.

CAP. XLVIII.

ET si tabes, lethalis morbus, qui phthisis Græco nomine dicitur, nullam habet spem certam ab arte medica, non tamen est omnino illius curatio desperanda, præsertim initio morbi, atque vsque ad statum:

tum: nec propter incertam spem curationis destituendus est ager ope medicinae, ut certissime pereat, ut Galenus praecipit in methodo in libro de ingenio sanitatis. In recenti igitur morbo, atque per incrementum, seruari praecipimus legitimam curationem, quae ab artis authoribus tradita est. Ligni vero sancti medicinam contendimus esse huic morbo salutarem, cum praestet hoc lignum simplicibus vniuersis, quibus medicina vitur, ut priore libro docuimus, atque ex omnibus qualitatibus, aduersusque omnes operari potest, ob variam ipsius medicinae confectionem, multiplicique sua ac salutifera virtute, modis omnibus male affecto corpori subuenire. Calida enim vi & sicca viscosas materias incidit, ne pulmonem corrumpant: ulcera vero ipsius pulmonis exiccat, purgat, integrumque pulmonem reddit: frigida vi & sicca solidat, ac fluxum sanguinis, si quis est, restringit: frigida & humida vi humectatis atque refrigeratis, febrem ossium frangit, humidum quoque vitale reficit ac fouet. Itaque quoniam huic morbo varia est adhibenda medicina, variique necessarii sunt effectus, ut Auicenna praecipit prima quarti de hectica curatione, nulla potest alia medicina curari tam commodè phthisis ipsa, quam ligno sancto, in

in quo diuersæ virtutes & operationes, maximèque salubres. Quoniam verò multa sunt hectica communia cum phthisi, eadem erit curatio seruanda in vtroque morbo, vbi eadem erit ratio vtriusque, vt eo tantum differant, quo excedens & excessum, Anthore Isaac secundo libro de febribus. Et quum eadem causa est hectica, quæ phthisis, vt idem anthor tradit 3. libro. Quum igitur hectica febris non habet aliam rationem à phthisi, sed illius est potius accidens quoddam, idem seruandus est modus in curatione. Illo tamen in primis præcepto seruato Auicennæ prima quarti, vt si causa hectica fuerit apostema, aut lèsum aliter aliquod mēbrum, in eo primùm curatio adhibeatur, causaque auferatur morbi, & origo. Præterea eadem instituat curatio in hectica & in phthisi, ad hunc modum: Ante legitimam ligni curationem duos circiter menses, præbenda ægro sunt electuaria iuxta artem, vel syrupus, vt morbus exegerit. In potu autem, loco vini sumatur ab ægro decoctio ligni, quæ talis fiat: Ponantur in aqua hordei purgati vñciæ tres ex ramentis ligni, ibique permaneant quatuor horas: deinde proiecta aqua ipsa hordei, in qua fuerat lignum, in alteram rursus hordei aquam ponantur ipsa ligni ramenta, sintque
aque

aquæ sedecim libræ, ferueâtque infusio hæc in gemino vase, donec ad libras yndecim redigatur. Post hæc ad legitimam curationem aptius erit agri corpus tam diu affectum, assumpta huius ligni Sancti decoctione.

Cholericus iuuenis vel sanguineus cibetur diæta resumptiua, addito etiam contuso pullo, vel iure pulli consumpti. Pro agri corporis imbecillitate syrupus huiusmodi fiat: Ramentorum ligni vnciæ quatuor, aquæ hordei purgati sint libræ decem. Fiat infusio per duos dies & noctes, postea ferueat in gemino vase, donec ad libras septem redigatur: inde sumatur in potione libra semis. Si autem intentio magis ad vires sit, quam ad morbum, vna tantum sit quotidie potio syrupi, vt largius possit ager cibari, meliusque concoquere. Si magis ad morbum est intentio, duæ sumantur ex more syrupi portiones, mane ac vesperi. Quod si electuarium præberi visum fuerit resumptiuum hora syrupi, vel syrupi potio minuatur, vel spatium tribuatur decoctioni. Si verò syrupum ipsum quis, & curatiuum esse voluerit, & resumptiuum, apponendum est in decoctione pectus gallinæ vel caponis. Tunc aqua in potu fiat secunda ligni decoctione ad hunc modum: Sint vnciæ tres ligni, aquæ hordei libræ viginti. Ferueat infusio, donec ad quindecim

decim libras redigatur. Atque hæc fiant
vsque ad incrementum curationis. Deinceps
vsque ad finem, syrupus fiat ex ligni libra v-
na, aquæ hordei libris duodecim: fiatque in-
fusio per diem & noctem: deinde ferueat in
vitreo vase, donec redeat decoctio ad li-
bras quinque, ac si pectus caponis in deco-
ctione positum est. Aqua in potu fiat ex qua-
tuor vnciis ligni, aquæ hordei libris viginti.
Ferueat infusio, donec ad tredecim redeat li-
bras. Phlegmaticus vel melancholicus iuue-
nis cibetur vt superior. Syrupus fiat ex ligni
semilibra, aquæ libris duodecim: ferueatque
infusio in fictili vase, donec ad quinque li-
bras redigatur. inde sumatur vtraque potio-
ne libra semis. Aqua in potu fiat secunda de-
coctione de more, in vitreo vase, sintque a-
quæ libræ quindecim, quæ feruendo redeant
ad decē. De senibus hoc loco, præsertim de-
crepitis, nihil præcipimus, quoniam perraro
in eis curatio contingit.

De fastidio cibi.

CAP. XLIX.

FAstidii causas tradit Auic. fen decima-
tertia tertiæ canonis, tum malam com-
plexionem frigidam, frangentem duas vir-
tutes, sensitivam & attractiuam, tum ma-
gis phlegma plurimum viscosum, hærens in
G

stomachi orificio, quæ sedes est appetitus cibi, quemadmodum in fundo ipsius stomachi fit concoctio. quod eodem loco præcipit Auicenna. Quamobrem quod de fastidio cibi præcipitur, ad languidam quoque concoctionem est referendum. Siue ex cerebro id eueniat, seu ex hepate ad frigidum inclinante, seu ex alio membro atra bile affecto, causæve alia quacunque. Cum igitur morbi causa fixa fuerit, nec alia profuerint remedia, ad ligni sancti est medicinam confugiendum. Præparetur verò æger ante legitimam ligni curationem, saltem diebus triginta: quo tempore cibo vtatur resumptiuo, sed eo tenui, & qui nihil officiat. Vinum autem non bibat, nec aliud quàm ligni decoctionem, quæ talis fiat: Ramentorum ligni vnciæ quatuor sint, libræ quindecim aquæ, redeátque decoctio ad libras duodecim. Post hæc legitima curatio incatur. Cholericus iuuenis vel sanguineus vtatur vsque ad incrementum curationis diæta regulari, deinceps vsque ad finem, resumptiuæ. Syrupus tota curatione fiat ex ligni semilibra, aquæ libris octo, redigaturque decoctio feruens in fistili vase ad quatuor libras, atque libra semis sumatur vtraque potione. Aqua in potu ex libris quindecim redeat ad nouē. Phlegmaticus vel melancholicus iuuenis cibe-

tur

tur tota curatione diata regulari. In syrupo
sint octo vnciæ ligni, aquæ libræ duodecim:
fiat infusio per diem & noctem: tum ferueat
in fictili vase, donec ad libras quinque redi-
gatur, sumaturque libra semis tota curatio-
ne mane ac vesperi. Aqua in potu ex libris
quindecim redeat ad decem. In senibus ea-
dem seruanda sunt, habita ætatis ratione.

De fastido spiritus.

CAP. I.

EAdem fiat curatio, quæ de fastidio cibi
tradita est, in agro phlegmatico.

De stomachi apostematibus.

CAP. II.

DE eo apostemate stomachi hîc præcipi-
mus, quod fixam habet causam, nec fa-
cilè curatur. Huiusmodi verò apostemata fri-
gida, diuersa sunt & loco & situ. Causam ve-
rò tradit Auicenna. fen decimatertia tertii tra-
ctatus, phlegma esse, vel atram bilem in sto-
macho paulatim congestam. Aliis igitur
non iuuantibus medicinis, ligni sancti cura-
tio adhibeatur. Itaque cibetur æger tota cu-
ratione diata regulari. Pro eo syrupus fiat
ex libra vna ligni, aquæ duodecim, rediga-
turque decoctio in fictili vase ad sex libras.
inde sumatur vtraque portione semilibra
vsque ad finem curationis. Aqua in potu ex
libris decem & octo redeat ad duodecim. In

G 2

frígida verò complexione & ætate, syrapi decoctio ad quatuor tantum libras redeat ex duodecim.

De iecoris seu hepatis morbis.

De carnosso ac duro apostemate.

CAP. LII.

Valde difficile est in vno quouis simplici proprietates inueniri, quæ affecto iecori necessariae sunt, vt in decima quarta præcipit Auicenna, sic ipsas enumerando, videlicet, amaritudinem, stypticitatem, odorem, maturationem, lenificationem, mundificationem, penetrationis velocitatem, suauitatem, & his similia. Quas omnes proprietates, ac multò plures virtutes habet lignum hoc sanctum & salutiferum. Quapropter in iecoris morbis, præsertim apostemate duro & lethifero, hac maximè opus est medicina. Subueniendum verò huic malo quàm primum est: quoniam, vt eodem loco tradit Auicenna, cum inualuerit morbus, non prodest medicina. Verum & si maximè induruerit ipsum apostema, non tamen est salus desperanda ex ligni medicina tam salutari, in quo virtus est tenuatiua, & abstersiua, cæteraque, quas eodem loco Auicenna ostendit, quæ spem certam faciunt salutis. In præparando agro ad iecoris curationem per quamcunque

cunque medicinam, illud obseruandum est, quod eodem loco præcipit Auicenna, vt maximè animaduertatur complexio in iecore, quod curatur, ne ita refrigeres, vt ad hydro-
pissim deducas, aut ita calefacias, vt maximè arefcat. Quum igitur durum est & carnosum hepatis apostema, siue ab antecedente altero apostemate profectum sit, seu per se incœperit, causamque habeat coniunctam, fixam, auferrique difficilem, (quod per signa cognosces, quæ ab eodem traduntur auctore Auicenna) ligni sancti curatio fiat ad hunc modum: Cholericus iuuenis vel sanguineus cibandus est diætâ resumptiua tota curatione, cum contuso etiam caponis, gallinæ vè pectore, seu iure pulli consumpti. Syrupus pro eo tota curatione fiat ex octo vnciis ligni, aquæ libris duodecim, quæ in fictili vase feruentes ad sex libras redigantur, sintque vnciæ quatuor in potione mane ac vespere. Quòd si alia sunt adhibenda remedia, vna sit tantum quotidie portio syrupi. Aqua in potu fiat in vitreo vase, atque ex libris quindecim redeat ad duodecim. Phlegmaticus vel melancholicus iuuenis vt superior cibetur. Pro eo syrupus fiat tota curatione ex libra vna ligni, aquæ duodecim, fiatque infusio per horas duodecim: inde ferueat in vase fictili, donec ad libras qua-

tuor redigatur. Sumaturque in potione libra semis, bis die, aut semel, ut in superiore. Aqua in potu ex viginti libris in eodem vase feruens redeat ad sedecim. Si autem leuius æger curandus videatur, in potu tantum, loco vini sumat ligni decoctionem, quæ talis fiat: Sint ramentorum ligni uncia quatuor, aquæ libra viginti, quæ ferueant in fictili vase, donec ad quindecim libras decoctio redigatur. At si syrupus sumatur, poterunt in ipsius decoctione admisceri herbarum iecori utiles, calidæ seu frigidæ, pro morbi & complexionis ratione.

De hydropisi seu aqua inter cutem.

CAP. LIII.

Aqua inter cutem Græcè hydropisis est, cuius genera & causas latè tradit Auic. seu quartadecima. Eius nos morbi reliqua genera curauimus ligno sancto, præter tympanitem. Quum verò habet morbus ipse fixam causam, perdifficilem recipit curationem, atque propterea opus est ligni medicina: Cholericus vel sanguineus iuuenis resumptiua diæta utatur tota curationis. Syrupus in fictili vase fiat initio curationis usque ad statum ex ligni semilibra, aquæ libris quindecim, decoctioque ad sex libras redigatur. In vtraque potione sit semilibra. Aqua in potu ex libris viginti redeat ad duo decim.

decim. Reliqua curatione fiat syrupus ex octo vnciis ligni, libris aquæ duodecim, fiat infusio per horas duodecim, ferueâtque in fictili vase, ac redeat ad quatuor libras, sumaturque semilibra vtraque portione. Pro aqua in potu ex sedecim libris redeat decoctio ad octo. Phlegmaticus iuuenis vel melancholicus regulari diæta cibandus est tota curatione, nisi vires defecerint. Syrupus in vase fictili fiat ex libra vna ligni, decem aquæ: factâque infusione, per horas duodecim ferueat, donec ad quatuor libras deueniat. Sintque in vtraque portione vnciæ quatuor vsque ad mediam curationem: deinceps vsque ad finem, semilibra. Pro aqua in potu ex viginti libris decoctio in eodem vase facta redeat ad duodecim. Atque in hoc etiam morbo admisceri herbae possunt in syrupi decoctione apte ad morbum, cum vini præparatione, vt in *iiii.* libro dilucidabo, cum hydropicus à visione aquæ, nedum à potu ipsius, quantum possibile est, sit prohibendus, vt Auicenna præcipit *fen xiiii. tertii.* Eadem verò adhiberi curatio potest regio morbo, seu arquato, vel icterico, item splenis apostematibus, vt nos multos cognouimus esse curatos.

*De morbis renum. De vesica ac
renum vlceribus.*

CAP. LIIII.

Vesica ac renum vlcera, quæ causam habent ab humore aliquo noxio corro-
dente, incidente, aut exulcerante, aliâve si-
mitem causam, eadem ferè ratione curari
possunt. Quum is verò morbus inueterauit,
non suscipit curationem, nisi cum ingenti
molestia, vt proprio capite tradit Auicenna.
Hac tamen curatione ligni sancti spes maxi-
ma est salutis, vt sæpius nos experimento co-
gnouimus. Quendamque vidimus decrepi-
tum senem octogenarium, qui viginti annos
vlcera passus fuerat in substantia renum,
cum dolore vehementi, medicina ligni saluti
restitutum, atque omnino incolumem. Iuue-
nis igitur cholericus vel sanguineus vtatur
tota curatione diæta regulari, talique syru-
po: Ex libra vna ligni, quindecim aquæ, fiat
infusio communis per horas duodecim, fer-
uensque in fictili vase ad libras quinque de-
ueniat. Sitque in vtraque portione semilibra.
Aqua secunda ex viginti libris redeat ad
quindecim, feruens in balneo Mariæ. Phleg-
maticus quoque vel melancholicus iuuenis
regulari diæta cibandus est. Syrupus vt su-
perior fiat, sed ad quatuor tantum libras re-
deat decoctio. Aqua secunda ex libris vigin-
ti quinque

tiquinque redeat ad quindecim in fictili vase. Eademque fiat curatio in sene. Illud verò animaduertendum est, quòd ad omnem intensionem curandi vlcera vesicæ, maximè etiam prodest extrinsecus prima ligni decoctio, iniecta intra vesicam aliquo artis commo instrumento.

De vuluæ morbis, seu matricis.

De fluxu ex matrice.

CAP. LV.

QUum sunt in mulieris corpore superuacanei humores, ac noxii, præter menstruos, ad matricem omnes defluunt, tanquam ad corporis sentinam: itaque fluxus fit nimius ex matrice. Eius morbi & causas & qualitates Auicenna docet sen vigesima prima. Id malum conceptionem omnino prohibet, & praterea est ipsi mulieri perniciosum. Quamobrem cum alia remedia non profuerint, curatio adhibeatur per lignum sanctum ad hunc modum: Mulier fluxum ex matrice patiens propter iecoris caliditatem, cibetur vsque ad statum curationis diætâ regulari, deinceps resumptiua. Pro ea syrupus tota curatione fiat ex libra vna ligni, quindecim aquæ, fiatque decoctio in vase fictili, redeâtque ad libras septem, sitque semilibra in vtraque portione vsque ad statum, deinceps vnciæ octo.

G 5

Aqua secūda in potu ex libris viginti redeat in eodem vase ad duodecim. Mulier verò fluxum patiens propter frigiditatem iecoris aut alterius membri, cibetur tota curatione diata regulari, nisi vires defecerint. In syrupo sit libra vna ligni, libra sedecim aquæ, fiatque communis infusio per horas duodecim, tum feruens in fictili vase ad sex libras redigatur. Sumaturque libra semis tota curatione mane ac vesperi. Aqua in potu ex viginti libris in eodem vase redeat ad viginti.

De sterilitate.

CAP. LVI.

Sterilitatis causæ traduntur ab Auicenna sen vigesima prima. Cognita igitur causa, prius quàm ad ligni decoctionem veniatur, purganda est sæpius mulier, noxiæque materia, & causa morbi tollenda, aut, quàm maximè poterit, minuenda. Post hæc decem aut quindecim dies vtatur balneis mulier: deinde cibetur duos circiter menses communi cibo, sed qui non officiat. In potu autem hac omnino vtatur ligni decoctione loco vini: Ligni sancti semilibra, aquæ sint libræ viginti quinque: fiat communis infusio, tum feruens in vase fictili ad libras decem & septem redigatur. Ad hunc modum dispositio mulieris corpore, legitima fiat curatio per syrupum, quæ descripta est superius in fluxu

ex

ex matrice, si latio matricis causa sit ut mulier non concipiat. At si caliditas iecoris est præcipuè in causa, curatio adhibeatur iuuenis cholerici iecoris apostemate laborantis.

De cancro in matrice.

CAP. LVII.

Matricis cancer ab adusta melancholia ortum habet, ut docet Auicenna. tertia quarti, qui omnem describit eius morbi rationem. Is morbus ægrè curatur recens, confirmatus autè vix retineri potest, ne augeatur. Quapropter cum cetera non profuerint remedia, confugiendū est ad ligni sancti medicinā. Cholera igitur adusta existēte in causa morbi, cibetur mulier diætā resumptiua tota curatione. Concoquanturq; carnes cum frigidis herbis, ut cibus refrigeretur. Syrupus tota curatione fiat ex semilibra ligni, aquæ libris duodecim. Fiat infusio per diem & noctem, tū ferueat in fictili vase, redeatq; ad libras quinque. Sitq; libra semis in utraq; potione. Aqua in potu ex quindecim libris redeat ad decem in vitreo vase. In phlegmatica verò mulieris complexione secundum naturam, intensior sit decoctio syrupi, ut ad tres tantum libras redigatur. Phlegmate verò vel melancholia adusta existente in causa, utatur mulier diætā regulari tota curatione,

curatione, nisi nimia imbecillitas obster. Syrupus in fictili vase fiat ex libra vna ligni, duodecim aque. Fiat infusio per horas duodecim, redeatque decoctio ad quatuor libras. Sumaturque libra semis tota curatione, mane ac vesperi. Aqua in potu ex libris viginti redeat ad decem. Eadem verò decoctio prima syrupi, in matricē sæpius iniicienda est actu calida, vt extergatur cancer, dematurque aliquid de causa coniuncta. Atque hæc extrinsecus appositio decoctionis mirificè prodest. Eadem verò curatio seruanda est in cancro mamillæ, vel in quocunque membro cancer fuerit tã mulieris quàm viri. Ipsa autem curatio non semel adhibenda est in morbo hoc tenacissimo & teterissimo, sed sæpius est, si opus fuerit, repetenda.

De vlceribus cæteris matricis.

CAP. LVIII.

Reliqua matricis vlcera curatione sanentur vlcerum renum, & vesicæ. Si autem vomicas habeant, sintque, vt aiunt, fistulosa, curatio adhibeatur canceri in matrice. Qualia ego curavi Neapoli in Polyxena vxore nobilis militis Calderonis, quæ fistulosa vlcera patiebatur, & magnum cancerum in matrice instar oui gallinacei, ob nimium fluxum, ac propter præcedentem abortum.

De

De hernia.

CAP. LIX.

Intestinū
legendū est,

PLura sunt herniæ genera descripta ab *vt primū ge*
 Auicenna, sen vigesima secunda tertii *nus sit ente*
 tractatus, itémque à Celso libro septimo. *rocele, quæ*
 Duo verò genera sunt magis pernicioſa, quā *Latinus ra-*
 omentum descendit in scrotum, quam her *mex seu her*
 niam appellant intestinale. alterum genus *nia intesti-*
 est, quod Græco nomine. cirſocœle dicitur, *norum dici*
 à plerisque Latinorum ramex, quoniam *ra tur.*
 mex fit in testibus. alii zirbalem dicunt, *Ara .: Aepiplo-*
 bico nomine. In his tamen ipsis herniæ gene *cele legēdū*
 ribus penè desperatis, curatos cognouimus *est, quæ her*
 complures ligni sancti medicina, senes quo- *ma zirba-*
 que atque decrepitos, eòsque etiam veteri *lis dicitur,*
 morbo Gallico laborantes. Itaque his duo- *Arabico no*
 bus generibus hernia hoc pacto curetur in *mine.*
 agro naturæ calidioris. Cibetur tota cura- *Nā omentū*
 tione diætā regulari. Sit in syrupo libra vna *quod Græci*
 ligni sancti, sedecim aque. fiat communis in- *epiploon vo*
 fusio, tum feruens in fictili vase ad sex libras *cāt, Arabi-*
 redigatur, sumatúrque mane ac vesperi se- *cè zirbus dī*
 milibra tota curatione. Aqua in potu ex vi- *citur. Cir-*
 ginti libris redeat ad duodecim. In agro fri- *socœle autē*
 gidioris complexionis eadem fiat curatio, *hernia est*
 præterquam quòd syrupi decoctio ad qua- *varicosa, cu*
 tuor tantum deueniat libras. In reliquis her *ius paulò*
 niæ generibus, carnosa, aquosa, varicosa, ea- *post memi-*
 dem curatio fiat, quæ superius in cancro de- *nit.*

scripta

scripta est. Ac propterea extrinsecus apponendum est emplastrum ex ligno sancto, quod magnopere prodest: duobusque id modis instituimus. Vnum emplastrum tale fiat: Libbra vna pulueris ligni sancti tenuissimè cribrati, ponatur in aqua fontana, quæ ferueat in vase fictili duas horas, deinde addatur corticum radicum althææ, acori, bryoniæ, cucumeris asinini, singulorum semilibra: rursumque ferueat decoctio: qua perfecta, dū remouetur ab igne, addantur vnciæ tres hermodactyloium pulueris tenuissimi, conficiaturque ex arte emplastrum in mortario, nihilque ex aqua abiiciatur. Alterum emplastrum. Adde superiori descriptioni, ammoniaci, bdellii, sagapeni, singulorum vnciam vnam cum dimidia, mucilaginis althææ, fœnigræci, seminū lini, singulorum vnciæ tres: fiatque ex arte emplastrum ad formā cataplasmatidis. Prius autē in curatione apponatur emplastrum iuxta priorē descriptionē: deinde hoc alterum vehementius, in carnosa præcipuè hernia.

De elephantia & varicibus.

CAP. LX.

Difficilis est curationis vterque morbus elephantie, seu lepre, & varicū longoque tēpore parū proficitur, authore Auenzoar. Itaque ligni sancti opus est medicina, quæ aut absolutè auferat morbum, aut præseruet. Cura
tio

tio autē fiat eadē, quę fit in cancro matricis.

De doloribus iuncturarum.

De podagra, ischiadica, & similibus.

CAP. LXI.

EAdem ferē ratio curationis est in podagra, ischiadica, reliquisque morbis grauibz iuncturarum. Horum nos curationem ligno sancto instituiamus, non modò ratione ipsa suadente, sed quòd frequēti cognouimus experimento feliciter succedere ligni sancti curationem. Hoc autem loco superuacuum putauimus, genera & causas & materias podagrę, ischiadicę, arthriticę quę describere, quę diligentissimè à Galeno principe tractata & pręcepta sunt. Item ab Auic. fen xxii. & ab aliis illustribus authoribus artis medicinę. Neque verò mutari quicquam præcipimus his morbis curandis de ipsorum authorum præceptione, sed seruanda potius diligentissimè illorum præcepta. Itaque ante legitimam ligni sancti curationem, materia morbi & causa minuēda est, iuxta morbi & ægroti qualitatem. Atque purgato agro, & rectè disposito, auulsa, quantū fieri potuit, morbi causa, & noxio humore, legitima curatione incatur ad hūc modū: Cholericus iuuenis vel sanguineus vtatur diætā regulari vsq; ad mediam curationem, deinceps resumptiua. Syrupus initio fiat ex ligni semilibra, aquę libris

libris decem, redeatque decoctio feruens in fictili vase ad libras quatuor. Sumaturque semilibra vtraque portione. Aqua in potu ex libris quindecim redeat ad nouē, feruens in eodē vase. In incremento syrupus fiat ex vna libra ligni, quindecim aquæ: redeatque decoctio ad libras quinque. Aqua in potu ex libris viginti redeat ad decem. Reliqua curatione pro syrupo sit libra vna ligni & semis, aquæ libræ sedecim, factaq; infusione cōmuni redeat decoctio ad quatuor libras. Aquā secunda ex libris viginti quinque ad decē redigatur. Phlegmaticus verò iuuenis vel melancholicus, resumptiua diæta cibetur tota curatione. Syrupus fiat vsque ad statū ex libra vna ligni, sedecim aquæ, fiatq; cōmunis infusio: deinde feruens in vase fictili redeat ad sex libras. Atque in vtraq; portione sumatur semilibra. Aqua in potu ex libris decē & octo redeat ad duodecim. Reliqua curatione in syrupo sit libra & semis ligni, quindecim aquæ, infusioq; feruens in eodē vase ad libras redeat quinq; sintque in vtraq; portione vnciæ octo. Aqua in potu ex libris viginti quinque ad quatuordecim redigatur. Circa finē verò curationis, si adfuerit in doloribus humor noxius vt causa cōiuncta, emplastrū apponendū est ligni sancti affecto mēbro, quemadmodum est in hernia demonstratū, prius, & posterius.

Prius

Prius autem emplastrum sit sine hermodactylis. Initio autem curationis, non sunt adhibenda emplastra: quoniam magis attraherent, augerentque morbi causam cōiunctā. Atque hoc ritu curata est à me illustrissima domina Dorothea Gōsaga Bitoni Marchiona ab ischiadica, cū nulla ei antè remedia alia profuissent. Peracta verò curatione legitima dierum quadraginta, æger vescatur solido cibo, sed qui nihil illi possit officere: loco autem vini, duos aut tres menses bibat ligni sancti decoctionem, quæ talis fiat: Sint vnciæ ligni quatuor in calida complexione, sex in frigida, libræ aquæ xxv. fiat decoctio in fictili vase, atque ad decem & septē libras redigatur. Quòd si tā pertinax morbus non auferetur vnica ligni sancti curatione, bis, ter, ac sæpius est curatio eadem repetenda.

De frigidis apostematibus.

De strumulis seu scrophulis puerorum.

CAP. LXI.

IN frigidis apostematibus, vt cætera omit-
tamus, in causa ponimus duram pituitam
& crassam, tãquam morbi radicem, quan-
quam ex humore oriantur melancholico, vt
Auic. tradit tertia quarti de nodis, & secun-
da primi, vbi tria distinguit genera, durities,
glandulas, & cancerum. Necessaria autem est
euacuatio, & diæta: vomitusq; præcipuè cō-

H

fert. In purgatione verò, necesse est crassum phlegma educi, ut tertia quarti docet Auicē. Aegro igitur bene affecto & purgato, curatio ineatur ligni sancti ad hunc modum: Cibetur puer solito cibo, sed eo quā aptissimo & optimo, parciusque quā pro consuetudine. In potu autē sumat ligni sancti decoctionem, nec aliud quicquā bibat per duos menses, quæ fiat huiusmodi: In puero cholerico vel sanguineo, sint ramentorum ligni uncie tres, aquæ libræ viginti quinque, redeatque decoctio ad sedecim libras, feruens in fictili vase. In phlegmatico puero vel melancholico, sit ligni semilibra, aquæ libræ triginta, redeatque decoctio ad viginti. Atque hoc pacto à me curatus est Neapoli puer septennis Lucius Piscicellus. Si autem in ætate prouectiore permanserint scrophulæ, aut recenter contingant, huiusmodi fiat curatio: Cholericus iuuenis vel sanguineus utatur diætâ regulari tota curatione. Syrupus fiat usque ad statum curationis ex ligni semilibra, aquæ libris duodecim, redeatque decoctio ad libras quinque, feruens in fictili vase. Semilibraque fumatur utraque potione. Aqua in potu ex libris quindecim redeat ad nouem. A statu & deinceps decoctio syrupi redeat ad libras quattuor. Phlegmaticus vel melancholicus iuuenis diætâ regulari cibandus est usque ad statum,

cū, deinceps resumptiua. Syrupus tota curatione fiat ex libra vna ligni, duodecim aqua, fiatque cōmunis infusio: tum feruens in vase fictili ad libras quinque redigatur, sumaturque semilibra vtraque potione. Si autē scrophulæ sint cancrōsæ, atque multiplices, & collectæ in modum racemi, agerque ex toto sit melancholicæ complexionis, adhibenda cura est cācri in matrice. Præter ligni sancti curationem apponēda hoc loco videtur nostra vntio, quam salutarē sæpius experti sumus in scrophulis curandis. Ea vntio fit ad hunc modum: Sumatur axungia gallinæ, anatis, anseris, vrsi, taxionis marmontani, asini, & muli, singulorum vncia vna, olei sesamini, amygdalarum dulcium, liliorum alborum, ex singulis vncia vna, radicum althææ, aconiti, bryoniæ, scenigræci, seminis lini, singulorū vncia vna, argenti viui vnciæ tres destillati, vt inferius dicemus de morbo Gallico, & extincti in mortario lapideo, guttatim imposita vrsi axungia, tundente ligneo pilo atque agitante assiduè, donec vestigium non appareat ipsius argenti viui. Deinde reliqua, quæ diximus, simplicia ponantur in mortario, vnāque omnia pistillo agitata optimè commisceantur, redeāntque in formam vntionis, qua ager tertio quoque die aut quarto vngatur ad ignem ante cœnam.

DE MORBO GALLICO.

LIBER TERTIVS.

CAP. I.



E morbo, quem Gallicum ap-
pellant, neminem ex antiquis
scriptoribus aliquid in specie
atoma scripsisse cōperio. In
genere verò nonnullos ex ve-
teribus recentiores autumant aliquid teti-
gisse coniectura quadam, non quòd res ita
se habeat. Nempe Celsus de elephantia, Sue-
tonius de vita Cæsarum, Hippocrates tertia
particula Aphorismorum, atque Gal. Ioan-
nes Alexandrinus commentator II. Epide-
miarum, & libro primo Epidemiarum, de
Festo qui se interfecit, & Gal. de cholera ni-
gra, nescio quid de hoc morbo referre viden-
tur. Sed crucient se iuniores vsque dum libet
in interpretanda nominis significatione, ac
verbi vim, quatenus pro eis facit, interpre-
tentur: nemo tamen speciale capitulum de
huius morbi genere editum demonstrabit.
Quamobrem quoniā optimus terminus est,
quē substantialem vocant, vt ait Sapiens in
primo Tech. De morbo Gallico dicturi, aliis
definitionibus reiectis, ipsum quid inquiramus

mus cum Aristot. præcepto II. Posteriorum. Morbus Gallicus mala est epidemialis dispositio totius corporis & humorum eius, vnde symptomata mala sequuntur, quorum quodlibet per se natum est morbi genus existere. Sin autem & quid, & propter quid definias: Morbus Gallicus est multiplex morbi genus, quum mala qualitas cōtagione per coitus, vel aliqua siderum causa inficit pudibunda, quibus infectis vitiantur venæ capillares, deinceps magnæ venæ, atque arteriæ, necnon & hepar ipsum, & reliqua principalia membra: Quibus ita malè affectis demum ceteræ totius corporis partes à tali morbo læsionem suscipiunt, vel quouis alio modo contagionis, vt patet exemplo, in definitione febris pestilentialis (liceat enim nobis aliorum sententias exempli gratia admittere) quæ febris contagiosa est ex putrefactiva ebullitione in altero quatuor humorum cordi propinquorum principaliter & secundum plurimum contingens. Cuius causa immediata seu coniuncta est vapor putridus attractus ab aere corrupto, & quasi venenato. hac de causa huiusmodi morbi difficulter curantur. Difficile enim est medicamen inuenire, quod tot tamque diuersa humani corporis membra sanare & instaurare posse videatur. Et meritò dico diuersa, ob

H ;

diuersam complexionem, diuersum situm, crassitudinem, tenuitatem, duritiem, molli-
tiem, & positionem, ac etiam ob innumeras
alias differentias. Quis enim in tot diuersi-
tatibus vicem supplere poterit, quin in me-
dio cursu prorsus non deficiat? siue hic mor-
bus contingat ob incursum siderum, seu pla-
netarum, siue ab India, quam dicunt no-
uam, originem ducat, cum in ea regione ne-
mo ferè sit, quin aliquando illum morbum
passus sit, vt referunt qui illinc peregre redie-
re, vt hac ratione aliqui morbum Indicum
vocat. Quapropter discrasiam hepatis &
massæ sanguineæ malam qualitatem & con-
tagiosam, siderum influxu contingere putan-
dum est. Quæ causæ & si primitiua & ante-
cedentes sunt, tamen diuersimodè compo-
nuntur, & operantur pro diuersitate condi-
tionis & complexionis indiuidualis. Nam si
maxima totius corporis repletio adest, &
sanguinis & cholerae dominium cum poro-
rum amplitudine, sine dubio pustulis totum
corpus inficietur: & tunc à prædominante
denominationem accipiet. At si melancho-
licus fuerit æger cum meatuum angustia, &
humoris grossi, tenacis, & sicci dominio, ra-
ra aut nulla apparebit pustula: quæ res me-
lancholiae dominium arguit. Ita de cæteris
dicendum est. Quare non vnus humor tan-
tùm,

nūm, vt aliqui retulere, essentialiter peccat in hac dira ægritudine, sed diuersi pro diuersitate complexionis & conditionis individualis. Quare non mirandum est, si nunc raræ, nunc innumerae pustulæ: nunc vnum symptoma, nunc plurima appareant. Habes ex his causas huius morbi, & varias ipsarum commistiones. Non igitur in aduentu huius morbi vnicum semper motum signorum siue affectuum expectes, vt iuniores sentiunt. Interdum enim plurimis cum pustulis, interdum sine, vel cum vnica tantum, talis morbus initium sumit: aliquando in pettine, vel in mento, vel in fronte, vel in capite, vel quauis alia parte corporis: aliquando cum doloribus immediatè, vel post paucos menses apparet: aliquando dolores exusciat, vel longum post tempus ipsos ciet: interdum nec pustulæ in principio morbi, nec dolores apparent, nec aliquod aliud signum, sed macies & pallor quidam totum ferè corpus occupat, ob pororum obstructionem, vel ob aliam causam præseruantè, & post multos annos tuberositates ossuosa, ac acerrimi dolores, aliâque his similia symptomata oboriuntur, quæ omnia per sua signa demonstratiua dignoscuntur, quum de vnoquoque accidente speciale capitulum faciemus. Tunc enim quid sit illud acci-

dens, & quibus cognoscendum sit signis, indicabimus, ac eius curam. Sed ut singulas ægitudines à tali morbo genitas ordine curemus, eiusque essentiam simul cognoscere valeamus, ponamus Socratē infici tali morbo, taliæque symptomata pati, videlicet vlcera virgæ, pustulas iuncturarum, ac capitis dolores, aliorumque membrorum apostemata ossuosa, diuersa vlcera genera, oris scilicet, aliorumque membrorum, manuum & pedum serpiginosas fixuras, ac alias passionēs à capite ad pedes sibi similes. Hunc igitur Socratem si cholerice inuenies vel sanguineæ complexionis, ad causæ remotionem prius deuenias, cum præcepto Galeni dicentis: Vnum commune præceptum habere oportet: efficientem vnāquāque causam abscindere, deinde & eam, quæ facta est, discrasiam. Fieri enim non potest ut morbus remoueatur, causa ipsius permanente, inquit Auicenna quarta primi. Phlebotomandus igitur est eger in principio morbi. Quod si fieri difficile est, propter impediens aliquod, digeratur & euacuetur pro morbi exigentia. Et quia communi omnium sententia, & præcipuè Galeni primo regiminis acutorum, humores raro simplices corrupti inueniuntur, sed commisti ut plurimum: hinc est quod pharmaca adhibenda sunt
compo

composita. Quare huiusmodi cholericus humoris adustione, tale Socrati digestiuū præbeas, ne vacua (quod dicitur) manu in casu proposito procedere videamur. Recipe syrupi de succo boraginis vnciam vnam, syrupi de succo fumiterræ vnciam semis, aquæ fumiterræ vncias tres, digestaque materia, vt decet, tali minuenda est lenitio: Recipe casia nouiter extractæ vnciam vnam, diacatholici Arnaldi drachmas sex, sacchari violati vel mannæ vncias duas, aquæ fumiterræ, decoctionis myrobalanorum & tamarindorum, vel quo malueris, quantum sufficit. Fiat potio vel bolus cum saccharo, qua diminuta materia, denuò digeratur & euacuetur. Nam, vt Hippocrates asserit secunda Aphorismorum, ægritudines, quæ ex repletionibus fiunt, euacuatio sanat, cuius syrupus sit: Recipe syrupi de succo cichoreæ vnciam vnam, syrupi lupulorum vnciam semis, aquæ cichoreæ vncias tres: misce, & euacuetur cum syrupo composito Augustini Sueffani dicto, posito à Guidone de Cauliacco, cap. de lepra, cuius forma talis est: Recipe myrobalanorum omnium, singulorum vncias tres, rheupontici, foliorum senæ, epithymi, singulorum vnciam vnam, polypodii quercini recentis libram vnam, foliorum fumiterræ, & lupulorum recentium,

H 5

singulorum libram vnam, & semis, iuxta ar-
thritice recentis vnciam vnam & semis, gly-
cyrrhizæ munda drachmas quatuor, flo-
rum boraginis, florum buglossæ, & viola-
rum, singulorum vnciam semis: omnium
fiat decoctio & colatura vsque ad libras
duas, in qua misceatur succi fumiterræ &
lupulorum recetium, singulorum libra vna,
sacchari optimi quantum sufficit. Fiat syru-
pus secundum artem & aromatizetur, &
cum musci & ambræ pauco, ligatorum in
panno lineo raro suspensorum in dicto sy-
rupo, cuius dosis est vnciarum quatuor vsque
ad quinque cum aqua lupulorum. Aliqui
addunt vnciam vnam vel duas confectionis
amech, vel electuarii de succo rosarum, pro
humoris & morbi exigentia, vel cum syru-
po nostro expertissimo. Recipe succi bora-
ginis, succi rosarum rubearum, singulorum
libram vnam, myrobalanorum citrinorum,
chebulorum, & Indorum, & in dictis succis
infusorum per diem, singulorum vncias duas
cum dimidia. Exinde leniter bulliant & co-
lentur. Deinde accipe polypodii quercini re-
centis libram vnam, radicis acori vnciam
vnam, seminis fœniculi drachmas duas, se-
cundum artem fiat decoctio in aqua fontis,
de cuius colatura & præfata infusione cum
sufficientia sacchari tabarzet fiat syrupus.

De

De Socratis curatione virgæ
vulnera patientis.

CAP. II.

FActa diminutione causæ antecedentis,
ad causam ipsam coniunctam deuen-
ias, & primum ad vlcera priapi, quæ cum
fuerint in principio, & siccam membrilæsi
complexionem intueri volueris, vt præcipit
Auicen. quarta quarti, hac medicina vtaris
ex descriptione nostra: Recipe thutix præ-
paratæ cum vino albo, viridis æris bene com-
busti, singulorum drachmas duas, aquæ plan-
taginis vncias duas: ferueant vnâ vnico fer-
uore, & ea vtaris aqua cum fuerit intentio
mundandi pariter & consolidandi: nam si
cōsolidandi intentio fuerit tantum, tunc thu-
tiæ drachmarum duarum sit dosis, & viri-
dis æris drachma semis, nec aliud in huius
morbi cura medicamen adhibere tentes. Est
enim bezoarticum medicamen omnium
vulcerum, quæ in virga fiunt. Et ego tibi
propono medicamina magis approbata in
arte & mea praxi. Quod si mundandi tan-
tum intentio sit, suprâ dicta aqua sic
fiat: Recipe viridis æris bene combusti
drachmas tres, thutix præparatæ cum vino
albo drachmam vnâ, vini albi aromati-
ci vnciam semis, aquæ plantaginis vnciam
vnâ & semis, ferueât simul vnico feruore.
Et in

Et in administratione aquæ vas seu aquam ipsam agites, pro maximo secreto. Si autem vlcera ad corrosionem, ac latètem fraudem tendere videbuntur, cum Aegyptiaco mundentur totius cōmunitatis. Quòd si in mundando huiusmodi vlcera inobedientia fuerint, hanc in mea praxi vsitatam mistionem conficias: Recipe sublimati grana quinque, vnguenti albi camphorati drachmas tres, opii grana duo: misce, ac ita bene confecto tantundem Aegyptiaci prædicti addatur: & eo in vlcere sordido, corrosiuo, ac fraudulento vtaris. nam mirum in modum operabitur. Deinde facta vlceris mundatione, ad aquam prædictam mundantem, & pro tuæ intentionis curatiuæ exigentia, redeas. Quòd si frequens prædictæ aquæ administratio est in causa, vt membra malè affecta, & vlcera nullam denique suscipiant leuationem, tunc puluis ex descriptione nostra nobilis, & in nostra longa praxi expertissimus, inspergatur. Recipe thuriæ præparatæ cum aqua plātaginis, antimonii, plumbi vsti, lithargyrii aurei, cerussæ, singulorum drachmas quatuor: in puluerem quàm minutissimè redigantur, & decies in aqua rosarum præparentur, ac in vmbra exiccentur: deinde adde sanguinis draconis electi, aloes hepaticæ singulorum drachmas duas & semis, cariei ligni drachmas

drachmas tres : conficiantur simul minutis-
simè in formam alcohol, & eo vtaris pulue-
re recentibus & antiquis vlceribus consoli-
dandis, ac ad quācunque virgæ excoriatio-
nem : mirabiles enim effectus videbis. Nec
ignoramus quidem quin puluis minus effi-
cax sit, quàm illud, quod ex eis est cum oleis
& ceratis. nam necessitas producēs ad olea,
hinc est quòd materiæ sicca & propriæ quæ
sunt, vt merdasengi, non submergantur vs-
que ad profundum, neque penetrant in po-
ros, vt inquit Auicenna vbi suprà. Quòd si
volueris aliquod experiri in cicatrizando
vlcera priapi, & si in tali membro nervoso
vnctiosa abhorream, tamen ob prædictam
Auicē. rationē vnguentū hoc expertus sum,
& in magnatibus quotidie vtor in hyeme.
Recipe olei antiqui centum annorum vel cir-
ca libram vnā, cerussæ cribellatæ vncias
tres cum dimidia, ceræ citrinæ q. semis. fer-
ueant lento igne semper agitando, donec ad
fuscedinem & colorē corticis castaneæ ma-
turæ deueniat : ac eo vnguento vtaris, cum
non solū vlcera virgæ, sed etiam quorum-
cunque membrorum consolidare volueris.
Est enim principum medicamen. & animad-
uertas quòd velamine & propriè clausura
ipsius mentulæ tumefacta existente, si eius
inuersatio acquiri non potest, ac sui inepti-
tudo

tudo ad alia medicamina te deuenire cogit,
lotionem hanc intrinsecus mundificantem
adhibeas: Recipe hordei pugillum vnum,
plantaginis manipulum vnum, absynthii ma-
nipulum semis, balauftiarum contusarum
numero tres, ferueant in aqua pluuiali & vi-
no albo, & colaturæ adde viridis æris bene
combusti drachmas tres, rhodomellis vn-
cias tres: misce, & fiat lotio, & cum oricula-
rio sæpius lauetur actu calido. Et si extrâ
mala complexio ac durities aliqua phleg-
monodes affuerint, hac lotionem membrum
foueatur: Recipe folia maluarum cum ra-
dicibus suis, plantaginis violarum, singulo-
rum manipulos tres, ferueant in aqua fon-
tana, & actu calida membrum epitheme-
tur, deinde cum eisdem herbis calidis cata-
plasmetur. Facta autem resolutione & mun-
dificatione causæ coniunctæ, tali lotionem
ipsius vlcera consolidabis in declinatione:
Recipe nucum cupressi, balauftiarum, singu-
lorum numero sex, rosarum, myrtorum, sin-
gulorum pugillum vnum. ferueant in vino
rubeo & aqua plantaginis, partes æquales.
In quorum colatura & sufficientia libræ
vnius dissolue thutix præparatæ cum vino
albo vnciam semis, viridis æris bene com-
busti drachmam vnâ cum dimidia: misce,
& cum oriculario administretur, & petiæ
cum

cum prædicto vnguento fusco ponantur in-
tus, more experti chirurgi. Quod si durities
aliqua gummosa aderit in mentula, fuerit-
que inepta resolutioni, tale apponas empla-
strum: Recipe emplastri diachilon minoris
vncias tres, axungia vrsi drachmas tres, mu-
cilaginis althææ, fœnigræci, & seminis lini,
singulorum vnciam semis, conficiantur len-
to igne ad formam emplastri, secundum ar-
tem: & si durities non resoluitur, fiat hoc
aliud: Recipe emplastri diachilon maioris
cum gummi, & minoris, singulorum vncias
tres, axungia vrsi, mucilaginis, fœnigræci, &
seminis lini, & radicum althææ, singulorum
vnciam, conficiantur simul lento igne ad
formam emplastri secundum artem. Quod
si mentula inuersatio demum acquiri non
potest, tunc ad incisionem secundum longi-
tudinem virgæ deuenias, incisioque in sini-
stro latere fiat ob venarum carentiam: &
vltus cures more aliorum vlcerum, digeren-
do scilicet, mundificando, & consolidando,
pro morbi exigentia. Ne obliuiscaris tamen
digestionis materiei & eius eradicationis:
reminiscaris etiam regimen in sex re-
bus non naturalibus, quod gra-
tia breuitatis omitto, quum
de eo abundè alii
dixerint.

De

De curatione Socratis morbi Gallici pustulas patientis.

CAP. III.

Postquam vniuersalia non oblitus es, vt valeas particularia operari, pustulis frequenter corpus inficitur, quæ diuersæ pro diuersitate humoris peccâtis existunt. Nam quæ cholericæ sunt, citrinæ ac magis extrinsecæ apparent: & quantò calidior & adustior cholera fuerit, tantò nigrior, & magis fusca ac crustosa eorum superficies apparebit. Sin autem sanguinæ sunt, quodammodo saniosæ, & in toto eorum circuitu, vel in aliqua parte tantùm, rubicundæ videntur, ac si phlegmaticæ sint, baurachinæ, subalbida, & profunda, membrumque quadam cum tenacitate amplectuntur. Si melancholicæ, cū duritie quadam & tensione in membro fixa profundantur, & liuiditate quadam associantur carnosæ & callosæ, qua atra bilis dignoscitur manifestè, qua mediante pustula tardæ difficilisque curationis efficiuntur. Hac de causa inter istas pustulas quidam sunt gradus: nam melancholicæ difficilior quàm phlegmaticæ sanantur, & phlegmaticæ difficilior quàm cholericæ: & sic de aliis dicendum est, etiam si ex pluribus humoribus cõpositæ videantur. Et quia huiusmodi pustula interdum facili, interdum difficulter curantur,

rantur, ac etiam frequenter recidiuam petunt, quum in facie apparent: tunc ne foedis cicatricibus facies deturpetur, singulas pustulas singulis remediis exiccare tutissimè poteris, tū quia vniuersalia præcessere, tum ob prædictas rationes bis in die illas madescito cum aqua nostræ descriptionis. Recipe sumach, fructus tamarisci, thuris, mastiches, singulorum drachmam vnam, tartari vini rubei drachmas duas cum dimidiâ, cerussæ drachmas duas, sublimati puluerizati grana tria, vel loco ipsius sublimati ponatur aluminis drachma semis, aquæ plantaginis, & rosarum, singulorum vnciam vnam cum dimidia, succi limonum maiorum vnciam vnam: bulliant simul lento igne in vase vitreo ad vnius quartæ partis consumptionem, & clarificetur, & coletur, & ea vtaris aqua audacter. Vniuersas enim pustulas in quocunque membro existentes exiccabit, & curabit. Si verò hæc aqua non sufficiat pustulis curandis, citiusque te expedire volueris, ob agrotantis morositatem, condimentum ex nostra descriptione adhibeas: Recipe albumen vnius oui recentis: agitetur, deinde adde sublimati in puluerem redacti grana tria, agitentur iterum simul, donec vnguenti formam susceperint: tum pustulas illinito bi duo, vel ad summum triduo, & curabuntur.

& cū in declinatione fuerint, hoc oleo in-
ungantur, tum pustulæ, tum partes circun-
stantes. nam maculas fœdas in membro fie-
ri prohibebit. Et si quæ sunt in cute, destruet,
ita vt nullum earum in cute vestigium rema-
neat. Recipe tartari combusti, & in pulue-
rem redacti libras duas: ponatur in panno
lineo, suspendaturque in loco humido subter-
raneo: suppositoque vase, in quod decidant
gutta destillantes ex ipso panno lineo, & o-
leum in vase vitreo seruato, bisque in die ma-
culas ac vestigia à pustulis derelicta illinias:
necnon & ipsas pustulas, quæ quoties recidi-
uantur, toties eisdem remediis curentur.
Quod si vtilius videbitur vt pustulæ extra
cutem pellantur, humoresque ad cutem
ipsam attrahere cupis, vescatur æger assi-
duè herba stellari satis nota, vel in ferculis,
vel ex ea succum bibat, vel crudam mandu-
cet cum aceto passulato, vel quouis alio mo-
do, semper aliquibus euacuationibus inter-
mediis. Quod si copiam varietatēque me-
dicinarum abhorreat, talem præbeas infu-
sionem vsitatam, & à communi medicorum
schola approbatam: Recipe quatuor florum
cordialium, senæ, florum fumiterræ, singulo-
rum pugillum semis, polypodii quercini con-
quassati drachmam vnā: infundantur in a-
qua lactis libræ vnus, succi cichoræ, lupu-
lorum

lorum & fumiteræ purificatorum, singulorum vnciam semis, vel ferueant simul, & dos sit semilibra in mane semel vel bis in hebdomada.

De curatione Socratis oris vlcera patientis.

CAP. IIII.

VLcera oris, quæ per sua dignosces signa, difficillimæ curationis existunt, vt refert Galenus, quia locus calidus est & humidus, putredinique paratus & corrosio- nitum etiam quia loci ineptitudo medica- minum coherentiam prohibet, & ob saluæ commissionem vlcera profundiora fiunt: quæ cum fixam habeant causam, eorûmque corrosionem ac deambulationem cum duri- tie, & liuiditate baurachina, siue melancho- lica, conspicies, his vtaris vniversalibus pilu- lis, scilicet fumiteræ, aggregatiuis, fortidis, & similibus. exempli gratia: Recipe pilula- rum fumiterre drachmam vnâ, pilularum aggregatiuarû ex inuentione nostra drach- mam semis, formentur pilulæ septem cum confectiione hamech, & deaurentur, & post duas horas assumptionis pilularû accipiatur apozema. Recipe diabuglossati, vel mannae electæ vncias duas, aquæ hordei vel buglos- sæ quantum sufficit: dissoluantur, & fiat po- tio. Quod si causæ coniunctæ mala comple- xio calida cum duritie viget, tunc venæ sub

lingua incidenda sunt. Mala autem complexio calida duritiesque illa remittenda & resoluenda est tali gargarismo: Recipe quatuor florum cordialium, hordei, singulorum pugillum vnum: sebesten, iuiubarum, singulorum numero decem, passularum enucleatarum vnciam vnam: ferueant in aqua pluuiali, & aqua plantaginis partes æquales, in quarum colatura & sufficientia libræ vnius cum dimidia, dissolue pulpæ casie nouiter extractæ per setam drachmas duas cum dimidia, rhodomellis saccharini, diamoron, singulorum vncias duas, misce, & fiat gargarismus. Facta digestionem causæ coniunctæ, ac remota mala complexione aliqua ex parte, ad fortiora mundificantia deuenias. Recipe fructus tamaricis, cupulorum glandium, rosarum incompletarum cum suis ramis, myrriorum, singulorum drachmas quatuor, hordei pugillum vnum, teneritatum rubi, & cliuarum, singulorum manipulum vnum cum dimidio: feruefiant in aqua pluuiali & vino albo aromatico, in quorum colatura & sufficientia librarum duarum dissolue aceti scillitici vnciam vnam, oxymellis scillitici vnciam vnam cum dimidia, rhodomellis vncias duas: misce, & fiat gargarismus. Quæ si in mundificando minimè sufficiunt, inuolue corum in cuspide instrumenti argentei vel lignei,

gnei, & dictum cotum ita inuolutum mades-
fac in aqua nostra dicta in Capitulo de So-
crate patiente pustulas morbi Gallici, bis vel
ter in die oris vlcera tangendo. Tali nanque
aquæ administratione tutè ac celeriter vlce-
ra mundificabis. In declinatione autem vl-
cerum oris talem adhibeas gargarismum
exiccantem ac consolidantē, & membrum
suscipiens confortantem: Recipe sumach vn-
ciam vnā cum dimidia, nucum cupressi
viridium, balaustiarum Arabicarum con-
quassatarum, singulorum numero quinque,
aluminis drachmam semis, rosarum, myrto-
rum, singulorum pugillum vnum: bulliant
in vino rubeo aromatico & aqua pluuiali vel
aqua plantaginis, partes equales, in quorum
colatura & sufficientia librarum duarum dis-
solue diacarydion, Syrupi myrtorum, singu-
lorum vncias duas cum dimidia: misce, &
fiat gargarismus. Si verò puluerem aliquem
in vlcus cum cannulo iniicere velis, hunc per
me probatum puluerē mundificantem ad-
hibeas: Recipe aluminis saccharini drachmā
vnā, sanguinis draconis drachmas duas,
balaustiarum drachmas quatuor: in pulue-
rem minutissimè redigantur, & misce.

De casu pilorum.

CAP. V.

Quoniam ab hoc morbo alienum non est, saepe pilorum casus inducere, corporaque humana molestissime deturpare, consentaneum pro communi omnium salute fore censui, membris ab huiusmodi morbo male affectis, ab eorumque pilis denudatis, aliqua praesentanea medicamenta adhibere, hanc videlicet infra scriptam decoctionem: Recipe senę manipulum vnum, radicis lapathi acuti vnciam vnam, florum rorismarini manipulum vnum cum dimidio: omnium simul fiat decoctio. Aqua etiam decoctionis fœnigræci calida actu adhibita & embrochata, necnon & lixiuium cum eodem fœnogræco decoctum mirifice conferunt. Pinguedo item serpentis, vel talpæ, leprosos illos succos lenit & curat, capillorumque casum prohibet, & delapsorum ortum accelerat: vel vinum nigrum cum aloe decoctum idem operatur. Medicamen insuper capillorum casum prohibens euulsosque regenerans. Recipe ladani, succi myrtillorum, singulorum vnciam vnam, papaueris nigri, spicæ nardi, capillorum Veneris, singulorum manipulū vnum, cyperi, corticis pini, seminis apii, singulorum semiunciam, olei sesamini, olei myrtini,

ni, singulorum libram vnam, terantur & ferueant in duplici vase, & colentur, & colatura vsui referuetur. Aliud idem obtinens: Recipe absynthii viridis manipulum vnum, corticum auellandarum vstarū vncias duas, cum oleo myrtino ferueant & colentur, locūque à pilis denudatus actu calido inungatur. Neque prætermittatur regimen diætericum & pharmaceuticum aut phlebotomia pro noxii humoris exigentia. Syrupūque noster de polypodio prædictus mirificè confert frequenter sumptus.

De fissuris serpiginosissimanuum & pedum.

CAP. VI.

Serpiginosæ manuum ac pedum fissuræ, quæ à baurachina pituita vel adusta cholera frequenter ortum habent, ob fortem hepatis, aliorūque membrorum virtutem expulsiuam, hepatis ipsius mala complexione prius alterata, ac pro noxii humoris exigentia, digestionē euacuationēq; adhibita, cū nostro præcipuè syrupo de polypodio dicto in capitulo primo, necnō optimo regimine diæterico, fissuras & callosas squamas tali decoctione bis in die madefacies: Recipe radicū althææ præparatarum, maluarū cum radicibus suis, foliorum violarum, singulorum manipulum vnū, cum capite arietis & seui arietini semilibra; ferueant secundū artem:

& colatura vtaris modo prædicto. Post verò dictam balneationem, cum panno valde aspero tandiu fissuræ fricentur, donec sanguis excaturiat. Hoc autem peracto, singulas fissuras cum aqua dicta in capitulo de Socrate patiente pustulas, madefacito, eundem scilicet modum applicationis aquæ obseruando: sic enim digestionem ac mundificationem per mensem perficies. In declinatione autem, tali lauacro fissuras ipsas lauabis: Recipe stipitum caulium veterum manipulos duos, auripigmenti subtiliter cribrati vncias duas, pinguedinis equi semilibram ferueant in aqua fontis secundum artem. Post autem egressionem à balneo tali, pustulæ linimento inungantur: Recipe olei sesamini semilibram, vel olei amygdalarum dulcium, polypodii quercini recentis & conquassati vncias duas cum dimidia: ferueant secundum artem, & colentur. Deinde recipe lithargyrii aurei, antimonii, plumbi vsti, cerussæ, thutiae præparatæ cum vino albo, singulorum semiunciam, succi radicis lapathi acuti, succi chelidonis, singulorum vnciam vnam cum prædicto oleo in mortario plumbeo ad formam vnguenti redigantur. Quòd si dicto vnguento sublimati grana quinque vel sex addantur, tutissimè curabit, fissuræque penitus delebit. Et quoniam huiusmodi fissuræ paratam

tam habent recidiuam, quoties recidiuantur, toties cura hæc & vniuersalis & particularis reiteretur, donec ad optimam valetudinem agrotus reducatur.

De curatione Socratis prædicta symptomata recentis morbi Gallici patientis, quæ curationem non suscipiunt à prædictis medicinis.

CAP. VII.

QVum verò vlcera oris, & mentulæ, seu pustulæ, à præfatis medicinis alleuiationem non suscipiunt, cum morbus recens existat, imò in deterius in dies labuntur, & capitis aliorumque membrorum dolor aduenerit, tunc ad curam ligni sancti confugas. Cholericus iuuenis, vel sanguineus, cibetur initio curationis diæta regulari: à statu autem vsque ad finem diæta sit resumptiua: ab initio vsque ad augmentum, fiat pro eo syrupus ex ligni semilibra, aquæ libris decem: ferueat infusio in fictili vase, donec ad libras quinque redeat decoctio. Aqua secunda in potu ex duodecim libris ad octo redigatur. Ex sola huius aquæ secundæ potatione curauimus puellâ ab hoc prauo morbo cruciatam, ætatis duorum annorum in pristinam salutem restitutam. Ab incremento ad finem curationis, fiat syrupus ex libra vna ligni, duodecimque libris aquæ, redeat-

que decoctio ad octo. Aqua secunda in potu ex quindecim ad nouem redeat. Ex syrupo sumatur semilibra, tam manè quàm vespèri, tota curatione. Phlegmaticus vel melancholicus iuuenis regulari diætâ vtatur tota curatione. Pro eo syrupus fiat vsque ad statum ex vna libra ligni, & duodecim aquæ, redeâtque decoctio ad libras quinque. Aqua secunda in potu fiat ex libris aquæ quindecim, quæ decoctæ redeant ad decem. In statu autem vsque ad finem curationis, in syrupo sit vna quoque libra ligni, decoctioque in fictili vase feruens, ad tres tantum libras redigatur. Aqua item secunda fiat ex libris aquæ quindecim, quæ decoctæ redeant ad decem. Quòd si Socrates calidæ vel frigidæ complexionis, in declinatione curæ aliqua hepatis, vel alterius membri, super calefactione male affectus fuerit, tunc ei syrupus & aqua secunda ad frigidum alterentur, scilicet augendo dosim aquæ, & ligni diminuendo. Vt de Socrate calidæ vel frigidæ complexionis dico ætate iuuentutis, ita etiam & de sene, nisi quòd propter debilem digestiuam & dosim syrupi minuere, & resumptiuâ diætâ præbere, audacius poteris. Hoc etiam animaduertendum est, quòd in curatione prædictorum accidentium, per lignum sanctum, tali mercuriali vnguento vti potes in curandis
vulceribus

ulceribus virgæ, hac serie: Facta prius curatione & mundificatione ulcerum, mentulam ipsam, inguina ac pecten inungito actu calido, necnon & in ulceribus oris, collum vnâ cum spatulis, septies de tertio in tertium diem. Et cum gingiuarum excoariatio ac copiosus saliuæ fluxus affuerit, & si in tertio die hoc contingat, ab ipsa vntione desistere debes. Prædictique vnguenti forma talis est: Recipe olei chamemelini, anethini, laurini, liliorum cœlestium, & rosati, singulorum vncias duas, terebinthinæ Venetæ vnciam vnâ, axungia porcinæ sine sale clarificatæ libram semis, lithargyrii aurei, cerussæ, subtilissimè puluerizatarum, singulorum vncias duas: ferueant simul vnico feruore: & in remouendo ab igne adde cineris vitis, thuris, mastiches, singulorum semiunciam. Conficiantur omnia simul ad formam vnguenti, deinde accipe argenti viui purificati ex nostra descriptione, & extincti in mortario lapideo cum terebinthina vel oleo rosaceo, donec nullum extet vestigium, vncias tres, styracis liquidæ vnciam vnâ: hoc autem peracto, ipsum vnguentum in dicto mortario ponatur, & tandiu agitetur, donec omnia bene conficiantur, & eo vtaris more artis: vel cum ceræ quantitate ad formam ceroti redigatur, eoque vtaris more artis.

Qua

Galenus
de hydrar-

Quæ sit argenti viui complexio.

CAP. VIII.

gyro sic scri-
bit: hydrar-

Naturam huius metalli perscrutaturus, non paruas apud antiquos reperio digyrus non uersitates. Quidam nanque authorum anti-
est ex spon- quissimi, frigidum & humidum argentum
te nascenti viuum esse asserunt, alii autem calidum &
bus medica siccum. Galenus nanque, nono de simplici
tis, sed ex medicina, nullam de eo refert habere expe-
is, quæ præ rientiam, nisi occidentis, si extrâ apponatur
parantur, vel bibatur, sortitum tamen lithargyrium.
velat psim- Auicenna præterea secundo canone, capite
mythiis, & proprio, frigidum inquit & humidum esse
rugo, psori- in secundo gradu. Albertus tamen Magnus
cum, lithar libro tertio Meteororum refert quod proces-
gyros. Nul- sus ex materia à generatione mistorum est,
lum autem quod vapor cômistus humido aqueo, quod
eius feci pe in se subtile terreum habet, resoluitur & in-
riculum ne grossatur in ipso, & de substantia spiritali
que quod fit corpus grossum, & fit quasi aqua, sicut est
interimat argentum viuum: in illo enim humidum a-
si deuore- queum est. & quæ sequuntur. Insuper Guliel-
tur, neque mus Placentinus, frigidum & humidum
ubi foris ad cum cæteris argentum viuum esse asseuerat,
nota sit. libro quarto. Hermen Alchimistarum pri-
mum de eo scripsisse referunt antiqui, ipsûm
que frigidum & humidum reponere. Arnal-
dus de Villanoua in Rosario philosopho-
rum, refert argentum viuum compositum
esse

esse ex terra alba, sulphurea, cum aqua clara. Platearius similiter capite de argento viuo: in quibusdam tamen libris subdit, Reperitur quod frigidum est in quarto gradu. Ex effectu quidem eius tale esse probatur, quia est valde actualiter frigidum. Geber, argētum viuum, inquit, manifestum quod mercurius appellatur, antiquorum vsu est aqua viscosa in visceribus terræ, substantiæ subtilis, albæ, tinctæ per calorem temperatissimum, vnita tali vnione per minima, quousq; humidum contemperatur à sicco, & siccum item ab humido: ideoque facile superficiem planam fugit, propter sui aquosam humiditatem. Qui quidem authores his fundantur mediis, & primò à denominatione argenti viui, ὕδραργυρος enim dicitur Græcè ab ὕδωρ, quod est aqua, & ἀργύριον, quod est argentum, quasi aqua argenti. Secundò, per eius substantiam ponderosam, quæ frigiditati magis, quàm caliditati testatur. Tertiò, quia in administratione vnguenti ex eo calor naturalis reuocatus ad interiora membrorum ob vnguenti narcoticam vim, fortis factus est ad sensibilibiter vel insensibilibiter resoluum, ad maturandum, vel ad aliquam materiam congelandum, quæ deinde paratam recidiuam habet, vt luce clarius patet in actu practico. Præterea actualis eius frigidi-

tas ipsum esse frigidum demonstrat, per quam materiae de circumferentiis ad centrum repelluntur. Ergo eius natura narcotica est, ut per eius effectus indicatur, per paralysem & tremorem. qui quidem calor unitus ac vigoratus, si per aliquam regionem non excerneret, membrum multitudine materiei proculdubio suffocaret. Quod calidum sit metallum istud, Aristo. III. Meteor. testatur: Incoagulabilia autem, inquit, quaecunque aut humiditate aquosa carent, aut non aqua sunt, sed plus calidi & terrae, puta mel & mustum: aut plus aeris, sicut oleum & argentum viuum. Galenus namque quarto de simplicium medicamentorum facultatibus, ad haec, inquit, arsenicum, *ἢ Ἀγέγγυρος*, & id genus, crassarum sunt partium, ac potestate calida. Isaac autem Israelita in secundo suae practicae de medicinis in quarto gradu refert, Argentum viuum calidissimum est, & humidissimum in quarto gradu. Et item Constantinus de virtutibus simplicium medicinarum, argentum viuum de his, quae in quarto gradu calida sunt, enuntiat. Rasis autem ultimo Continentis tractatu primo cum Paulo Aegineta, refert calidum esse ac corrosivum. Platearius, calidum, inquit, & humidum est in quarto gradu. cap. de argento viuo. Aliabas, acutum & comburens est argentum
tum

tum viuum, inquit. Hac enim ratione moti sunt veteres authores, vt Conciliator differentia cli. quod corrodit & mordicat, calidum est: argentum viuum est huiusmodi: igitur, & cætera. Præterea dissoluit, incidit & penetrat. Hæc autem caliditatem testantur per se primò: iure igitur calidum argentum viuum esse putarunt veteres. Accedit, quod humores subtiliat atque calefacit, illòsque mobiles redditos, sua acuitate expellit, nunc per os facile sputum habentibus, nunc per secessum mollem habentibus aluum. Et si difficillimum sit hos conciliare authores, cum doctorum discordantia difficultatē arguat, quod vel ex parte rei, vel ex parte nostri modi cognoscendi (vt Philosophus inquit) contingit: est enim hæc difficultas veluti pelagus. Verùm pro nunc in re tam ardua, vnà cum Conciliatore dicamus, quod argentum viuum dupliciter potest considerari penes eius substantiam duplicem, differentem: quarum vna quidem aquea est, altera verò terrea sulphureaque. Quantum igitur ad partem terream, sulphuream, calidum dicitur & siccum, qua sublimatione eius humidum resoluitur. & sic ritè sentiunt, qui calidum argentum viuum posuerunt. Quantum autē ad eius substantiā aquosam, quæ sicut eius materia existit, quæ statim calido

lido concitato, ob imperfectam eius cum terrestri sulphureo mixturem, in fumos euaporat, morbos inducit frigidos. Hæc pro nunc in tanta controuersia sufficiant: nam aliàs, Deo dante, conabimur dicato opere veritatem magis inuestigare.

Nunquid cinaprum idem sit quod argentum viuum, vt quidam existimant.

CAP. IX.

QVoniam aliqui aberrare possunt, vt quidam parum eruditus manifestè errauit, dicens cinaprum argentum viuum non esse, fortasse ignorans ex quibus conficiatur simplicibus: idoneum itaque putavi in medium veritatem adducere, & enucleare, atque vt cæteri veritatem agnoscant. Et quia in libro Seruitoris patet zinzifur, id est, cinaprum ex argenti viui & sulphuris partibus equalibus fieri: quod argentum viuum ex vero sulphure non vrente fit, vt Arnaldus de Villanoua in Rosario philosophorum refert, ibidè inquit: Manifestum igitur est, quòd argentum viuum in se sulphur suum bonū ac fixum continet, quo coagulatur. Et cum omne simile adaugeat, illud dicendum puto, ob talem sulphuris commixturem argentiuiui, non mutari formam intrinsecam, imò eam fortius acui: quia

quia sulphur, quoquo modo praparetur per artificium, semper comburit & comburitur, omni que in opere nigredinem prastat. Quare denigratur argentum viuum per talem sublimationem, non tamen eius forma mutatur. Et quod argenti viui forma non deleatur, nota quæ Arnaldus enuntiat: Argentum viuum est solum, quod ignem superat, & ab igne non superatur, sed in eo gaudens, amicè quiescit: est nanque fortissimæ compositionis, & naturæ vniformis, quia non separatur in partes, vt nullatenus se diuidi permittat: quia aut cum tota sui substantiâ in igne permanet, aut cum tota ipsa ab igne recedit: quoniam in sua densitate, ac adustionis carentia, sui diuisionem non patitur, quæ per sulphureitatem, intellige tu combustibilem, quam non habet, perficitur. Et Albertus Magnus *iiii. Meteororum* refert, *ὁ δὲ ἀργυρῶν*, id est, argentum viuum, incoagulabile esse, magis tamen oleum. Siccat tamen per multam sulphuris adustionem, & misionem cum ipso factam, ipsum omnino non adurentis, nisi cum corylo aduratur, vt experientia docuit Albertum Magnum. Quamobrem dicendum puto, quod cum cinaprum constet ex argento viuo & sulphure, sulphur autem asseruet potius, quàm vt deleat argentum viuum: erit in ci-

K

napro argentum viuum actu, & in propria
forma, licet aspectum eius sulphuris infe-
ctio occultet. Nullam igitur esse inter illa in-
trinsecam & formalem distinctionem asse-
ritur. Nec refert si aduersarius adduceret
Albertum Magnum quarto Meteor. innuen-
tem: Nota autem, quod si *ὁ ἀργυρος* ita per
calidum exiccetur, postea per calidum non
soluetur. Et ideo hæc exiccatio potius est cor-
ruptio argenti viui, quàm coagulatio. Exic-
catur enim tunc terrestre, quod in ipso est, &
ad lateris naturam deducitur. & ideo calumnia
de prædicto exemplo adducta, locum non
habet, scilicet quod coagulata quando sol-
uuntur, & soluta quando coagulantur, in ea-
dem specie manent, sicut as coagulatum &
liquidum in vna est specie: *ὁ ἀργυρος* autem
prædicto modo constans, non manet specie
vna, neque in eisdem componentibus. Et no-
ta ly, non manet specie vna: illud autem to-
tum quantum ad Alchimistas dicitur, non
quantum ad medicam artem attinet: quia
paulò suprà in hoc eodem capitulo, si
bene ponderas, dictum fuit, in
operibus autem alchimi-
cis, & ea quæ se-
quuntur.

De

De malis affectibus & substi-
dis argenti viui.

CAP. X.

Quoniam argenti viui nocumentum,
vt plurimum iuuamento est maius:
Exordiendum igitur est, quæ de
eius nocumento antiqui sentiunt. Galenus
quidem vbi suprâ dixit, quod si extra appo-
natur, vel bibatur, occidit. & Auicen. vbi su-
prâ refert, quod frigiditate & grauitate sua
paralyfim, tremoremque inducit, membrâ-
que recta permanent & inflexibilia: auditui
obest, oris fœtorem parit, visum obtene-
brat, & cum sublimatum est, interficit. quæ
sublimatio pro cinapro intelligi potest in
suo genere, vt intelligitur de albificatione
argenti viui cum chalcantio, vt à Seruitore
ponitur, & tandem extinctum sua grauitate
interficat. Ipsum enim, quod sibi obuiat, sua
grauitate corrodit. Vltimum tamen dictum
animaduertas, quia tam extrâ, quàm intus
intelligi debet: quod à Dioscoride apertius
declaratur. Si enim in igne ponatur, destrue-
tur, & fumum faciet, qui omnibus animalibus
pessimus est. In hominibus autem sen-
sus & voluntarium motum destruit: ex quo
furditas, paralyfis, tremor, vel epilepsia, &
per consequens mors sequitur: cui fumo
quicunque proximus fiet, mox neruorum &

laceratorum, omniumque membrorum, quæ
per motum voluntarium sunt composita,
relaxationē sentiet. vnde plerique in paraly-
sim, tremorem, surditatem, animataque
actionis corruptionem incidunt, necnon &
pessimum colorem ac putridum os, cerebrī-
que siccitatem habent. Hæc Isaac ubi suprà.
Et nota ly, cui fumo quicumque proximus
erit: quia de cinapro intelligitur. Quod si
quis obiiceret, cur à cinapro accidentia in-
ducta sæuiora sunt accidentibus ab argento
viuo, in sputo scilicet & oris vlceratione, at-
que ventris solutione, si per te subtiliatur, &
acuitur argenti viui virtus per sulphuris ad-
missionem? Ad quod dico cum Galeno, no-
no de simplici medicina, quod cinaprum in
se aliquid stypticitatis habet, per quam ma-
terierum excreatio atque exitus prohiben-
tur, qua mediante stypticitate sæuius est me-
dicamen. Quod fit, cum duplex sit in argen-
to viuo superfluitas, vna quidem in ipsius
profunditate inclusa in principio suæ admi-
ssionis superueniens: altera verò extra natu-
ram suæ naturæ, & corruptibilis: quarum
ista non absque labore tollitur, altera verò
nullo artificis ingenio tolli potest. Quare
sulphureitas eius adustibilis ignis calcina-
tione tollitur, atque à corporibus deletur: &
illud ideo, quia argentum viuum resistit, &
illud

illud quod sui natura est, ab adustione defendit. Hæc Arnaldus de Villanoua in suo Rosario philosophorum: qui mali affectus à Guilielmo Placentino libro quarto describuntur. Plinius autẽ libro tricesimotertio, cap. vi. vomica liquoris aterni argentum viuum appellatur, omnium rerum venenum est. Et Auicenna fen vii. quarti canonis: Elonga, inquit, illud, in quo ponitur argẽtum viuum extinctum, quantum poteris à partibus stomachi & membrorum nobilium. quare non absque ingenti timore propinatur. Platearius præterea capite proprio: fumus, inquit, argenti viui astantibus obest, quia nervos remolliendo, paralyfim operatur. Serapio autem de simplici medicina: Fumus verò eius, inquit, est valde nociuus: nam frequens eius vsus nervos destruit, paralyfim inducit, sensum aufert, & motum corrumpit. Quibus sanè patet, assiduus argẽti viui fumus quantum obest. Quod autem argentum viuum bezoarticum sit medicamen in prauum hũc morbum Gallicum, eiusque mortifera accidentia, moderni his rationibus eorum infamiam tegere nituntur, nec alium habent modum aliquid perficiendi, nisi argentum viuum tã in occulto, quàm in manifesto fraudulenter adhibere, dicentes, Quòd etsi argenti viui nocumenta longè plura sint, quàm

K 3

dicendi copia, tamen eo utimur, tanquam omnium intentionum curatiuarum vltima: ad vltimas enim aegritudines, vltimæ intentiones curatiuæ sunt potentes, vt Hippocrates primo Aphorismorum vii. quod Galenus nono & decimo Therapeutices vberius declarauit: Aegritudo, inquit, quæ non habet præter vnā viam ad salutem, licet cuiuslibet ægrotanti ardua sit & difficilis, tamen ipso inuito, oportet quod per illam in omnibus etiam casibus transeat. Multoties enim medicus rebus contra naturam patientis particulæ utitur, vt bonam valetudinem inducat. Utitur nanque actuali cauterio ac potētiali, crebrisque incisionibus, & similibus, pharmaco etiam venenoso & solutiuo: ergo & argento viuo utendum est. quod fugias quantum potes, crede mihi. Quod si coactus à natura entis, secus fieri non potest, illud adhibeas, vt sæpius per multos annos exercui, sicut vnctiones, suffumigia, & similia, quæ sunt fugienda, ligno sancto subueniente. Hæc de verbo ad verbum de mente antiquorum, de natura argenti viui, atque de cinapro, necnon & de bonis & malis eorum affectibus volui dixisse.

De

De mundatione argenti viui, vt minorem
membris inferat lesionem.

CAP. XI.

VNaquæque profectò medicina, & quæ
sordida præsertim est & fæculenta, acui-
tatèque non carens, ab extranea, si qua in ea
est, qualitate, penitus mundari debet. Ab ar-
gento igitur viuo omnem sulphureitatem.
omnèmq; plumbeam terreitatem auferri.
ipsūque ab omni imperfectione, præpara-
tione quadam expoliari fas esse iudico, vt
validiorem ab ipso subtiliationem ac pene-
trationem in curandis morbis expectemus,
minorique ipsius dosi eos commodius cura-
re valeamus. Hæc autem mundatio duplici-
ter, sublimatione scilicet, aut aceti lauacro
fieri potest. Non enim eodē modo argentū
viuū sublimatur, vt ab Alchimistis fieri so-
let: sed solū ac impermistū argentū viuum in
vasè vitreo reponatur, bocciaq; desuper tor-
tuosa remittatur: obturatisq; fissuris luto
sapientiæ, lentoque igne calefaciēdo, partes
ipsius subtiles, veluti fumus volādo diuiden-
tur, lateribusq; boccie remittētur. Deposi-
to deinde vase ab igne, iūcturæ ipsæ aperiā-
tur, eaque argēti viui pars, boccie lateribus
coadhærēs, diligēter remoueatur, vsuq; re-
feruetur. Id autem ego matellis vitreis, vt de
boccia dictū est, effeci. Mūdicatur autē &

secundò argētum viuū per aceti latiacrum, vt Geber libro tertio, in patella scilicet vitrea vel lapidea fundatur, acetóque fortissimo cooperiatur, atque lento igne calefiat, digitisque tandiu agitando, donec in partes diuidatur minutissimas, acetúmque euaporatione consumatur: deinde toties cum aceto abluatur, donec terreitatis vestigium non appareat, ac in cœlestem colorem deueniat. Huiusmodi enim argentum viuum eligas: nam mea quidem sententia, vnica istius argenti viui vncia ita depurati, alterius non depurati duabus æquiualeat vnciis.

De artuum dolore morbi Gallici inueterati.

CAP. XII.

Cap. 2. **D**olor, qui tristis est sensatio, vt Galenus de interioribus secundo, facta ab aliquo solvente continuum: qui siue morbus sit materialiter, id est, quandam fixationem habens, & permanentiam suscipiens, siue formaliter accidentis nomen sibi vendicet, in alteratione omnimoda existit, ad quem scilicet sequatur torpor, stupor, dormitatio, congelatióve. Quæ omnia in speciebus omnibus doloris Gallici morbi cōperta esse vidimus: cuius causa medicè loquendo duplex est, Cū Gal. secundo regiminis acutorum, subita scilicet complexionis alteratio & solutio continui. Cū igitur is morbus iam inueterauit,

nec

nec alia illi remedia subuenerint, & auulsa,
quantum fieri potuit, causa morbi & noxio
humore, ligni sancti curatio adhibeatur ad
hunc modum: Cholericus iuuenis vel sangui
neus cibetur tota curatione diata regulari.
Pro eo syrupus fiat tota curatione ex ligni *Ordinatio*
libra vna, aquæ libris duodecim: fiat infusio *aqua.*
per diem naturalem, ferueatque in fictili
vase, donec ad libras quinque redeat deco
ctio, ex qua sumatur semilibra tam mane
quàm vesperi. Aqua secunda in potu ex vi
ginti libris aquæ ad decem redigatur. Phleg
maticus vel melancholicus iuuenis diata re
gulari vtatur tota curatione. Pro eo syrupus
fiat ex libra vna cum dimidia ligni, aquæ
quatuordecim: fiat infusio, redeatque deco
ctio ad libras quinque, sumaturque vtraque
potione semilibra tota curatione. Aqua in
potu fiat ex libris aquæ vigintiquinque, quæ
decoctæ redeant ad quindecim. In sene ea
dem seruanda sunt, præterquam diata resum
ptiua cibari debet. Extrinsecus tamen in de
clinatione curæ, membra malè affecta hoc
vnguento linienda sunt: quod mirum in mo
dum confert. Recipe stœchados Arabicæ, sal *Cerotum.*
uia, iuxæ arthriticæ, betonicæ, perforatæ, cha
mædryos, singulorum manipulū vnum cum
dimidio, radicis acori vnciā vnam: ferueāt
in vino albo aromatico secundum artem, &

colaturæ adde vermiū terrestriū lotorū cū vino albo librā semis, styracis calamitæ cōtusi vncias tres, axūgiæ porci depuratę & sine sale librā vnā, olei laurini, olei anethini, mastichini, olei thuris, spicæ, olei antiqui centū annorū, singulorū vncias tres cū dimidia: olei rosati, butyri recētis, singulorum vncias quatuor: thuris vncias duas, euphorbii vnciā semis: ferueāt lento igne ad vini consumptionē: deinde adde terebinthinæ Venetæ, olei abietis, singulorū vncias duas, lithargyri aurei subtiliter cribrati libram semis, styracis liquidæ vncias duas, theriacæ antiquissimę vnciā vnā, cineris vitis vnciā semis, minii vncias duas & semis, argēti viui colati, vt capituli descriptio exposcit, & extincti cum oleo rosaceo in mortario lapideo vncias duas, cōficiātūrque ex arte, & fiat vnguētū.

De scirrosis tumoribus.

CAP. XIII.

DVrities, quæ ex materia cōtingit melancholica vel aliunde, aliquādo in carne tātū, aliquādo in ossē tantū existit, vel ex his cōposita. Quæ ossuosa est & difficilior vētositas spinæ in potentia denominatur, prout sub forma permanet apostematis, cuius finis est ossis corruptio: quæ tripliciter fieri cōtingit, vt triplex est dimēsiō. Alia nāq; ossis corruptio superficialis tātū, alia profunda tātū,

tum, & quadā superficialis est & profunda simul. Cuius additio vnā ossis partē post aliā corrūpit, vt Auicēna quarta quarti. Cuius si *Tract. 4.* *cap. 2.* gnum est, quod resolutis parubus subtilibus circūferētiarū ossis alterati, asperitas in tactu, & inæqualitas scopulosa sentitur, cute sana existēte ac suā cōtinuitatē seruāte. Necnō & dolor pūgitiuus adest in cōpressionē cum digito, propter ossis asperitatis mordicationē. Cū igitur durities ista inueterauerit, nec alia illi subuenerint remedia, diminuto prius humore noxio & causa ipsi⁹ morbi, curetur per lignū sanctū, vt de artuū dolore morbi Gallici inueterati dictū est: liniātūrq; tuberositates per quindecim dies vnguēto dicto in capite de strumulis seu scrophulis puerorū.

De alguatui curatione.

CAP. XIII.

E Adē est ratio curationis alguatui, prout est separatio contiguitatis ossis integra, secundū locū, & non secundū sitū, à suo naturali loco descendēdo secūdum lōgitudinē mēbri, vt de sclerosi tumoribus dicitur.

De vlcerebus corrosiuis, sordidis, fraudulētis, & ossis corruptione, morbi Gallici inueterati.

CAP. XV.

DE ea propria solutione cōtinui carnosā & saniosa intelligo, prout morbus cōpositus dicitur, in qua vna vel plures dispositiones existūt, quæ vlcerū cōsolidationē impediunt:

pediūt: cuius compositio siue à causa sit, siue ab accidēte, vel à morbo præcedēte, discurrendo per singulas species vlcerū essentiales vel accidētales, quātū fieri poterit, amoueatur à perito chirugo causa illa cōiuncta cauterio actuali vel potētiali, pro corrosionis vel corruptionis exigētia, vel quouis alio instrumēto artis, diminuto semper prius humore noxio, ligni sancti curatio adhibeatur, vt de artuū dolore morbi Gallici inueterati dictum est: & vt vlcerata mēbra curationē suscipiāt certiorē, foveātur liniātūrq; vnguēto dicto cap. septimo huius tertii libri. Quòd si ossis corruptio appareat, abradatur vsq; ad ossa sana, opportunis instrumentis raspatoriis. Nec te terreāt dicta insciorū, dicentiū cum principe, Melius est vt nō festinetur in extractione ossiū violēta. & quę sequūtur. Verba, inquā, Auic. intelligi debēt de illa praua extractione & violēta ossiū vulneris, dilacerando scilicet nervos & venas, & ossis maiorem partē sanā, quā corruptā, dissipando, quę incōgrua dicitur operatio. Quare melius est cū Auic. vbi suprā, corruptiōis ossis curatio, quę est eius fricatio, & ipsius destructio, aut eius abscissio, & ipsi⁹ ferratura. Præstatiōrq; mod⁹, fricatio cū raspatorio dicitur: qua ablata, per lignū sanctū curetur curatione prædicta vlcerū vniuersalibus & particularibus.

De

De vini exhibitione à neote- ricis nuper comperta,

LIBER QVARTVS.

CAP. I.



VM scientiæ atque artes per
additionē augeantur, ac quo
tidie vtilissimarum rerū in-
uentione perfectiores fiant,
ad idque iudicium & studiū
hominis plurimū valeat, propterea mul-
tum operæ curæque ponendum est, quo ea
inuestigari possint, quæ læsis corporibus ali-
qua ex parte profutura sint. Eiusmodi est li-
gnum, quod vocant sanctum, cuius viribus
indagandis insistimus, huicque rei omni stu-
dio operam damus, quāuis eius vires longē
plures sint, quā quisquam dicendo scribē-
dōque consequi possit. Et quoniam experi-
mentū si ratione cōprobetur, ad verā rerum
ipsarū cognitionē nos ducit, non inutile fore
existimauius, si cū vini administratione, li-
gni quoq; decoctionē miscebimus. Cōpertū
est enim multoties, penetrationē efficacius
fieri, ac vinū nō modò ligni huius, sed multo
rū quoq; medicamentorū, tanquā vehiculū
esse. Quamobrē operæ pretiū duxi in calce
huius opusculi pertractare, vtrum vinum an
aqua humanis corporibus magis conferat:
tum

tum si quis ex veteribus medicis in alicuius morbi curatione, vino, in quo simplicia aliqua sint decocta, usus fuerit: præterea vtrum vinū aquæ anteponendū sit, necnō quod vinum sit eligendum: atque alia eius generis, quæ à præsentī materia non fuerint aliena.

Quod curandis morbis vinum conferat, & ab antiquis vsitatum sit. CAP. II.

Medicinæ, quæ tardæ sunt operationis, si in vinū infundātur, vigorem sumunt, acuunturq;. Neq; ab re sapiēs Abinzoart dixit, nec cibū nec medicinā vino vnquā priuari debere. Mesue etiā pro meliori præparatione rheubarbarū molliendū iussit. Ingeniū, inquit, medici sit vt sapor medicinæ in cibariorū gustū cōuertatur: tunc enim natura avidius medicinā amplexabitur: cuiusmodi est vinū. Quapropter nō temere recentiorū nōnulli ægrotis multifariam vinum, in quo simplex aliquod sit decoctum, propinant. Nam sicuti Auicenna 1.1. canone, vinum ex hyperico cōfectum, perforatū vocāt, vel ex chamædry artuū passionibus conferre asserit: sic nonnulli etiam nostrorum temporum docti viri vinū præbent, interdum ex salvia, vel ex enula, vel ex buglossa, vel quod ex rosis, ex ebulis, ex gramine, ex caryophyllis, ex absynthio conficitur, aliāque eius generis quā plurima, quæ laxandi vim habeant.

Nunquid

*Nunquid vinum an aqua magis cōferat: &
quibus agrotantibus præbendum sit.*

CAP. III.

NAm vinum cum primis simile est, calorique innato maximè conuenit in administrandis nutrimentis naturæ hominum: aquam verò corpus nō tolerat, nisi valde sanguineum, vt Auicenna tertia primi. Præterea quis neget vinum sua penetratio- re, spirituumque viuificatione confortatiuum esse? frigiditas enim & siccitas spiritibus eos debilitando aduersantur. Vini verò caliditas roborando non mediocre ipsis affert auxilium. Ad transmittendas autem rerum in eo incorporatarum virtutes, per singula membra cum quadam naturæ delectatione & apprehensione, nec sine vehementi fortitudine qualitates actiuas earum medicinarum, quæ in vino exqualificantur, ad resolutionem preparat, quum sua subtilitate partes adeat longinquas, aquam secum trahens ad membra refrigeratione pariterque humectatione indigentia: & receptiuum est omnis infusionis bonarum qualitatum in rectificatione vt plurimum malarum, cum per eius essentiam ad spiritum habeat conuerti, magisque penetratiuum sit, ac spiritibus proportionatum. Qua de re vbi virtutis imbecillitas, appetitusque deiectio assue-
rint,

rint, agréque vëtricus cōcoquat, vinū eligendū est. Insuper si agrotans phlegmaticæ sit cōplexionis, humórque pituitosus vel melācholicus sit, vel si inueteratā morbus radicē habeat, in his omnibus vinū vtile admodum est. Quòd si cholericæ ac sanguineæ cōplexionis calidiq̃ hepatis fuerit, atq; etiā sanguis vel succus biliosus fortisq̃ habitudinis sit, in tempore præsertim calido, tunc aquæ decoctum, lignūq̃ simpliciter exhibitum, mirum in modum proderit.

Quòd in ligni sancti decoctione cum vino miscenda sint alia simplicia.

CAP. IIII.

Medicæ artis peritis omnibus patet, singulis membris suum esse appropriatum ac determinatum pharmacū: cūmq̃ ab eiusmodi morbi prauitate complura mēbra lædantur, ac vitium contrahant, credibile quidem erit solam ac impermistam ligni sancti decoctionem tot membrorum læsiones adimere non posse. Quare vt ligni sancti virtus ad huiusmodi membra dirigatur, medicinæ membra infecta respicientes commiscendæ sunt, vt ligni sancti virtus ipsarū medicinarum suffragio, validius salubriusq̃ suas imprimat vires, digerendo scilicet, mundificando, resoluendo, confortando & desiccando, vt decet, morbum.

Quod

Quod vinum eligendum sit.

CAP. V.

CVm diuersæ operationis sit vinum, diuersarumque qualitatum: infrigidata enim corpora senum & iuuenum calefacit, calefactaque infrigidat, exiccata humectat, & humectata exiccat: eiusmodi eligendum erit, quale mox dicam. Anni vnus vinum, frigidum est & humidum. Vetus verò, quod à quarto in septimum transcendit annum, calidum & siccum in tertio reponitur gradu. Inter hæc autem medium calidum est & siccum temperatè: & huiusmodi quidem vinū cholera nigrā sua calefactione & humectatione temperat, & præsertim si secundū non excedat annum. Resistit etiam melancholicis à tota specie, calefactisque non obest. Vinū, inquit Auicenna, album & subtile calefactis confert: capitis enim dolorē non efficit. Id præterea vinum cholera abundantibus rubea melius est, eo quòd cholera rubeam vrinam prouocando expellit: & humidis, eò quòd humiditates maturat. Huiusmodi etiā vinum non modò naturalem calorem cōfortando iuuat, verū etiam turbidi sanguinis claritatem reducit. Quamobrem album & subtile eligatur, ætate quidem medium, colore verò purum ac lucidum, odore verò suauē, in gustu non aquosum omnino, nec ali-

L.

quam vehementem ostendens qualitatem stypticam vel amarā vel dulcem. Quod si morbus frigidus est & antiquus, corpusque frigidum, ac oppilationibus malè affectum, & maiori penetratione ac incisione indigens, tunc vetus vinum eligatur.

*De vini preparatione, & regulis
in ea observandis.*

CAP. VI.

EAdem quoque ratione vini præparatio canonicè conficienda est, ut de decoctionis exhibitione diximus: eamque in omnibus seriem observabis. vnum enim pharmacum omnibus nequaquam convenire potest. Qua de re cum vini decoctionem præbere institues, decoctionis ligni sancti aquam, illiusque morbi curationem & capitulum à capite ad pedes inuenies, ac illius aquæ & ligni graduationem, quam ibi descripsimus, exequere. in fine cocturæ opportunas medicinas artèq; decoctas, ac pro illius morbi & membri læsi exigentia adhibebis, ut exemplariter illas diuissim connumerabo in secunda consideratione. Hoc autem peracto, in vase fictili vitreato ligni abradi libram pones, ibique vini albi clari libras decem iniicies: quibus mistis decoctionem prædictam pro morbi & indiuidualis complexionis exigentia, partibus æqualibus cum vini quantitate calidā, ut ab igne defers, adicies: factaque

factaque mistura nec aliter ferueant, sed per diem naturalem infusio fiat, & colaturam vsui reserua in curatione, pro syrupo scilicet mane & vesperi, & pro potu in prandio & in cœna. remissa enim decoctionis caliditas, ipsorumque ligni & aquæ, iam tēperata graduatio igneas vini, si quæ sunt, qualitates extinguet, ne humanis calidæ cōplexionis corporibus obsit. Et vt lucidior tyronibus doctrina sit, sequētes ponūtur considerationes.

Consideratio prima est, quod in vini assumptione, in qualibet decoctione corticis ligni sancti subtiliter cribellati, quatuor adhibeantur vnciæ, ac simul cū ligni sancti dosi adnotata ferueat, vt capituli descriptio exposcit.

Secunda. Quod si hepatis vitium in causa morbi sit calidū, simplicia eius caliditatem adimentia eliges, endiuia scilicet, cichoream, fumum terræ, santalos omnes, & id genus eligendos, eaque in fine cocturæ semper appones: & si aliqua obesset oppilatio, aperitiua eodem modo adhibeantur.

Si autem cerebri læsio frigiditatisque mala affectio adsit, stœchas Arabica, vel non Arabica, betonica, & huiusmodi calida frigidæque pro morbi exigentia apponantur.

Quod si iuncturæ dolore, vel aliqua habentur duritie, iua arthritica, radix acori, stœchados ac perforata adhibeantur.

Si verò præcordia malè affecta sint, buglossa, borago, ipsarumq; radices, enula campana, scabiosa, & id genus, in fine cocturæ sunt admiscendæ decoquenda que, deinde ipsa decoctio in vino prædicto iniiciatur.

Tertia. In qualibet vini præparatione, in morbo quolibet Gallico, præsertim curando ob sui antiquam contagionem cardui benedicti manipulus, cum reliquis simplicibus membra confortantibus infecta, addatur.

Quarta. In vnaquaque ipsius vini administratione suprâ dictæ decoctionis eadem sit dosis cum vini quantitate.

Quinta. Quòd in ipsius vini exhibitione morbi nō vniformiter in eodē tēporis spatium curatur: quidā enim quindecim aut viginti dierū spatiū exigunt, nonnulli quadraginta inclusivè, multi etiā spatium hoc transcendunt. Huiusmodi autem diuersitas contingit iuxta morborū qualitates: multum enim interest, utrū morbus calidus vel frigidus sit, antiquus vel recēs. Pariq; modo cōsideranda sunt ea corpora, quæ mediocriter se habēt.

Sexta. Quòd in hac vini assumptione tempus purū ac temperatū est eligendū. Ver quidem optimū erit: huicque proximus est autumnus. Aestas enim nimis calefacit. Hyems nullā admittit penetrationem. minor itaque operatio & in æstate & hyeme expectatur.

Septima.

Septima. Quòd diata semper vtatur re-
sumptiua, cùm vini caliditas innatū exciter
calorē, eiusque digestio celerior, ac penetra-
tio velocior efficiatur, humiditatibúsque re-
sistat, nec aliter cibū appetes: isto nāq; cura-
tionis modo carne vesceris mane & vesperi.

Octaua. Quòd si aëri eger exponatur, in-
commodum aliquod non subsequitur, vt in
decocti assumptione cōtingit, cùm vini præ-
sentia vnicuique putrefactioni extrinsecē re-
sistere videatur, cuius præsidio sudandi mo-
lestiam perpeti non cogeris, ad peragendā-
que negotia tutius libentiúsque te cōmittes.

Nona. Si hora cibi & potus ager huius-
modi vinum abhorreat, ob medicinarum di-
uersarum commistionem, sic confectam de-
coctionem, aliās syrupū, per lambycchum
æreum distilla, distillatiōque cum vino albo
partibus æqualibus commisceatur, vsuque
hora cibi & potus reseruetur. Si verò pau-
per ac egens fuerit ager, aquam secundam
pro capituli descriptione absq; aliis medici-
nis administres, eamque vino partibus æqua-
libus commiscebis. Et hoc quidem vinum
ager ab aliis penitus, liquoribus se abstinere
do, hora cibi, & potus bibat.

Decima suppositio est. Si verò cholericus
vel sanguineus fuerit ager, & ob eius ventri-
culi imbecillitatem huiusmodi vinum exhi-

bendū est, in vna tantū parte vini quinque decoctionis ligni sancti partes commisceantur, idēque fiat in morbo Gallico recenti.

Vndecima. Quòd in principio exhibitionis vini mēbra dolore tuberculis nodositatibusque affecta, præcipuè vini prædicti decoctione epithemāda sunt assiduè: sin autem epithematio non conferat, in statu curæ dolores lenire, membræque malè affecta nostræ descriptionis vnguento inungere poteris, in capitulo de artuū doloribus enarrato. Vlcera quoq; vnguento mercuriali curare tutissimè poteris, vt de prauis vlceribus dictū fuit.

Duodecima. Quòd in vini assumptione humor qualibet hebdomada, vt expedit morbo & ægrotanti, minorandus est, bisque die syrupū capiat, mane scilicet semilibram, calidum, tantundēque vesperi quatuor horas ante cibum, eadēque hora in lecto quiescat, sudorēque obseruet, vt suprà de decoctione dictum fuit.

Decimatertia. Quòd si in vini exhibitione aluū ducere volueris, in decoctione cū aliis medicinis Damascena pruna decē numero iniiciantur vnā cū folliculorū senæ ac polypodii quercini, singulorū semiuncia: quæ omnia morbi præsertim Gallici curationi perniciosi nō aduersantur. Colocynthidē autē, agaricū ac dacrydiū, & id genus, non commisceas

ſceas, vt ignari ab omnique veritate deuū cum magno ægrotantium periculo faciunt.

Decimaquarta ſuppoſitio eſt. Quòd ſi in declinatione curæ Socratis, præſertim ſanguineæ complexionis, hepar ob vini exhibitionem nimis calefactum eſſet, ipſius hepatis venæ vel hæmorrhoidum incifio fiat.

Decimaquinta. Quòd ſi aliquando morbus vnica decoctionis viniq; exhibitione curationē non ſuſcipit, huius quidem cauſa eſt, quoniā nonnullæ ſunt medicinae calide, quarum caliditas ab alicuius ægri tudinis frigidityate minoratur, quare penitus in eā nō agit: & quandoq; cū in aliqua inſrigidatione adminiſtratur, leuiorē illa inducit calefactionem. Et quoniā in debiliori iam expertū eſt prius, proceſſioq; ſecundum gradus paulatim facta fuit, medicinae virtus cognita eſt: quare frequens vini atque decoctionis reiterationo fiat, donec praua morbi qualitas adimatur, ac à medicina morbus ſuperetur. Nec dubites ſi huiusmodi medicina interdū refrigerare, nunc verò calefacere oporteat, cū iſta inter ſe ad inuicem contrarientur: medicina enim, inquit Auicenna, in duobus contrariis experta, alteri eorum per ſe, alteri verò per accidens confert, vel alicuius eorum complexionis contraria non exiſtit.

Et ne aliquid contingat erroris, exēplum

habes practicū. Si enim Socrates capitis artuumque dolore affectus fuerit, & vlceribus insuper maleficis atq; ossis corruptione, nodosisq; tuberculis crucietur, siue dolore ischiadico vel podagrico, eradicata causa antecedente, vt conuenit morbo, prauaq; vlcerum dispositione semota, atq; ossis corruptione, hac serie ad ipsius vini decoctionē accedendum est: In vase scilicet fictilis ligni abrafi libram vnā cum dimidia, ac eiusdem corticis subtiliter cribellati quatuor vncias, ac aquæ libras duodecim apponito. Lentóq; igne ferueant ad quatuor librarū consumptionem. Exinde verò betonicam, iuam arthriticam, carduum benedictum, stœchados, hypericon, singulorum manipulum, radices acori vnciam semis adhibebis, ferueantque ad vnius libræ aquæ consumptionē. Deinde in fictili vase ac nouo iniiciantur, in quo ligni abrafi libra, viniq; albi optimi libræ septem: factaque mistura vase obturato per diem infundantur. Et facta colatura per lineum pannum strictum, patiēti mane ac sero phlegmatico vel melancholico semilibra pro syrupo tribuatur, & hora cibi & potus. In cholerico verò & sanguineo ligni decoctio adhibeatur, vt in capitulo de artuum dolore morbi Gallici inueterati dictum est.

F I N I S.

Ad milites Cupidinis.

*Sustulerat quondam Veneris solatia quædam
Inuisa, immanis, pernicioſa lues.
Quam vocat Hispanus Gallã, quã Gallus Iberã,
Imperium toto quæ tamen orbe tenet.
Sensit Arabs, sensuque Geta extremusq; Britãnus.
Hanc scabiem, sensit qui tua furta Venus.
Non puero parcensve seni, te fœmina læsit,
Fœmina, quam minimum lædere, grãde nefas.
Et iuuenile decus nullo prohibente peribat,
Cũmque suo nato est penè relicta Venus.
Ante oculos cernebat amans sua gaudia, quæ vix
Audebat timida sollicitare manu.
Sic sua lugebant miseri solatia amantes,
Donec quæ morbum, pharmaca terra dedit.
En tibi iam præsens medicina, Neapolis olim
Quæ peperit morbum, nunc tibi promit opem.
Hoc sancto ligno certa, pugnãmque capeſſe,
Ereclãmque hastam miles in arma tene.*

² Hieronymi Fracastorii
Syphilis, siue morbus Gallicus,

AD PETRUM BEMBVM.



Vi casus rerum vari, quæ semina
morbum

Insuetum, nec longa vlli per secu-
la visum

Attulerint: nostra qui tempestate
per omnem

Europam, partimque Asiæ, Libyæq; per vrbes
Seuitt: in Latium verò per tristia bella
Gallorum irrupit, noménque à gente recepit:
Nec non & quæ cura, & opus quid comperit vsus,
Magnaque in angustis hominum solertia rebus,
Et monstrata deum auxilia, & data munera cæli,
Hinc canere, & longè secretas quærere causas
Aera per liquidum, & vasti per sydera Olympi
Incipiam, dulci quando nominatis amore
Correptum, placidi naturæ suauibus horti
Floribus inuitant, & amantes mira Camœnæ.

Bembe decus clarum Ausonia, si forè vacare
Consultis Leo te à magnis paulisper, & alta
Rerum mole finit, totum qua sustinet orbem:
Et inuat ad dulces paulùm secedere Musas:
Ne nostros contemne orsus, modicumque laborem,
Quicquid id est, deus hæc quodã dignatur Apollo ē:
Et paruis quoque rebus inest sua sepe voluptas.
Scilicet hac tenui rerum sub imagine multum

Naturæ,

Natura, satique subest, & grandis origo.
Tu mihi, quæ rerum causas, quæ sydera noctis
Et cœli effectus varios, atque aeris oras,
Vrame, (sic dum puto spatiaris Olympo,
Metirisque vagi lucentes ætheris ignes,
Conceniunt tibi diuino cita sydera plaudant)
Ipsa ades, & mecum placidas Dea lude per umbras,
Dum tenues aure, dum myrtea sylua canenti
Aspirat, resonatque canis Benacus ab antris.
Dic Dea, quæ causæ nobis post secula tanta
Insolitam peperere luem? num tempore ab illo
Vecta mari occiduo, nostrum peruenit in orbem,
Ex quo lecta manus soluens de littore Ibero
Ausâ fretum tentare, vagique incognita ponti est
Aequora, & orbe alio positas perquirere terras?
Illic nanque ferunt æterna labe per omnes
Id morbi regnare vrbes, passimque vagari
Perpetuo cœli vitio, atque ignorare paucis.
Commerci ne igitur causa accessisse putandum est
Delatam contagem ad nos: quæ parua sub ipsis
Principijs, mox & vires & pabula sensim
Suscipiens, sese in terras diffuderit omnes?
Vt sæpe in stipulas cecidit, quum fortè fauilla
De face, neglectam pastor quam liquit in aruo.
Illa quidem tenuit primum, similisque moranti
Incedit: mox ut paulatim increuit eundo,
Tollitur, & victrix messem populatur & agros,
Victimamq; nemus flammâsque sub æthera iactat,
Dat sonitum longè, crepitant Iouis anxia sylua.

Et

Et coelum latè circum, campique relucet.

At verò si ritè fidem observata merentur,
Non ita censendum: nec certè credere par est
Esse peregrinam nobis, trānsque æquora vectam
Contagem: quoniam in primis ostendere multos
Possumus, attactu qui nullius hanc tamen ipsam
Sponte sua sensere luem, primique tulere.

Præterea & tantum terrarum tempore paruo
Contages non vna simul potuisset obire.

Aspice per Latij populos, quique herbida Sagra
Pascua, & Ausonios saltus, & Iapygis oræ
Arua colunt: spectata Tyberis qualabatur, & qua
Eridanus centum fluvius comitatus in æquor,
Centum vrbes rigat, & placidis interfluit undis.

Vno nonne vides vt tempore pestis in omnes
Seuigit? vt sortem pariter transegimus vnā?

Quinetiam externos eadem per tempora primum
Excepisse ferunt, nec eam cognouit Ibera

Gens prius, ignotumque scindere puppibus æquor
Ausafuit, quam quos disterninat alta Pyrene,
Atq; freta, atq; Alpes cingunt, Rhenuisque bicornis,
Quam reliqui, quos lata tenet gelida ora sub arcto
Tempore non alto Pœni sensistis, & omnes

Qui latam Aegyptum meritis, fecundaque Nilo
Arua, & palmiferæ sylvas tondetis Idumes:

Quæ quum sic habeant sese, nempe altius isti
Principium labi, rerumque latentior ordo

(Ni fallor) grauior que subest, & maior origo.

Principio quæque in terris, quæq; æthere in alto

Atque

Atque mari in magno. Natura educit in auras,
 Cuncta quidem nec sorte una, nec legibus ipsis
 Proueniunt: sed enim quorum primordia constant
 E paucis, crebro ac passim pars magna creantur.
 Rarius est alia apparent, & non nisi certis
 Temporibusve, locisve, quibus violentior ortus,
 Et longè sita principia: ac nonnulla, prius quàm
 Erumpant tenebris, & opaco carcere noctis,
 Mille trahunt annos, spatiosaque secula poscunt.
 Tanta vi coeunt genitalia semina in vnum.
 Ergo & morborum quoniam non omnibus una
 Nascendi est ratio, facilis pars maxima visu est,
 Et faciles ortus habet, & primordia præsto.
 Rarius emergunt alij, & post tempore longo
 Difficiles causas, & inextricabile fatum,
 Et sero potuere altas superare tenebras.
 Sic Elephas sacer Ausonijs incognitus oris,
 Sic Lichen latuere diu, quibus incola Nili
 Genstantum, regioque omnis vicina laborat.
 De genere hoc est dira lues, quæ nuper in auras
 Exijt, & tandem sese caligine ab atra
 Exemit, duròsque ortus, & vincula rupit.
 Quam tamen (æternum quoniam dilabitur æuum)
 Non semel in terris visam, sed sæpe fuisse,
 Ducendum est, quanquam nobis nec nomine nota
 Hactenus illa fuit: quoniam longæva vetustas
 Cuncta situ inuoluens, & res, & nomina delet:
 Nec monumenta patrum feri videre nepotes.
 Oceano tamen in magno sub sole cadente,

Qua

Qui misera inuentum nuper gens accolit orbem,
 Passim oritur, nullisq; locus nō cognita vulgo est.
 Vsq;ne ad cō rerum causæ, atque exordia prima,
 Et cœlo variare, & longo tempore possunt.
 Quodque illic fert sponte aer, & idonea tellus,
 Huc tandem amorum nobis longa attulit ætas.
 Cuius fortè suo si cunctas ordine causis
 Nosse cupis, magni primū circumspice mundi
 Quantum hoc infecit vinum, quot adiuerit vrbes.
 Quāque animaduertas, tam vastæ semina labis
 Esse nec in terræ gremio, nec in æquore posse,
 Haud dubiè tecum statuas, reputesque necesse est,
 Principium, sedemque mali consistere in ipso
 Aere, qui terras circum diffunditur omnes,
 Qui nobis sese insinuat per corpora vbique,
 Suetus & has generi viuendum immittere pestes.
 Aer quippe pater rerum est, & originis author,
 Idem sæpe graues morbos mortalibus affert,
 Multimodè natus tabescere corpore molli,
 Et facile affectus capere, atque inferre receptos.
 Nunc verò quoniam ille modo contagia traxit,
 Accipe: quid mutare queant labentia secla.

In primis tum sol rutilus, tum sydera cuncta
 Tellurem, liquidasque auras, atque æquora ponti
 Immutant, agitantque: vique ipso sydera cœlo
 Mutauere vicem & sedes liquore priores,
 Sic elementa modis varijs se grandia vertunt.
 Aspice vt hybernus rapidos vbi flexit in Austrum
 Phœbus equos, nstrūque videt depressior orbē,

Bruma

Bruma riget, duratque gelu spargitque pruina
Tellurem, & gelida glacie vaga flumina sistit.
Idem ubi nos Cancro propior spectauit ab alto,
Vrit agros, arent nemora, & sitientia prata,
Siccæque puluereis aestas squallescit in aruis.
Nec dubium, quin & noctis nitor, aurea Luna,
Quin maria alta, omnis cui rerū obiēperat humor:
Quin & Saturni graue sydus, & equior orbi
Stella Iouis, quin pulchra Venusq; & Marti⁹ ignis
Ac reliqua astra etiā mutent elemēta, trahantque
Perpetuum, & latè magnos dent undique motus,
Præcipuè sedem si quando plurima in vnā
Conuenere, suo vel multūm deuia cursu,
Longè alias tenuere vias. hæc scilicet annis
Pluribus, & rapidi post multa volumina cœli
Eueniunt, Dijs fata modis voluentibus: istis.
Ut verò euenisse datum est, numerūque diēsque
Exegere suos, præfixæque tempora fati:
Proh quanta Acrios tractus, salsa æquora quanta,
Tellurēque manent alibi quippe omnia latè
Cogentur spatia in nubes: cœlum imbribus omne
Solue:ur, summisque voluti montibus amnes
Præcipites secum sylvas, secum aspera saxa,
Secū armēta trahent: medius pater impete magno
Aut Padus, aut Gæges sup & nemora alta, domosq;
Turbidus æquabit pelago freta lata sonante,
Aestates alibi magnæ condentur, & ipsæ
Flumina speluncis flebunt arentia Nymphæ,
Aut venti cuncta inuertent, aut obice clausi
Excutient

Excutient tellurem imam, & cum turribus vrbes.
 Forsitan & tempus veniet, poscentibus olim
 Natura fatisque Deum, quum non modò tellus
 Nunc culta, aut obducta mari, aut deserta iacebit,
 Verum etiam sol ipse, nouum (quis credere possit)
 Curreret iter, sua nec per tempora diffluet annus.
 Ast insueti æstus, insuetæque frigora Mundo
 Insurgent, & certa dies animalia terris
 Monstrabit. noua, nascentur pecudésque ferae que
 Sponte sua, primæque animas ab origine sument.
 Forsitan & maiora audens producere tellus
 Cœumque Enceladumque; feret, magnūque Typhoea
 Ausuros patrio superos detrudere cœlo,
 Conuulsūque Ossam nemoroso imponere Olympo,
 Quæ quum perspicias, nihil est cur tempore certo
 Admirere, nouis magnum marcescere morbis
 Aera, contagésque nouas viuentibus ægris
 Sydere sub certo fieri, & per secula longa.

Bis centum fluxere anni, quum flammea Marte
 Lumina Saturno tristi immiscente, per omnes
 Auroræ populos, per quæ rigat æquora Ganges,
 Insolita exarsit febris, quæ pectore anhelò
 Sanguineum sputum exagitans (miserabile visu)
 Quarta luce frequens fato perdebat acerbo.
 Illa eadem Assyriæ gentes, & Persidos, & quæ
 Euphratem, Tigrimque bibunt, post tēpore paruo
 Corripuit, ditésque Arabas, mollémque Canopum:
 Inde Phrygas, inde & miserū trans æquora vecta
 Infecit Latium, atque Europa seuit omni.

Ergo

Ergo age iam mecum, semper sese æthera circū
 Voluentem, superumq; domos, ardentiaq; astra
 Cōtemplare, animumq; agitans per cūcta, require
 Quis status illorum fuerit, quæ signa dedere
 Sydera, quid nostris cœlum portenderit annus:
 Hinc etenim tibi fortè nouæ contagis origo
 Omnis, & euentus tanti via prima patefcet.
 Aspice candentes magni qua Cancer Olympi
 Excubat ante fores, & brachia pandit aperta,
 Hinc diræ facies, hinc se diuersa malorum
 Ostendent portenta: vna hac sub parte videbis
 Magna coisse simul radijs ardentibus astra,
 Et coniecturas sparsisse per aëra flammæ:
 Flammæ, quas longè tumultu Sirenis ab alto
 Prospiciens senior vates, quem diæ per omnes
 Cœlicolumq; domos duxit, docuitq; futura
 Vranæ: miseræ, inquit, defendite terras
 O superi, insolitam video per inania ferri
 Illuicem, & magnos cœli tabescere tractus.
 Bella etiam Europæ miseræ, bella impia, & agros
 Ausoniæ passim currentes sanguine cerno.
 Dixit, & illa etiam scriptis ventura notauit.
 Mos superum est, vbi seclæ vagus sol certa peregit,
 Ab Ioue decerni fata, & cuncta ordine pandi,
 Quæcunque euentura manent terrasq; polumq;
 Quod tempus quum iam nostris venietibus annis
 Instaret, rerum summus sator, & superum rex
 Iuppiter, acciri socios in rebus agendis
 Saturnum, Martemq; iubet, bipotentia Cancer

Limina portarum reseat, dūsque atria pandit.
 Conueniunt quibus est fatorum cura gerenda.
 Impiger ante alios flammis ferroque coruscans
 Bellipotens Manors, animus qui praelia & arma,
 Vindictaeque manent, & ouantes sanguine cedes.
 Post placidus curru inuectus rex Iuppiter aureo.
 Insequitur (ni fata obstant) pater omnibus equus.
 Postremus, longaque via tardatus & annis,
 Falcifer accedit senior, qui haud inmemor irae
 In natum veteris, nato & parere recusans,
 Saepe etiam cessit retro, & vestigia torsit,
 Multa minās, multūque animo indignatus iniquo.
 Iuppiter at solio ex alto, quo se solet vno
 Tollere, percenset fata, & ventura resoluit,
 Multum infelicis miserans incommoda terrae,
 Bellaque, fortunāsque virum, casusque rerum
 Imperia, & praedas, ad aperta limina morti,
 In primis ignota noui contagia morbi:
 Morbi, qui humane nulla mansuescat opis vi.
 Assensere dei reliqui, concussus Olympus
 Intremuit, tactusque nouis defluxibus æther.
 Paulatim aërii tractus, & inania lata
 Accepere luem, vacuāsque insuetus in auras
 Macor igit, cælumque tulit contagia in omne.
 Sive quod ardenti tot concurrentibus astris
 Cum sole, è pelago multos terraque vapores
 Traxerit ignea vis, qui misti tenuibus auris
 Correptique nouo vitio, contagia visis
 Perrara attulerint aliud sive æthere ab alto
 Demissum, latè aërias corruerit oras.

Quāquā animi haud fallor, quid agat, quove ordine
Dicere, & iunctis certas perquirere causas (cœli
Difficile esse, adeò interdum per tempora longa
Effectus trahit, interdum (quod fallere possit)
Miscentur fors, & varij per singula casus.
Nunc agè non id te lateas, super omnia mirans
Naturam, & longè variam contagibus esse.
Solis nam sepe arboribus fit noxius aer,
Et tenerum germen, struuntque infecit honorem,
Interdum segetem, & sata læta, annique labores,
Corripuit, scabraque iussit rubigine culmos,
Et vitata parens produxit semina tellus,
Interdum pœnas animalia sola dedere,
Aut multa, aut certa ex ipsis, memini ipse malignā
Luxuriam vidisse animi, multoque madentem
Autumnū perflatum Austro, quo perditus omnis
Caprigenū genus è cunctis animantibus unum
Corruit, à stabulis lætas ad pabula pastor
Ducebat: tum fortè alta securus in umbra
Dum caneret, tenuique gregem mulceret avena,
Ecce aliquam tussis subito irrequieta tenebat,
Nec longè mora mortis erat: nanque acta repente
Circum præcipiti lapsu, reuolvensque supremam
Ore animam, socias inter moribunda cadebat.
Vere autem (dictū mirum) atque æstate sequenti
Infirmas pecudes, balantūque horrida vulgus
Pestis febre mala miserum penè abstulit omne.
Vsq̃ adeò varia affecti sumi semina cœli,
Et variæ rerum species, numerusque vicissim.

Inter mota subest, interq; mouentia certus.
Nónne vides, quauis oculi sint pectore anheló
Expositi, mollesq; magis, non attamen ipsos
Carpere tabem oculos, sed sese immergere in imú
Pulmonem? & pomis quinquam sit mollior vna,
Non tamen ijs vitiatur, at ipsa liuet ab vna.
Nempe alibi vires, alibi sua pabula desunt:
Ast alibi mora certa, nec ipsa foramina multum
Non faciunt, hinc densa nimis, nimis inde soluta.

Ergo contagum quoniam natura genusq;
Tam variú est, & multa modis sunt semina miris,
Contemplator & hanc, cuius coelestis origo est:
Quæ, sicut desueta, ita mira erupit in auras,
Illa quidem non muta maris, turbamq; natantum,
Non volucres, non bruta altis errantia syluis,
Non armenta bouum, pecudésve, armētáve equorú
Infecit, sed mente ingens ex omnibus vnum
Humanum genus, & nostros est pasta sub artus.
Porro homine è toto, quod in ipso sanguine crassum
Et sordens lentore foret, foedissima primum
Corripuit, sese pascens vligine pingui:
Tali se morbus ratione & sanguis habebant.
Nunc ego te affectus omnes, & signa docebo
Contagis miseræ: atque vti nam concedere tantum
Musa queat, tantumq; velit defendere Apollo,
Tempora qui longa euoluit, cui carmina curæ,
Hæc multas monumenta dies vt nostra supersint.
Fortè etenim nostros olim legisse nepotes,
Et signa & faciem pestis nouisse, iuuabit.

Nanq;

Nanq; iterum, quum fata dabunt, labētib; annis
Tempus erit quum nocte atra sopita iacebit
Interitu data: mox iterum post secula longa
Illa eadem exurget, cœlumq; aurasq; remisit,
Atque iterum ventura illam mirabitur ætas.

In primis mirum illud erat, quòd labe recepta,
Sæpe tamen quater ipsa suum compleuerat orbem
Luna prius, quàm signa satis manifesta darentur.
Scilicet ex templo non sese prodit apertè,
Vt semel est excepta intus, sed tempore certo
Delitet, & sensim vires per pabula captat.
Interea tamen insolito torpore grauati,
Sponteq; languentes animis, & munera obibant
Aegrius, & toto segnes se corpore agebant.
Ille etiam suus ex oculis vigor, & suus ore
Deiectus color haud leta de fronte cadebat.
Paulatim caries fœdis enata pudendis
Hinc atq; hinc inuicta locos, aut inguen edebat.
Tum manifesta magis vitii se prodere signa.
Nam simul ac puræ fugiens lux alma diei
Cesserat, & noctis tristes induxerat umbras,
Innatusq; calor noctu petere intima suetus,
Liquerat extremum corpus, nec membra fouebat
Obsita mole pigra humorum: tum vellier artus
Brachiaq; scapulaq; graui suraq; dolore:
Quippe vbi per cunctas ierant contagia venas
Humoresq; ipsos, & nutrimenta futura
Polluerant, Natura malum secernere sueta
Infectam partem pellebat corpore ab omni

Exterius, verum crasso quia corpore tarda
Hæc erat, & lentore tenax, multa inter eundem
Hærebat membris exanguibas, atque lacertis:
Inde graues dabat articulis extenta dolores:
Parte tamen leuiore, magisque erumpere nata,
Summa cutis pulsa, & membrorum extrema petebat.
Protinus informes totum per corpus achores
Rumpebant, faciemque horrendam, & pectora fœdè
Turpabant: species morbi noua, pustula summæ
Glandis ad effigiem, & pituita marcida pingui:
Tempore quæ multo non potest ad aperta dehiscens,
Mucosa multum sanie, taboque fluebat.
Quænetiam erodens altè, & se funditus abdens
Corpora pascebat miserè: nam sæpius ipsi
Carne sua exutos artus squallentiæque ossa
Vidimus, & fœdo rosea ora dehiscere hiatus,
Ora, atque exiles reddentia guttura voces.
Tum sæpe, aut cerasis, aut Phyllidis arbore tristi,
Vidisti pinguem ex vdis manare liquorem
Corticibus, mox in lentum durefcere gummi:
Haud secus ac sub labe solet per corpora mucor
Diffluere: hinc demum in turpè concrefcere callus.
Vnde aliquis ver ætatis, pulchrâque iuuentam
Suspirans, & membra oculis deformia toruis
Prospiciens, fœdusque artus, turgentiæque ora,
Sæpe Deos, sæpe astra miser crudelia dixit.
Interea dulces somnos, noctisque soporem
Omnia per terras animalia fessa trahebant:
Illis nulla quies aderat, sopor omnis in auras
Fugerat:

Fugerat: ÿs oriens ingrata Aurora rubebat:
Iis inimica dies, inimicâque noctis imago.
Nulla Ceres illos, Bacchi non vlla iuuabant
Munera, non dulces epulæ, non copia rerum,
Non vrbis, non ruris opes, non vlla voluptas,
Quamuis sæpe amnes nitidos, iucundâque tempe,
Et placidas summis quæssissent montibus auras.
Dys etiam sparsæq; preces, incensâque templis
Thura, & diuitibus decorata altaria donis,
Dij nullas audire preces, donisve moueri.
Ipse ego Canomanû memini qua pinguia diues
Pascua Sebina præterfluit Ollius vnda,
Vidisse insignem iuuenem, quo clarior alter
Non fuit, Ansonia nec fortunatior omni:
Vix pubescentis florebat vere iuuentæ,
Diuitis, proauisq; potens, & corpore pulchro:
Cui studia, aut pernicis equi compescere cursum,
Aut galeâ induere, & pictis splendescere in armis,
Aut iuvenile graui corpus durare palastra,
Venatûque feras agere, & præuerrere ceruos:
Illum omnes Ollique Deæ, Eridanique puellæ,
Optarunt, nemorumque Deæ, rurisq; puellæ,
Omnes optatos suspirauere hymenæos.
Forsan & vltiores superos neglecta vocauit
Nō nequicquā aliqua, & votis pia numina mouit:
Nam nimium fidentem animis, nec tanta timentē
Inuasit miserum labes, qua senior vsquam
Nulla fuit, nulla vnquam alijs spectabitur annis.
Paulatim ver id nitidum, flos ille iuuentæ

Disperijt vis illa animi: tum squallida tabes
 Arius (horrendum) miseros obduxit, & aliè
 Grandia iurgebant fœdis abscessibus ossa.
 Ulcera (proh diuûm pietatem) informia pulchros
 Pascebant oculos, & diæ lucis, amorem,
 Pascebantq; acri corrosas vulnere nares,
 Illum Alpes vicinæ, illum vaga flumina flerunt,
 Illum omnes Olliq; Deæ Eridaniq; puellæ,
 Fleuerunt, nemorumq; Deæ, rurisq; puellæ,
 Sebinusq; alto gemitum lacus edidit amne.

Ergo hanc per miseris terras Saturnus agebat
 Pestem atrox: nec sena minus crudelis & ipse
 Miscebat Maiores, coniunctaq; fata ferebat.

Qui ppe lue hac nascete, putem simul omnia diras
 Eumenidas cecinisse fera & crudelia nobis.
 Tartareos etiam barathro (dira omina) ab imo
 Excussisse lacus, Stygiæque ab sede laborem,
 Pestemque, horribilemque famẽ, bellũq; necẽmq;.

Dij p utrũ, quorum Ausonia est sub numine, tuq;
 Tuo Latij Saturne pater, quid gens tua tantum
 Est merita? an quicquã superest dirique grauiſq;
 Quod sit inexhaustum nobis? ecquod genus vsquã
 Auerſum vsque adeo cœlum tulit? ipsa labores
 Perthenope dic prima tuos, dic funera regum
 Et spolia, & prædas, captiuãque colla tuorum:
 An stragem infandam memorẽ, sparsũmq; cruorẽ
 Gallorumque, Italũque pari discrimine, quũ iã
 Sanguineũ, & defuncta virũ, defunctaq; equorũ
 Corpora voluentẽ, cristasque atq; arma trahẽtem

Erida

Eridanus pater acciperet rapido agmine Taurū?
 Te quoque spumantē, & nostrorū cæde tumentem
 Abdua, non multo pōst tempore, te pater idem
 Eridanus gremio infelix suscepit, & altum
 Indoluit tecum, & fluuiο solatus amico est.

Ausonia infelix, en quò discordia priscam
 Virtutem, & Mundi imperium perduxit auitum.
 Angulus en ne tui est aliquis, qui barbara non sit
 Seruitia, & prædas, & tristia funera passus?
 Dicite vos, nullos soliti sentire tumultus,
 Vitiferi colles, qua flumine pulcher amano
 Erethenus fluit, & plenis lapsurus in æquor
 Cornubus, Euganeis properat se iungere lymphis.

O patria, ô longum felix, longūque quieta
 Ante alias patria, ô diuū sanctissima tellus,
 Diues opum, fecunda viris, lætissima campis
 Vberibus, rapidoque Athesi, & Benacide lymphæ,
 Aerumnas memorare tuas, summamque malorū
 Quis queat? & dictis nostros æquare dolores,
 Et turpes ignominias, & barbara iussa?
 Abde caput Benace, tuo & te conde sub amne,
 Victrices nec iam Deus interlabere Lauros.

En etiam, ceu nos agerent crudelia nulla,
 Nec lacrymæ, planctusve forent, en dura tot inter,
 Spes Laty, spes & studiorum, & Palladis illa
 Occidit: ereptum Musarum è dulcibus vlnis
 Te miserum ante diem crudeli funere Marce
 Antoni, ætatis primo sub flore cadentem
 Vidimus extrema positum Benacide ripa,

Quā media inter saxa sonās Sarca abluit vnda.
 Te ripæ fleuere Athēsis, te voce vocare
 Audite per noctem vmbra, manēsque Catulli,
 Et patrios mulcere noua dulcedine lucos.

Tempestate illa Ausoniam rex Gallus optimam
 Verteabat bello, & Ligurem ditione premebat.
 Parte alia Cæsar ferro superabat & igni
 Euganeos, placidūque Silim, Carnūque rebellē
 Et totum luctus Latium, mærorque tenebat.

Liber secundus.

Nunc agē quæ vitæ ratio, quæ cura adhibēda
 Perniciē aduersus tantā, quid tēpore quoq;
 Conueniat (nostri quæ pars est altera cōp'i)
 Expediam, & mirāda hominum cōperta docebo.
 Quippe noua quū re attoniti, multa irrita primū
 Tentassent, tamen angustis solertia maior
 In rebus, crescēsq; vsu experientia longo
 Euicere: datūque homini protendere longē
 Auxilia, & certus pestem compescere vinclis,
 Victorem, & sese claras attollere in auras.
 Credo equidem & quedam nobis diuinitus esse
 Inuenta, ignaros fati ducentibus ipsis.
 Nam quanquam fera tempestas, & iniqua fuerūt
 Sydera, non tamen omnino præsētia diuū
 Absuit à nobis, placidi & clementia cœli.
 Si morbum insolitum, si dura & tristia bella
 Vidimus, & sparsos dominorum cæde penates,
 Oppidāque,

Oppidâque, incensâsque vrbes, subuersâque regna,
 Et templa, & rapta temerata altaria sacris:
 Flumina deiectas si per ruinentia ripas
 Exertere sata, & medijs nemora erunt in undis,
 Et pecora, & domini, correptâque rura natarunt,
 Obseditque inimica ipsas penuria terras.
 Hæc eadem tamen hæc ætas (quod fata negarunt
 Antiquis) totum potuit sulcare carinis
 Id pelagi, immensum quod circuit Amphitrite.
 Nec visum satis, extremo ex Atlante repostos
 Hesperidum penetrare sinus, Præsumq; sub Arcto
 Inspectare alia, præruptâque littora Rhapti:
 Atq; Arabo aduehere, et Carmano ex æquore mer
 Auroræ sed itum in populos Titanidis vsq; est (ces:
 Supra Indû, Gangemque supra, qua terminus olim
 Catygare noti orbis erat: superata Cyambe,
 Et dices hebeno, & felices macere sylvæ.
 Denique & à nostro diuersum gentibus orbem,
 Diuersum cælo, & clarum maioribus astris
 Remigio audaci attigimus ducentibus & dijs.
 Vidimus & vatem egregium, cui pulchra canent
 Parthenope, placidusque cauo Sebethus ab antro
 Plauserunt, umbræq; sacri manesque Maronis,
 Qui magnos stellarum orbes cantauit, & hortos
 Hesperidum, cælique omnes variabilis oras.
 Te verò vt taceam, atque alios, quos fama futura
 Post mutos cineres, quos & venientia secla
 Antiquis conferre volent: at Bembe tacendus
 Inter dona deum nobis data non erit vnquam
 Magnam

Magnanimus Leo, quo Latium, quo maxima Roma
 Attollit caput alta, patérque ex aggere Tybris
 Assurgit, Romæq; fremens gratatur ouanti.
 Cuius ab auspicijs iam nunc mala sydera Mundo
 Cessere, & Leo regnat iam Iuppiter orbe,
 Puræque pacatum diffundit lumina cælum.
 Vnus qui ærumnas post tot, longosque labores
 Dulcia iam profugas reuocauit ad otia Musas,
 Et leges Latio antiquas, rectumque, piūque
 Restituit, qui iusta animo iam concipit arma
 Pro re Romana, pro religione deorum.
 Vnde etiam Euphrates, etiam latè ostia Nili,
 Et tantum Euxini nomen tremit vnda refusi,
 Atque Aegea suos confugit Doris in Isthmos.

Ergo alij dum tanta cauent, dūmque illius acta
 Incljta component: dum forè accingeris & tu
 Condere, & æternis victurum intexere chartis:
 Nos, quos fata vocant hand tanta ad munera, lusus
 Incæptos, quantum tenuis fert Musa sequamur.

Principio, quoniam affecti non sanguinis vna
 Est ratio, tibi sit morbo spes maior in illo,
 Sanguine qui insedit puro: verū quibus atra
 Bile tument, spissioque resultant sanguine venæ,
 Maior in ijs labor est, perisque tenacius hæret.
 Quare operæ pretium est validis atque acribus vti
 Omnibus hos contra, miseris nec parcere mēbris.
 Quinetiam meliora sibi promittere cuncta
 Ille potest, qui principis nouisse sub ipsis
 Serpentem tacitè valuit per viscera labem.

Nanque

Nanque ubi pasta diu, vires per pabula longa
Auxerit, & iam se vitium firmaverit intra,
Heu quanto tibi libertas speranda labore est.
Ergo omnē impendes operam te opponere paruis
Principijs, memoriq; animo hæc præcepta recode.

In primis ego non omni te assuescere cælo
Exhorter: fuge perpetuò quod flatum ab Austro,
Quod cæno, immundaq; graue est sudore paludis.
Protenti potius campi mihi liber & agri
Tractus, & aprici placeant in collibus aura,
Et molles zephyri, pulsusque Aquilonibus aer
Hic (iubeo) tibi nulla quies, nulla otia sunt.
Rumpe moras, agita assiduus venatibus apros
Impiger, assiduus agita venatibus vrsos.
Nec tibi sit labor aeris cursu ardua montis
Vincenti, rapidum in valles deflectere ceruum,
Et longa lustrare altos indagine saltus.
Vidi ego sepe malum, qui iam sudoribus omne
Finisset, sylvisque luem liquisset in altis.
Sed nec turpe puta dextra summittere aratro,
Et longum trahere incuruo sub vomere sulcum:
Néve bidente solum, & duras proscindere glebas,
Et valida aeriam quercum exturbare bipenni,
Atque imis altam eruere ab radicibus ornum:
Quinetiam exercere domi quo te quoque possis,
Paruam moue pilam versa mihi, vespere versa,
Et saltu, & dura potes exudare palestra.
Vince malum nec te fallat, quod desidis otii
Assiduè desiderium, lectique sequetur.

Th

HIERONY. FRACASTORII

Tu lecto ne crede, graui ne crede sopori:
 Hus alitur vitium, & placida sub imagine pacis
 Decipit, è dulciq; trahit fomenta quiete.
 Nec non interea effugito quæ tristia mentem
 Sollicitant, procul esse iube curasq; metumq;
 Pallentem, vlticisq; iras, omnemque Mineræ
 Addictum studiis animum: sed carmina, sed te
 Delectem iuuenumque chori, mistæq; puellæ.
 Parce tamen Veneri, mollisq; ante omnia vita
 Concubitus, nihil est nocuum magis: odit & ipsa
 Pulchra Venus, teneræ contagem odere puellæ.
 Quod sequitur, victus rō tibi maxima habēda est:
 Nec sit cura tibi, nève obseruantia maior.
 Principio, quoscunque amnes, quasq; paludes,
 Quosq; lacus liquidi pascūt, quosq; æquora pisces,
 Omne genus procul amoueo: sunt quos tamen vsus
 Liberius, quum res cogit, concedere possit.
 Omnibus his est alba caro, non dura, tenaxq;
 Quos petreæ & fluiorū aduersū marisq; fitigant.
 Tales nam pelago phycides, rutilæq; per vndis
 Auratæ, gobusq; & amantes saxea percæ.
 Talis dulci fluum fluiorum scarus ad ora
 Solus saxa inter depastis ruminat herbis.
 Sed neq; quæ stagnis volucres, quæq; amnibus altis
 Degere amai, liquidisq; cibū perquirere in vndis,
 Landarim: tibi pinguis anas, tibi crudior anser
 Vitetur, potiusq; vigil Capitolia seruet:
 Viteturque graui coturnix tarda sagina.
 Tu teneros lactes, tu pandæ abdomina porcæ,
 Porcæ

SYPHILIS.

Porcæ heu terga fuge, & lūbis ne vescere aprimis
 Venati quāuis toties confeceris apros.
 Quin neq; te crudus cucumis, non tubera captent,
 Nēve famem cinara, bulbisve salacibus exple.
 Non placeat mihi lætis amor, non vsus aceti,
 Non fumosa mero spumantia pocula Baccho,
 Quilia Cynarū colles, campique Falerni,
 Et Pucinus ager mittunt: aut qualia nostris
 Rhetica dat paruo de collibus vna racemo.
 Nempe Sabina magis placeant, dilutæque tellus
 Quæ tulit, & multo domuerunt Naiades amne.
 At tibi si ex horto victus, mensæq; deorum
 Sunt animo, atq; olerū simplex & inēpta voluptas,
 Non menthæ virides, non læta sisymbria, desunt,
 Intybæque, & toto florentes frigore sonchi,
 Et sia fontanis semper gaudentia riuus,
 Et thymbræ suaves, & odoriferæ calaminthæ:
 Læta meliphyla, & riguo buglossus ab horto
 Carpan: ur, plenisque ferax erucula palmis,
 Atque olus, atq; rumex, & salsi gramina crithmi.
 Ipsa lupum dumeta ferent: hinc collige primos
 Asparagos, albæ asparagos hinc collige vitis,
 Quum nondū explicuit ramos, umbracula nōdum
 Texuit, & virides iussit pendere corymbos.
 Singula sed longum est, nec percensere necesse,
 Iamq; aliud vocor ad munus iuuat: in noua Musis
 Naturæ nemora Aonijs deducere ab umbris:
 Vnde mihi si non è lauro intexere fronti
 Sertæ volent, tantæq; caput cinxisse coronæ:

At

At saltem obseruata hominum tot millia, dignum
Censuerint querna redimiri tempora fronde.

Vere nouo, si quem morbus tenet, aut & in ipso
Autumno, si firma ætas, si sanguis abundat,
Regalem, mediãmve lacerti incidere venam
Proderit, atque extra fœdatur haurire cruorem.
Præterea quocunque habeat te tempore pestis,
Corruptum humorem, & contagem educere turpẽ
Ne pigeat, facilliquẽ luem deponere ab alio:
Ante tamen ducenda, para, concreta resoluẽ,
Et crassa attenua, & lentore tenacea frange.

Ergo Coryciũmque thymum sit cura: thymũq;
Pamphylum, thymbræ similis qui durior exit,
Prima tibi coxisse, lupique volubile gramen,
Fœniculũmq; apiũmq; & amari germina capni.
His polyporum hirtos imitata filicula cirros
Additur, & Nymphis tangi renuens adiantus:
His sterile asplenium, his pictam phyllitida iunge:
Quorum ubi decoctum permultis ante diebus
Ebiberis, crudũmque humorem incoxeris omnem,
Tum scilla medicare acri, & colocynthide amara,
Helleboróque graui, nec non quæ in littore surgẽs,
Qua ludit maris vnda, ter euariata colorem,
Ter flores mutata die rem nomine signat,
Herba potens radice, suum cui xinziber adde:
Adde etiã anguinẽ cucumin, Nabathæãq; thura,
Myrrhãmque, bdelẽmque, hãmomiãque liquorẽ,
Et lacrymam panaceam, & dulci colchica bulbo.

His actis, si fortẽ tibi frigentia corda,

Et

Et molles animi fuerint, nec acerba placebit
 In primis tentare, breuique extinguere pestem,
 Sed placidis agere, & per tempora lenibus uti,
 Tum superest tibi cura animū ad fomenta relicta
 Vertere, contagisque ad tenuia semina cæcæ,
 Illa quidem consueta modis inferpere miris.
 Profuerint igitur quæque exsiccantia, quæque
 Marcori resinosa solent obsistere putri.
 Tales sunt myrrhæ lacrymæ, sunt talia thura,
 Cedrusque, aspalathusque, immortalisq; cypressus,
 Et bene cum calamo spirans redolente cyperus.
 Ergo nec desint castiæ, nec desit amomum,
 Macer ve, agalocum ve tibi, nec cinnama. odora.
 Est etiam in pratis illud, iuxtaque paludes
 Scordion, omnigenis quod tantum obstare venenis,
 Contagique solet, paruo querenda labore
 Herba tibi, viret ipsa comis imitata chamædryn,
 Flore rubens, referensque alli cum voce saporem,
 Aurora nascente huius frondemque comantem
 Radicisque coque, atque haustu te prolue largo.
 Sed neque carminibus neglecta sibi bere nostris
 Hesperidum decus, & Medarum gloria citre
 Sylvarum: si forte sacris cantata poetis.
 Parte quoque ac medicā nō dedignabere Musam,
 Sic tibi sit semper viridis coma semper opaca,
 Semper flore nouo redolens: sis semper onusta
 Per viridem pomus syluam pendentibus oreis
 Ergo vbi nitendum est cæcis te opponere morbi
 Seminibus, vi mira arbor cithereia præstat.

N

Vixit de longis
 & aia idem qd
 Ammonium
 ut sed valent
 est.

Quippe illam Citherea, suum dum plorat Adonim
Munere donavit multo, & virtutibus auxit.

Quorundā inueniū est, vitrei intracōcava vasis,
Cui collum oblongum est, venter turgescit in orbē:
Aut hederæ folia, aut Ida mittente maniplos
Diclami, Illyricāve irim, thamnīve nigram
Radice, aut inulas coquere in sublime solutus
Effertur vapor, & tenuis vacua omnia complet.
Ast vbi frigenti occursum ab aëre vitro
Cogitur, & rorem liquidus densatur in vbum,
Decurrit que vagus per aperta canalia rivis
Destillant is aquæ cyathum sub lumina prima
Luciferi potare iubent, stratisque parare
Sudorem nec certè ab re: vis utilis olli est,
Reliquias morbi tenues dispergere in aur. as.
Interea si membra dolor conuulsa malignus
Torqueat, æsypo prope lenire dolorem,
Mastichinóque oleo, lentum quibus anseris unguē,
Emulsūque potes lini de semine mucum,
Narcissūmq; inulāque, liquētīaq; addere mella,
Coryciūmq; crocum, & vile componere amurcam.
At fauces atque ora malus si eroserit herpes,
Tange nitro & viridi medicata ærugine lymphā,
Semina inure mala, & serpentem interfice pestē.

Verū ipsos ope non alia consumere achores
Vrentum, quā vi poteris: quibus addere debes
Pingue aliquid, quod secum intus siccantia portet.
Hæc eadem & miseros artus si qua vlcera pascūt,
Tollere, concretosque valebunt solvere callos.

Si

Si verò aut hæc nequicquam tentasse videbis,
Aut vires, animique valent ad fortia quæque,
Nec differre cupis, quin te committere acerbis
Festines, diramque breui consumere pestem,
Hinc alia inuenta est: pediam, quæ tristia quanto
Sunt magis, hoc tanto citius finire labores
Aerumnasque mali poterunt: quippe effera labes
Inter prima tenax, & multo fomite viuax,
Nedum se haud vinci placidis & mitibus ac nec
Tractari sinit, & mansuescere dura repugnat.
Sunt igitur styracem in primis qui cinnabarique
Et minui, & stygmi agglomerat, & thura minuta
Quorum suffitu pertingunt corpus acerbo,
Absumuntque luem miseram, & contagia dira.
At verò & partim durum est medicamè & acre,
Partim etiam fallax, quo faucibus angit in ipsis
Spiritus, cluctansque animam vix continet egrâ.
Quo circa totum ad corpus nemo audeat vti,
Iudice me, certis fortasse erit utile membris,
Quæ papulae informes, Chironiâq; vlcera pascunt.
Argento melius persolunt omnia vino
Pars maior: miranda etenim vis insita in illo est:
Sive quòd id natum est subitâ frigidisq; calorémq;
Excipere, vnde in se nostrum citò contrahit igne:
Quòdque ad condensum, humores dissolvit, agitq;
Fortius, ut candens ferrum flamma acrius vrit:
Sive acres, vnde id constat compagine mira,
Particulae, nexûque suo vinculisque solutæ
Introrsum, ut potuere seorsum in corpora ferri,

Colliquant concreta, & semina pestis inurunt.
 Siue aliam vim fata illi, & natura dedere:
 Cuius & inuentum medicamen munere diuunt
 Digressus referam, quis enim admiranda deorum
 Munera prætereat? Sirix nam fortè sub altis
 Vallibus, vmbrosi nemora inter glauca salicti
 Callirhoe qua fonte sonans decurrit amœno,
 Fama est, cultorem dijs sacri agrestibus horti,
 Cultorem nemorum, sectatoremque ferarum,
 Ilcea labe grauem tota dum molle cyperum
 Et castam, & syluam latè fragrantis amomi
 Irrigat, hæc orasse deos, & talia fatum:

Dij, quos ipse diu colui, tūque optima tristes
 Callirhoe quæ sancta soles depellere morbos,
 Cui nuper ramosa ferens ego cornua cerui
 Aeria victor fixi capita horrida quercu:
 Dū mihi crudelem misero si tollere pestem
 Hanc dabit is, quæ me afficiat noctesque diesque,
 Ipse ego purpureas, ipse albas veris & horti
 Primitias, vobis violas, ego lilia vobis
 Alba legā, primasque rosas, primosq; hyacinthos,
 Vestraque odoratis onerabo altaria fertis.
 Gramen erat iuxta viridans, sic fatus, ut æstu
 Fessus erat, viridi defedit graminis herba.
 Hic dea vicino quæ sese fonte lauabat,
 Callirhoe liquido ex antro per lubrica musco
 Saxa fluens, iuueni dulci blandita fusurro,
 Lethæum immisit somnum. sparsuq; sopore
 Graminea in ripa, & salicum nemus inter opacū:

Atque

Atque illi visa est sacro se flumine tollens
In somnus coram esse, pia & sic voce locuta:
Ilceu in extremo dijs tandem audite labore
Cura mei, tibi nulla salus quacunque videt sol
Speranda est terram magnam super. hoc tibi pœna
Dat Triuia, & precibus Triuiæ exoratus Apollo,
Ob sacrum iaculo percussum ad flumina ceruum,
Et nostris affixa tibi capita horrida truncis.
Nam postquã illi ferã exanimẽ per gramina vidit
Abscisso capite, & sacro sparsa arua cruore,
Omnibus ingemuit syluis, dirumque precata est
Aurori. oranti Latous tanta sorori
Affuit, & pestem misero immisere nefandam
Durus vterque tibi: quin & quacunque videt sol,
Interdixit opem: quare tellure sub ima,
Si qua salus superest, cæca sub nocte petenda est.
Est specus arboribus tectũ, atque horrore verediũ
Vicina sub rupe, Iouis qua plurima sylua
Accubat, & raucũ reddit coma Cedria murmur.
Huc, vbi se primis aurora emittet ab vndis,
Ire para, & nigrantem ipsis in faucibus agnam
Maclato supplex: atq; Ops tibi maxima, dic hæc,
Dic, ferio nigram tum noctem, umbrasque silētes,
Umbrarumque deos, ignotæque numina Nymphas
Et Thia venerare, atræ & nidore cupressi.
Hic tibi narranti causam, auxiliũque vocanti,
Haud aberit dea, quæ cæcæ in penetralia terræ
Deducat te sancta, & opem tibi sedula præstet.
Surge agè, nec vani speciem tibi concipe somni.

Illa ego sum, quæ culta vaga per pingula fonte
 Dilabor, dea vicinis tibi cognita ab undis.
 Sic ait, & se cæruleo cita condidit amne.

Ille autem ut placidus cessit sopor, omnia letus
 Accipit, & nympham precibus veneratur amicâ.
 O sequor, ô quocunque vocas pulcherrima fontis
 Vicini dea Callirhoe. Tum postera primum
 Exurgens aurora, suos ubi protulit ortus,
 Monstratum Iouis in sylva sub risibus altis
 Antrum ingens petit, & nigratæ tergora prima
 Vestibulo sistit pedem, magnæq; trememem
 Mactat Op: tibi q; inquit, ego hæc Ops maxima ma
 Tum Noctæ, Noctisq; deas, ignota precatur. (Clo.
 Numina iamq; simul Thian, atramque cupressum
 Vrebat, quum vox terræ reholia cauernis
 Longè audita sacras Nympharum perculit aures:
 Nympharum, quibus erâ solo sunt condita curæ.
 Ex templo commotæ omnes, ac cepta reponunt,
 Sulphureos fortè ut laticeas, & flumina vini
 Argenti, mox unde nitens concrederet aurum,
 Tractabant, gelidæque prementes fonte coquebāt.
 Centum ignis spissi radios, centum ætheris vsti
 Bis centum concretorum terræq; marisque
 Miscuerant, nostros fugientia semina visus.

At Lipare, Lipare argenti, cui semina & auri
 Cura data, & sacrum flammis adolere bitumen,
 Continuo obscuræ latebroso per aua terra
 Ilcea adit, firmâsq; animum sic incipit ipsa:

Ilceum (namque iuum nec nomen, nec mihi labes
 Ignora

Ignota est, nec quid venias iam corde timorem
Exue, nec quicquam non te huc charissima mittit
Callirhoe, tibi parta salus tellure sub ima est.
Tolle animos, & me per opaca silentia terræ
Insequere: ipsa adero, & præsentî numine ducam.
Sic ait, & se antro gradiens præmittit opaco.
Ille subit, magnos terræ miratus hiatus,
Squalentēque situ æterno, & sine lumine vastas
Speluncas, terrarūque meantia flumina subter.
Tū Lipare: hoc quidcūq; patet quā maxia terra ē,
Hunc totum sine luce globum, loca subdita nocti,
Dij habitant: imas retinet Proserpina sedes:
Flumina supremas, quæ sacris concita ab antris
In mare per latas abeunt resonantia terras.
In medio dites Nymphæ, genera rinde metalli,
Aerisque, argentique, aurique nitentis origo:
Quarum ego nunc ad te miseris ipsa una sororum
Aduenio: illa ego, quæ venas per montis hiantes,
Callirhoe haud ignota tuæ, fumantia mitto
Sulphura, sic ibant terra & caligine tecti:
Iamque exaudiri crepitantes sulfure flammæ,
Conclusique ignes stridentiæque æra caminis.
Hæc regio est latè variis ubi facta metallis,
Virgo ait, est tellus, quorū vos tanta cupido
Exercet superas celi qui cernitis auras.
Hæc loca mille de æcæcis habitamus in antris,
Nocte dea & Tellure sat æ, quævis munera mille,
Mille artes, studium est alij deducere riuos,
Scintillas alij rimari, & sparsa per omnem

Semina tellurem flammarum ignisque corusci.
 Materiam miscent aliæ, massamque coercent
 Obicibus, multa & gelidarum inspergine aquarum.
 Non procul eruptis fumantia tecta caminis
 Aetnæ Cyclopes habent, versantque coquuntque
 Vulcano stridente, atque æra sonantia cudent.
 Læua hæc abstrusa per iter via ducit ad illos.
 Dextra sed sacri fluminis sistet ad undam,
 Argento fluitantem undam, viuoque metallo,
 Unde salus speranda: & iam aurea tecta subibant,
 Rorantesque domos spodijs, fuliginisque atra
 Speluncas variè obductas, & sulfure glauco.
 Iamque lacus latè undantes, liquidoque fluentes
 Argento iuxta astabant, ripasque tenebant.
 Hic tibi tantorum requies inuenta laborum.
 Subsequitur Lipare, postquam ter flumine viuo
 Perfusus, sacra vitium omne reliqueris unda,
 Sic fatur, simul argenti ter fonte salubri
 Perfundit, ter virgineis dat flumina palmis
 Membra super, iuuenem toto ter corpore lustrat
 Mirantem exuias turpes, & labe maligna
 Exutos artus, pestemque sub amne relictam.

Ergo agè, quum primum cæli te purior àër
 Accipiet, nitidamque diem, Solémque videbis:
 Sacra para, & castam supplex venerare Dianam,
 Indigenasque deos, & numina fontis amici.

Sic virgo & iuuenem tanto pro munere grates
 Soluentem è nocte æthereas educit in oras,
 Dimittitque alacrem, atque optata in lumina reddit.

Accepit

Accepit noua fama fidem, populósque per omnes
 Prodyt haud fallax medicamē: cœptâque primū
 Misceri argento fluitanti axungia porca.
 Mox etiam Oriciæ simul adiuncta est terebinthi,
 Et laricis resina aëriæ, sunt qui vnguen equinum
 Vrsinū ve adhibent, bd. le cedri que liquorem.
 Nonnulli & myrrhæ guttas, & mascula thura
 Adciunt, miniūque rubens, & sulphura viua.
 Haud verò mihi displiceat, componere si quem
 Trita melampodia, atque arentem inuerit irim,
 Galbanâque, & lacer graue olens, oleumq; salubre
 Lentisci, atque oleum haud experti sulfuris ignē.
 His igitur totū oblinere, atque obducere corpus
 Ne obscœnum, ne turpe puta: per talia morbus
 Tollitur, & nihil esse potest obscœnius ipso.
 Parce tamen capiti, & præcordia mollia vita.
 Tum super & vittas adstringe, & stupea nocte
 Vellera: dein stratis tegmento imponere multo,
 Dum sudas fœdæ que fluant per corpora guttæ:
 Hæc tibi bis quinis satis est iterasse diebus.
 Durū erit: ac quicquid tulerit res ipsa, ferendū est.
 Aude animis tibi certa salus stans limine in ipso
 Signa dabit: liquefacta mali excrementa videbit
 Assiduè spuito immundo fluitare per ora,
 Et largum ante pedes tibi mirabere flumen.
 Ora tamen fœda erodent vlcuscula: sed tu
 Lacte foue, & coctō cytini, viridisque ligustri.
 Tempore non alio generosi pocula Bacchi
 Annuerim sumenda tibi, purūque Falernum.

Et Chia, & pateris spumantia Rhetica largis.
 Sed iam age vicina victor gratare saluti,
 Vltima adest tibi cura, eadē placidissima, corp⁹
 Abluere, & lustrare artus, ac membra piare
 Stoechade, amaricinisque comis, & rore marino
 Verbenāque sacra, & bene olenibus heracleis.

Liber Tertius.

Sed iam me nemora alterius felicia mundi,
 Externique vocā saltus: longē affonat equos
 Herculeas vltra metas, & littora longē
 Applaudunt semota: mihi nunc magna deorum
 Munera, & ignota deuēcta ex orbe canenda
 Sancta arbos, quæ sola mundū, requiemque dolori
 Et finem dedit ærumnis, agē diua beatum
 Vranie venerare nemus, crinēsq; reuinctam
 Fronde noua, iuuēt in medica procedere palla
 Per Latium, & sanctos populus ostendere ramos,
 Et iuuēt haud vnquam nostrorum ætate parentū
 Visa prius, nullivē vnquam memorata referre.

Vnde aliquis forsan nouitatis imagine mira
 Captus, & heroas, & grandia dicere facta
 Assuetus, canat auspicijs maioribus ausas
 Oceani intacti tentare pericula puppes:
 Nec non & terras varias, & flumina & vrbes,
 Et varias memoret gentes, & monstra reperta:
 Dimensāsque plagas, altoque orientia celo
 Sydera, & insignem stellis maioribus Arcton.

Nec

Nec taceat noua bella, omnemque illata per orbem
 Signa nouum, & positas leges, & nomina nostra
 Et canit (audiat quod vix venientia credant
 Secula) quodcumque Oceanum complectitur aquor
 Ingens, omne, vna obitum mensumque carina
 Felix qui tantum dederit deus, at mihi vires
 Arboris vnius satis est, usumque referre.
 Et quo inuenta modo fuerit, nostrasque sub auras
 Aduena per tantum pelagi peruenit aquor.
 Oceano in magno, ardenti sub sydere Cancris,
 Sol ubi se nobis media iam nocte recondit,
 Hac ignota tenus, tractu iacet insula longo:
 Hispanam gens inuentrix cognomine dixit:
 Auri terra ferax: sed longè ditior vna
 Arbore, voce vocant patrum sermonis Hyacum.
 Ipsa teres, ingensque, ingentem vertice ab alto
 Diffundit semper viridem, semperque comantem
 Arbutus syluam folijs: nux parua, sed acris,
 Dependet ramis, & plurima frondibus haeret.
 Materia indomita est, duro & penè emula ferro
 Robora, quæ resinam sudant incensa tenacem:
 Dissectæ color haud simplex, in cortice lauri
 Exteriore virescunt leuor: pars altera pallet
 Buxed: at interior nigro suffusca colore est,
 Iuglādēque, hebenūq; inter, quod si inde ruberet,
 Iam poterat varijs æquare coloribus irim.
 Hanc gens illa colit, studioque educere multo
 Nititur: hac latè colles campique patentes,
 Hac omnis vestitur ager: nec sanctius illis

Est

Est quicquam, aut potiore usu: quippe omnis in illa
 Spes tacet hanc contra pestem, quæ coelitus illic
 Perpetua est: validos abiecto cortice ramos
 Multa vitundunt, aut in segmenta minuta
 Elimant, puroque scobes in fonte reponunt,
 Dum bibulas noctemque diemque emaceret humor.
 Inde coquunt: nec non illos ea cura fatigat,
 Vulcano ne fortè furens erumpat aquæ vis,
 Et superundantem spumam proiectet in ignes.
 Spuma quippe linunt, si quicquam è corpore toto
 Abscedit, si quicquam egros depascitur artus.
 Dimidia absumpta, superest quodcunque reponunt
 Dimini laticis, quin & segmenta relicta,
 Rursus, ut antè, coquunt, addentes suave liquës mel.
 Scilicet hunc unum mensis accedere potum,
 Et lex ipsa iubet gentis, mandatque sacerdos.
 Servatum ad laticem, & decocti pocula primi
 Bina die quaque assumunt, quum surgit ab ortu
 Lucifer, & sero egreditur quum Vesper Olympo,
 Nec prius absistunt potu, quàm menstrua cursum
 Luna suum, & totis peragrans perfecit orbem,
 Fraternalque iterum conuenerit amula bigas.
 Interea cæcis sese penetralibus abdunt,
 Quo neque vis venti, non halitus aëris ullus
 Insinuet sese, & gelidis afflatibus obsit.
 Quid mirandum æ què memorè super omnia victis
 Quàm tenuem, quàm magna sibi ieiunia poscant?
 Quippe solet satis esse, ipsum dum corpus alatur:
 Dum superet vita, & tantum ne membra fatiscant.

Ne

Ne tamen ah ne tanta time, sacer ilicet haustus
Ille modo ambrosiæ, vires reficit que fouet que,
Inq; occulta gerit ieiunis pabula membris.
Nectare ab epoto binas non amplius horas
Imponunt sese stratis, medicamen vt intro
Large eat, & calido sudorem è corpore ducat.
Interea vacuas pestis vaneſcit in auras:
Et (dictum mirum) apparet iam pustula nulla:
Iamque nom. e cessere omnes, iam fortia liquit
Membra dolor, primòque redit cum flore iuuenta:
Et iam Luna suum remeans noua circuit orbem.
Quis deus hos illis populis monstrauerit vsus:
Qui demum & nobis casus, aut fata tulere
Hos ipsos: vnde & sacræ data copia syluæ,
Nunc referam. Missæ quæsitum abscondita Nerei
Aequora in occasum Solisque cubilia pinus,
Littoribus longè patrîs, Calpèque relictis,
Ibant oceano in magno, pontumque secabant
Ignaræ que viæ, & longis erroribus actæ.
Quas circû innumeræ properâtes gurgite ab omni
Ignoti noua monstra maris Nereides vde:
Adnabant, celsas miratæ currere puppes,
Salsa super prælis volitantes æquora velis.
Nox erat, & puro fulgebat ab æthere Luna,
Lumina diffundens tremuli per marmora ponti,
Magnanimus quum tanta heros ad munera fati
Delectus, dux errantis per cæcula classis,
Luna, ait, ò pelagi, cur regna hæc humida parent,
Quæ bis ab aurata curuasti cornua fronte,
Curuabis

Currabis explesti, nobis errantibus ex quo
 Non ulla apparet tellus, da littora tandem
 Aspicere, & dudum speratos tangere portus,
 Noctis honos, cœlique decus Latonia virgo.
 Audyt orantem Phoebe, delapsâque ab alto
 Aethere, se in faciem mutat, Nereia quali
 Cymothoe, Clothôque natant, iuxtaque carinam
 Astitit, & summo pariter nans aequore fatur:
 Ne nostræ dubitate rates, lux crastina terras
 Ostendet, fidôque dabit succedere portus.
 Sed vos littoribus primis ne insistite: dudum
 Ultra fata vocant, medio magna insula ponto
 Est Ophyre, huc iter est vobis, hic debita sedes
 Imperiique caput, simul hæc effata, carinam
 Impulit: illa leni cita dissecat æquora cursu.
 Aspirant faciles aures, & iam clarus ab undis
 Surgebat Titan, humiles quum surgere colles
 Umbrosi procul, & propior iam terra videri
 Incipit: acclamant nautæ, terramque salutant,
 Terram exoptatam, tum portu & littore amico
 Excepti, dijs vota pijs in littore solvunt:
 Quassatâsque rates, defessâque corpora curant:
 Inde ubi quarta dies pelago, crepitâsque vocavit
 Vela Notus, remus insurgitur, altâque rursus
 Corripunt maria, & læti freta cœrula fœcant.
 Linqutur incerto fluitans Anthylla ponto,
 Atq; Hagia, atq; alta Ammerte, execratâq; tellus
 Cannibalum, & ripa Gyane nemorosa virenti,
 Protinus innumera panduntur turribus altis
Insule

Insule oceano in vasto, quas inter opacis
Vndantem sylvas vnam, cursuque sonantem
Fluminis aspiciunt, magnoque spumans aluco
In mare fulgentes auro subuectat arenas.
Huius in ora placet pronas appellere puppes.
Inuitant nemora, & dulces è flumine lymphæ.
Iamque solo viridante alacres, ripaque potiti,
In primis terram ignotam, Nymphasque salutant
Indigenas, Geniūque loci, teque aurifer amnis,
Quisquis in ora maris nitida perlaberis vnda.
Tum duram Cererē, & patrij Carchesia Bacchi
Aggere in herboso expediunt: dein querere si quē
Mortales habitent: pursuluam fluminis vnam
Mirari, mistamque auro disquirere arenam.
Fortē per umbrosos sylvarum plurima ramos
Assidue volitabat avis, quæ picta nitentes
Ceruleo pennas, rostro variata rubenti,
Ibat nativo secura per avia lucco.
Hæcque manus iuvenū ut sylvas videre per altæ,
Cominuò caua terrificis horrentia bombis
Aera, & flammiferum tormenta imitâtia fulmen
Corripiunt: Vulcane tuū, dum Theſtonas armas,
Inueniunt: dum tela Iouis mor: alibus affers.
Nec mora, signantes certam sibi quisque volucrē,
Inclusam, salicū cineres, sulfūque, utrūque,
Materiam accendunt seruata in reſte fūilla.
Fomite correpto diffusa repente ſurit vis
Ignea circumſepta ſimūlque cita obice rupto
Intruſam impellit glandem: volat illa per auras
Stridula,

40 HIERONY. FRACASTORII

Stridula, & exanimis passim per prata iacebant
 Deiectæ volucres: magno micat ignibus aër
 Cum tonitru, quo sylua omnis, ripeq; recurua,
 Et percussa imo sonuerunt æquora fundo.
 Pars auium nemus indensum conterrita, & altos
 Se recipit scopulos: quorum de vertice summo
 Horrendum vna canit (dictu mirabile) & aures
 Terrificis implet dictis, ac talibus infit:

Qui Solus violatus aues, sacrasque volantes
 Hesperij, nunc vos, quæ magnus cantat Apollo
 Accipite, & nostro vobis quæ nuntiat ore:
 Vos quanquam ignari, longum quæ sita, secundis
 Tandem parta Ophyræ tetigistis littora ventis.
 Sed non antè nouas dabitur summittere terras,
 Et longa populos in libertate quietos,
 Moliri que vrbes, ritusque ac sacra nouare,
 Quam vos infandos pelagi terræq; labores
 Perpeßi, diuersa hominum post prælia, multis
 Mortua in externa tumuletis corpora terra.
 Nauibus amissis pauci patria arua petetis.
 Frustra alij socios quæretis magna remensi
 Aequora: nec nostro deerunt Cyclopes in orbe.
 Ipsa inter sese vestras discordia puppes
 In rabiem ferrumque trahet: nec sera manet vos.
 Illa dies, sædi ignoto quum corpora morbo
 Auxilium sylua miseri poscetis ab ista,
 Donec poeniteat scelerum. Nec plura loquuta
 Horrendum stridens densis sese abdedit umbris.
 Ollis ossa rigor subitus percurrit, & omnis
 Palluit,

Palluit, ac gelida fugit formidine sanguis.
 Tum verò sacras volucres, diuosque precati,
 In primis Solem, & sanctum seruantia lucum
 Numina supplicibus venerantur agrestia votis,
 Pacem orant, rursusq; Ophyren, fluuiūq; salutāt.
 Interea è syluis nigram genus ora comāsque,
 Ad naues noua turba virūm concurrit inermis,
 Pectora nudi omnes, euincti frondibus omnes
 Paciferis, tanta qui celsas mole carinas
 Mirati, vestēsque virūm, su' gentiāque arma,
 Vix sat is expleri possunt: & ab æthere missi
 Siue homines, siue heroes sint, siue deorum
 Numina, adorandum ritu, precibusq; saluant:
 Ante alios ipsum regem, cui muner a læta
 E ripis collectum aurum, & cerealia dona,
 Et patrios fructus, & mella liquentia portant.
 Vestibus ipsi etiam nostris, & munere multo
 Donati, excepti que mero noua gaudia miscent:
 Non aliter, quàm si mensis, dap. būsque deorum
 Mortalis quisquam adscitus, felixque futurus,
 Hauriat æternum, cælestia pocula, nectar.

Ergo vbi amicitia securos fœdere vtrinque
 Firmauere animos: habita & commercia gentis,
 Ipsi inter sese reges in littore læti
 Complexu iungunt dexteras, & fœdera firmant.
 Alter gossipio tenui pectūsque femurque
 Precinctus, viridi limbum pingente smaragdo,
 Ora niger, iaculo armatur cui dextera acuto,
 Squamosi spoliū sustentat læua draconis.

Alter at intexto lænam circumdatus auro,
 Quā subter rutila arma micāt, capiti ære et castis
 Insidet, & pictæ volitant in vertice cristæ.
 Fulgenti ex auro torques cui candida collæ
 Cingunt, atque ensis lateri dependet Iberus.
 Et iam commisti populi hospitioque recepi,
 Hi tectis domibûsque, alius in manibus illis,
 Lætitiâ ludîsque dies per pocula ducunt.

Fortè loco lux festâ aderat, Solæque parabant
 Vltori facere umbroso sacra annua luco.
 Hesperieq; Ophiræq; manus conuer. erat omnis.
 Hic conualle cava, ripe viridentis in herba,
 Selectorum ingens numerus, matrèsque virique
 Confusi, plebs atque patres, puerique senèsque,
 Astabant, animis tristes, & corpora fædi,
 Squallentes crustis omnes, taboq; fluentes:
 Quos circumfusus albenti in veste sacerdos
 Pura lustrat aqua, & ramo frondentis Hyaci,
 Tum niueum ante aras cedit de more iuuentum,
 Et iuxta positiū pastorem sanguine caesi
 Respergit, paterâque rigat, Solique potenti
 Ad numeros peina canit, nec cætera turba
 Non sequitur, mactantq; sues, mactantque bidētes,
 Visceribûsque veruto stis epulantur in herba.

Obstupuit gens Europæ, rituq; sacrorum,
 Contagēq; alio nrisquam tempore visam,
 At dux multa animo tacitus secum ipse volutans,
 Hic erat ille, inquit, morbus, (Dij auertite casum)
 Ignotum interpres Phœbi quem dira canebat.

Tum

Tum regem indigenā, (ut sermo fundique facultas
 Iam communis erat) cui sint solennia diuinum
 Scitatur: quid tanta astet conualle sub alta
 Languentiū miserāda manus? quid pastor ad aras
 Sacra inter, cæsire persus sanguine tauri?
 Quem contra, Hesperia ô heros fortissime pubes,
 Rex ait, hi gentis ritus, hæc sacra quotannis
 Vltori de more Deo celebramus: origo
 Antiqua est, veterēsque patrum fecere parentes:
 Quod si externorum mores, hominūque labores
 Auduisse iuuat, primæua ab origine causam
 Sacrorum, & pestis misera primordia pandam:
 Forsitan Atlantis vestras peruenit ad aures
 Nomen, & ex illo generis longo ordine ducti:
 Hac & nos longa serie, de stirpe profecti
 Dicimur: heu quondam felix & chara Deūm gens,
 Dum cælum colere, & superis accepta referre
 Maiores sœuere boni: sed numina postquam
 Contemni ceptum est, luxu fastūque nepotum,
 Ex illo quæ sint miseros, quanti æq; secuti
 Aeramne, vix fando vnquam comprædere possem.
 Insula tum prisce regis de nomine dicta
 Ingenti terræ comissa Atlantia motu
 Corruit, absorpta oceano, quem mille carinis
 Suleauit toties, terræ regina marisque,
 Ex illo & pecudes, & grandia quadrupedantum
 Corpora, non vllis vnquam reparata diebus
 Aeternū perire, externaque victima sacris
 Cæditur, externus nostras cinor imbuit aras.

Tum quoq; & hæc infanda lues, quã nostra videtis
 Corpora depasci, quã nulli, aut denique pauci
 Vitamus, diuũ offensis, & Apollinis ira
 De cœlo demissa, omnes grassatur in vrbes.
 Vnde hæc sacra nouo primum solennia ritu
 Instituire patres, quorum hæc perhibetur origo.
 Syphilus (vt fama est) ipsa hæc ad flumina pastor
 Mille boues, niueas mille hæc per pabula regi
 Alcithoo pascebat oues: & fortè sub ipsum
 Solstitium vrebant sitientes Syrius agros,
 Vrebant nemora, & nullus pastoribus umbras
 Præbebant syluæ: nullum dabat aura leuamen.
 Ille gregem miseratus, & acri concitus æstu,
 Sublimem in solem vultus & lumina tollens,
 Nã quid Sol te, inquit, rerũ patrẽmque Deũmque
 Dicimus? & sacras vulgus rude ponimus aras?
 Mactatõque boue, & pingui veneramur acerra?
 Si nostri nec cura tibi est, nec regia tangunt
 Armenta? an potius superos vos arbitrer vri
 Inuidia? mihi mille miuis candore iuuenæ,
 Mille mihi pascuntur oues, vix est tibi Taurus
 Vnus, vix Aries cœlo (si vera feruntur)
 Vnus, & armenti custos Canis arida tanti.
 Demens quin potius Regi diuina face sso?
 Cui tot agri, tot sunt populi, cui lata ministrant
 Aequora, & est superis, ac Sole potentia maior,
 Ille dabit facilẽsque auras, frigusque virentum.
 Dulce feret nemorum armentis, æstũmque leuabit.
 Sic fatus, mora nulla, sacras in montibus aras

Insti

Instituit regi Alcithoo, & diuina facessit.
Hoc manus agrestum, hoc pastorum cætera turba
Exequitur: dant thura focus incensa, litantque
Sanguine taurorum, & fumantia viscera torrent.
Quæ postquam rex, in solio dum fortè sederet,
Subiectos inter populos, turbamque frequentem,
Agnouit, diuûm exhibito gauisus honore,
Non vllum tellure coli, se vindice numen
Imperat, esse nihil terra se maius in ipsa,
Cælo habitare deos, nec eorû hoc esse quod ïfria est.
Viderat hæc, qui cuncta videt, qui singula lustrat,
Sol pater, atque animo secum indignatus, iniquos
Intorsit radios, & lumine fulsit acerbo,
Aspectu quo Terra parens, correptaque ponti
Aequora quoque viro tactus subcanduit aer.
Protinus illuuiæ terris ignota profanis
Exoritur, primus, regi, qui sanguine fuso
Instituit diuina, sacrasque in montibus aras,
Syphilus, ostendit turpes per corpus achores.
Insomnes primus noctes, conuulsaque membra
Sensit, & à primo traxit cognomina morbus:
Syphilidémque ab eo labem dixere coloni.
Et mala iam vulgò cunctas diffusa per vrbes
Pestus erat, regi nec sæua pepercera ipsi.
Itur ad Ammericen sylua in Cartheside Nymphæ,
Cultricem nemorum Ammericen, quæ maxima luco
Interpres diuûm responsa canebat ab alto.
Scitantur, quæ causa mali, quæ cura supersit.
Illa refert: spreti vos, ô vos numina Solis

Exercent nulli fas est se equare deorum
 Mortalem: date thura deo, & sua ducite sacra,
 Et numen placate, iras non proferet ultra.
 Quam tulit, eterna est, nec iam renocabilis unquam
 Pestis erit quicumque solo nascetur in isto,
 Sentiet ille lacus Stygios fatumque severum
 Iuravit: sed enim si iam medicamina certa
 Expetitis, niueam magnæ mactate iuuentam
 Iunoni, magnæ nigramtem occidite vaccam
 Telluri, illa dabit felicia semina ab alto:
 Hæc viridem educet felici è semine syluam:
 Unde salus. Simul obtulit specus intus, & omne
 Excussum nemus, & circumstetit horror ubique.
 Illi obeunt mandata: sua ipsi altaria Soli
 Instituunt, niueam Iuno tibi magna iuuentam,
 Nigramtem Tellus mactant tibi maxima vaccam.
 Mira eadē (at diuosiuro, & monumenta parentū)
 Hæc sacra, quā nemore hoc toto vos cernitis arbor
 Antè solo nunquam fuerat quæ cognita in isto:
 Protinus è terra virides emittere frondes
 Incipit, & magna campis pubescere sylua.
 Annua confestum Soli facienda sacerdos
 Vltori zona sacra canit, deducitur ipse
 Sorte data, qui pro cunctis cadat vnus ad aram
 Syphilus, & iam farre sacro, vittisque paratis
 Purpureo stabat iuncturus sanguine cultros.
 Tutatrix vetuit Iuno, & iam mitis Apollo,
 Qui meliorem animam miseri pro morte, iuuentū
 Suppsuere, feròque solum lauere cruore.

Ergo

Ergo eius facti æternum ut monumēta manerēt,
 Hunc morem antiqui primum statuere quotannis
 Sacrorum, ille tuum testatur Syphile crimen,
 Victima vana, sacras deductus pastor ad ara:
 Illa omnis, quam cernis, inops miserādaque turba
 Tacta deo est, veterūque luit commissā parentū,
 Cui votis precibusque pijs numerisque sacerdos
 Conciliat vates diuos, & Apollinis iras,
 Lustrati ingentes ramos, & robora sanctæ
 Arboris aduectant tectis: libamine cuius
 Vi mira infundæ labi contagia pellunt.
 Talibus, atque alijs tempus per multa trahebāt
 Diversis populi commisti ē paribus orbis.
 Interea Europæ fuerant quæ ad chara remissa
 Littora, iam rursus puppes freta lata remensa
 Mira ferunt: latè (proh fata occulta deorum)
 Contagem Europæ cælo crebrescere eandem,
 Attonitæque vrbes nullis agitare medelis.
 Quinetiam grauior naues it rumor in omnes:
 Illo eodem classē morbo, iuuenūque teneri
 Haud numerū exigū, & totis tabescere mēbris:
 Ergo haud immemores, diras cecinisse volucres,
 Affore, quum sylua auxilium pascatur ab illa:
 Continuo faciles Nymphas, Solēque precati,
 Intacti nemoris ramos, & robora ab alto
 Conuectare parant luco, medicatæque sumunt
 Pocula, pro ritu gentis: quo munere tandem
 Contagem pepulere feram, quin dona deorum,
 Haud patriæ obliti, & felicem ad littora syluam

Nostra iubent ferri, cælo si forsitan isto
 Assimilem pellant labem: nec fata sequundos
 Ipsa negant Zephyros, facilisque aspirat Apollo.
 Munera vos diuûm primi accepistis Iberi,
 Præsens mirati auxilium: nunc cognita Gallis,
 Germanisque, Scythisque, orbe & gauisa Latino
 Iam nunc Europam vecta est Huiacus in omnem.
 Salue magna deûm manibus sata semine sacro,
 Pulchra comus, spectata nouis virtutibus arbor:
 Spes hominû, externi decus, & noua gloria mûdi,
 Fortunata nimis, natam si numina tantum
 Orbe sub hoc, homines inter geniêmque Deorum
 Perpetua sacram voluissent crescere sylua.
 Ipsa tamen, si qua nostro te carmine Musæ
 Ferre per ora virûm poterunt, hac tu quoq; parte
 N'sceris, cæloque etiam cantabere nostro.
 Si non te Bactra, & tellus extrema sub arcto,
 Nō Meroe, Libycisque Ammon combustus arenis,
 At Latium, at viridis Benaci ad flumina ripa
 Audiet, & molles Arhesi labente recessus.
 Et sat erit, si te Tyberini ad fluminis undam
 Inierdum leget, & referet tua nomina Bembus.

FINIS

Rerum in hoc libello præ- cipuè obseruanda- rum Index.

- A** Bsynthii vsus. 126
 Acori vsus. 110
 Aetates aliæ aliis patiē-
 tiores inedia. 32
 Alguatui curatio. 155
 Aliabas quid senserit
 de argenti viui natu-
 ra. 142
 Aloes in vlceribus me-
 dendis vsus. 125
 Althææ radicum vsus.
 110
 Amygdalarum vsus. 30
 Antimonii vsus in vlce-
 ribus pudendorum cu-
 randis. 125
 Apoplexia qualis mor-
 bus. 77
 Apostemata frigidaquo
 modo curanda. 113
 Arquati morbi cura.
 103
 Argētum viuum audi-
 tui nocet. 148
 Argentum viuum igne
 non vincitur. 145
 Argētum viuum in me-
 dicina plus nocet ple-
 rūque quàm prodest.
- 147
 Argentum viuum quo
 modo à superfluitate
 purgatur 148. quo pa-
 cto in aceto corriga-
 tur. 152
 Argentum viuum qua
 ratione sublimetur, vt
 in morbis vsui sit. 86
 Argentum viuum sub-
 limatū interficit. 145
 Argenti viui fumus pa-
 ralyfin operatur. 149
 neruis obest. ibi.
 Argenti viui medicina
 offensiones in corpo-
 ribus relinquit. 21
 Argenti viui nocumen-
 ta. 21. correctio. 151
 Argenti viui vis in me-
 dicina. 150. vsus eius
 vltimus est, cū scilicet
 aliis nihil proficimus.
 ibidem
 Argēti viui temperies.
 140
 Arnaldi diacatholicon.
 121
 Arsenicum quam facul-

INDEX.

tatem habeat.	142	sa. 32. in sene choleric	54
Affluentis quatuor spec-		co vel sanguineo.	54
cies.	91	in iuvene melanco-	
Auditus corruptus quo		lico.	54
pacto per lignum san-		Cephalæ curatio in se-	
ctum curetur.	87	ne phlegmatico vel	
Auditus malè in sene		melancholico.	58
affectus quomodo cu-		Cephalæ morbi causa.	
retur.	ibidem		51
Auditus obtusi causa.		Cerebrum malè affe-	
	86	ctum, qui morbi, se-	
Auellanarum corticum		quantur.	62
& vitarum vsus in pi-		Choleram rubeam esse	
lorum casu.	135	immodicarum vigilia-	
Augustini Sueffani sy-		rum causam.	59
rupus.	121	Cholerici minus patien-	
B etonice vsus in mor-		tes inedia.	32
bi Gallici medici-		Cibus optimus quis.	23
na.	153	Cibus quantus esse de-	
Boraginis vsus.	40	beat.	46
Buglossæ vsus.	131	Cichorea cū ligno san-	
C amillus Muscicula		cto quando decoquen-	
quomodo curatus		da.	40
fit ab immodicis vigi-		Cichoreæ succus.	130
liis.	60	Cinaprum an sit argen-	
Cancer ex hamorrhoi-		tum viuum.	144
dibus saepe prouenit.		Cinapri virtus.	149
	88	Coitu abstinere, qui cu-	
Cancris cura in matrice		ratur per lignum san-	
prædominante chole-		ctum.	33
ra adusta.	107	Comitialis morbi cau-	
Cancris in matrice mu-		sa.	71
lieris curatio. ibidem		Comitialis morbi cura	
Cephalæ qualis sit mor-		in infantibus.	73
bis.	51	Comitialis morbus in	
Cephalæ curatio, phle-		muliere quomodo cu-	
gmate existente cau-		ratus sit.	72
		Cone	

INDEX.

- Conceptionem prohibens morbus. 105
 Contractionis curatio. 82
 Cordialium florū vsus. 132
 Coriādi preparati vis in amaris mitigandis. 43
 Cucumeris asinini vsus. 132
 Cupressi nucum vsus. 127
Dolor quid sit. 152
 Diēta in curatione ligni sancti qualis constituenda. 30
 Diēta resumptiua qualis esse debeat in curatione per lignum sanctum. 30
 Diēta variis dispositionibus conuenit. 31
 Diētā variādam esse. ibidem
 Diachilon emplastrū. 127
Ebenus à ligno sancto quid differat. 10
 Ebenus promptissimè accenditur. 10
 Ebeni natura, & vsus in medicina. 9
 Elephantis curatio. 110
 Emprossthotonus. 82
 Endiuiā quando decoquenda cum ligno sancto. 40
 Epilepsia quare frequēter infantes corripiat. 76
 Epilepsie causa. 71
 Epilepsie curatio in iuene sanguineo vel cholericō 73. in iuene phlegmatico vel melancholico. 74
 Epilepsie remedia in pueris. 75
Fames periculosa post nimiam fatigatatem. 52
 Fastidii causæ. 93
 Fastidii curatio in iuene cholericō vel sanguineo 98. in phlegmatico vel melancholico. 98
 Fissuræ manuum & pedum vnde oriātur. 135
 Fœni græci vsus. 127
 Frigus humores dēfat. 27
 Fumiterræ in medicina vsus. 131
Gallicus morb. quid sit. 117
 Gallici morbi cā. ibid.
 Gallici morbi curatio repeti debet. 47
 Gallici morbi præsens medicina. 31
 Gallicus morbus vnde ad

INDEX.

- ad nos peruenerit. ibi.
- Gallicus morbus inueteratus quomodo curandus. 45. & 153
- Gallicus morbus recēs ubi sumat initium. 119
- Gallicus morbus recēs quō curetur. 44
- Gallici morbi pustulæ variæ pro humoris varietate. 128
- Gallici morbi inueterati vlcera maligna quatione curentur. 155
- Gallici morbi tumores quo pacto curentur, quæque eorum sunt causæ. 154
- Gallarū carnis vsus. 31
- Gingiuarum imbecillitatis causa. 90
- H**æmorrhoides sæpe polypum gignunt. 88
- Hæctica curatio, apostemate copiam in causa existente. 95
- Hæctica ligno sancto curatur. 25
- Hermes alchimista. 140
- Hernia intestinalis. 109
- Herniæ genera. ibidem
- Hæstedeen esse lignum sanctum. 9
- Hepatis apostema quo pacto curetur. 100
- Hepatis calefacti remedia. 138
- Hordei vsus. 131
- Hydropicus iuuenis phlegmaticus vel melancholicus quomodo curandus. 102
- Hydropici ab aqua prohibendi, vt etiam nec videant. 103
- Hydropisis curatio. 102
- I**ctericus morbus quomodo curetur. 103
- Iecoris affectiones. 62
- Iecoris morbi. 100
- Indicus morbus. 118
- Indicum lignum vnde adferatur. 3
- Ischiadicæ remedia. 111
- Iuæ arthriticæ vsus in curatione morbi Gallici. 122
- Iuncturarum morbi curatio. 111
- Aron apud Auic.
- K** esse lignū sanctum. 9
- L**acrymarum fluxus cura in iuene cherico vel sanguineo. 85. in phlegmatico vel melancholico. 85
- Lacrymarum fluxus nimius vnde proueniat. 85. quomodo curandus. 85
- Lacrymarū fluxus præter

INDEX.

- ter naturā quomodo
curetur in senibus. 36
Lepræ curatio. 110
Lignum sanctū multi
nutrimēti est. 15. & 24
Lignum sanctū calidū
& siccum est. 17
Lignū sanctū medicinā
esse antidotariam. 10
Lignū sanctū ubi præ-
stantius nascatur. 12
Lignum sanctū quādiu
decoquendum. 41
Lignum sanctum qua-
re diuersas sortiatur
operationes. 48
Lignum sanctum qua-
ritate esse debeat. 13
Lignum sanctum tem-
peratissimum est. 16
Lignum sanctum quos
curet morbos. 25
Ligni sancti amaritudo
quo pacto auferatur.
43
Ligni sancti natura. 13
Ligni sancti decoctio
quō præparanda. 37
Ligni sancti decoctio
longa sit. 37
Ligni sancti decoctio-
nis varii gradus. 41
Ligni sancti decoctiōes
quot sint. 38 & 39
Ligni sancti effectus. 32
Ligni sancti electio. 13
Ligni sancti materia du-
ra. 14
Ligni sancti medicina
quō administretur in
morbo Gallico. 45
Ligni sancti medicina
qua forma cōficiatur.
36
Ligni sancti medicinæ
adminstrandæ tem-
pus. 27
Ligni sancti natura &
effectus. 9
Ligni sancti proprietates.
19
Ligni sancti quæ partes
optimæ sint. 13
Ligni sancti syrupus
quando sumendus. 42
Ligni sancti varius &
multiplex vsus in me-
dicinis. 3. & 19
Ligno sancto curandus
quem locū eligere de-
beat. 26 quomodo cu-
rārus sit iuuenis cho-
lericus vel sanguineus
in morbo Gallico in-
ueterato. 153
Linguae spasmus quo-
modo curandus. 127
Lini seminis vsus. ibid.
Lithargyrii vsus in vl-
ceribus medendis. 125
Lupuli vsus. 131
MAluarum vsus. 126
Manus aqua frigi-
da non lauandæ. 14
Matrix

INDEX.

- Matrix mulieris, seu
fentina, omnes humo-
res recipit. 105
- Matricis cancer quomo-
do curetur. 107
- Matricis fluxus propter
hepatis frigiditatem
quomodo curetur. 105
- Matricis morbus pro-
pter iccoris calidita-
tem. 106
- Medicina quæ sit opti-
ma. 23
- Medicina eadē quo pa-
cto possit morbos di-
uersos curare. 25
- Medicina quæ secundū
gradus sit. 17
- Medicina quō acommo-
danda diuersis disposi-
tionibus. 8
- Medicina tēperata quæ
sit. 16
- Medicinā eadē diuersa
non posse operari. 5
- Medicinā nō omnia
naturis conuenire. 7
- Melācholia cancrum in
matrice mulierum gi-
gnit. 107
- Melancholiæ memoriā
& intellectū corrūpētī
quō medeatur. 65
- Melancholiæ quo reme-
diorū genere curētur
in sene cholerico vel
sanguineo 69. in iuue-
ne cholerico vel san-
guineo. 68
- Melācholiæ remedia in
iuuene phlegmatico
vel melācholico. 69
- Melancholiæ morbus
multiplex. 67
- Melancholiam inuete-
ratam vix aliis medici-
nis curari quā ligno
sancto. 68
- Memoria & intellectus
in iuene phlegmati-
co vel melancholico,
quo pacto restituatur.
64. & 65
- Memoriæ amissæ cau-
sa. 61
- Memoriæ & intellectus
cura in sene cholerico
vel sanguineo. 66. in
iuuene cholerico vel
sanguineo, phlegmate
existente in causa. 59
- Memoriæ laborātis cu-
ra in sene phlegmati-
co vel melācholico. 65
- Mercurii vinctiōis vsus.
46
- Morbi difficiles cura-
tu. 117
- Myrtillorū succi vsus.
134
- Narium morbi. 88
- Narium morbi quo-
modo curentur in sin-
gulis ætatibus. ibidem
- Nauseæ

INDEX.

- Nauseæ stomachi quo 88
 subueniendum. 43
O Leu myrtinū. 134
 Opisthotonus. 82
 Oris vlcera. 131
 Osis corruptio. 156
 Oui albumen. 130
P Anis qualis esse de-
 beat. 29
 Pane biscocto quare
 vtendum. 28
 Papaueris nigri vsus. 134
 Paralyfis morbus. 77
 Paralyfis in iuuenie chio-
 lerico. 79. in senibus.
 81. in phlegmatico vel
 melancholico. 80
 Perforata herba. 153
 Phasianorum vsus. 31
 Phlebotomia. 135
 Phlegma causa amissi
 intellectus. 63
 Phlegmatici ferūt ine-
 diam. 61
 Phthisis morbus. 93
 Phthisis curatio. 94
 Phthisis ligno sancto
 curatur. 94
 Pilulæ aggregatiuæ. 131
 Pilulæ fumiterræ. ibid.
 Pilorum casus. 134
 Plumbi vsti vsus. 125
 Podagræ curatio. 111
 Podagra ligno sancto
 curatur. 25
 Polypus morbus nasi. 12
 Polypi causa. ibidem.
 Potus optimus quis. 23
 Purgadus quomodo ci-
 bandus. 32
 Purgationū modus. ibi.
 Pustularum multitudo
 in morbo Gallico. 118.
R Amex herniæ spe-
 cies. 109
 Ramula quō curāda. 82
 Regii morbi curatio. 103
 Renū morbi cura. 104
 Renum vlcera. ibidem.
 Rheupontici vsus. 122
 Rhodomellis sacchari-
 ni vtilitas. 132
 Rosarum rubcarū vsus. 122
 Rosarum incompleta-
 rum vsus. 132
S acchari rosacei vsus. 43
 Saluiæ vsus. 153
 Sanguinei toleratiores
 inedia quam choleri-
 ci. 32
 Sanguinis draconis v-
 sus. 125
 Scrophulæ puerorū. 113
 Serpētis pinguedo. 134
 Sicci natura. 28
 simplicium considera-
 tio. 9
 sol quo pacto calefa-
 ciat. 12
 Spasmi

INDEX.

Spasmi cura.	82	Vini multiplices effe-	
Spiritus foetidi curatio.		ctus.	161
99		Vini decoctio.	163
Sonũ quæ prouocet.	34	Vinum medicamento-	
Sterilitatis causæ.	106	rum vehiculum.	157
Sterilitatis remedia. ibi.		Vinum canonicè confi-	
Stomachi apostematis		ciendum.	162
causa.	99	Vinum eligendum.	161
Styracis vsus.	139	Vinum à medicina nõ	
Sudor quibus prouoce		absit.	158
tur.	35	Vinũ in medicina. ibid.	
Sudor copiosior.	35	Vinũ quãdo dādũ.	160
Sudor elicitur.	35	Vinum vetus eligendũ.	
Sulphur in argento vi-		162	
uo.	144	Violarum vsus.	126
T Abes morbus.	93	Vlcerum in tibiis reme-	
Talpæ pinguedo.		dia.	40
134		Vlcera matricis.	108
Tamaricis fructus.	129	Vlcera oris.	131
Tartarũ combustũ.	130	Vlcera virgæ.	123
Tetanus.	82	Vlceribus oris garga-	
V Aricũ remedia.	110	rismus utilis.	132
Venerem prohibe-		Vniuersalia ad particu-	
tia.	33	laria viã ostendunt.	22
Vertiginis causæ.	70	Vuæ passæ vsus.	30
Vertiginis cura.	70	Vuluæ morborum cau-	
Vesicæ curatio.	104	sa.	105
Vigilia immodica.	60	Y Drargyros vnde di-	
in sene cholerico vel		catur.	141
sanguineo.	60	Z nzifur.	144
in sene		Zirbale Arabicè ge-	
phlegmatico vel me-		nus herniæ est.	109
lancholico.	61		
Vigiliæ immodicæ cau-			
sa.	59		

FINIS.